

رواية

المطيال

الطبعة
الثانية

محمد زيدان



الخبير

رواية

محمد زهير



ليليث للنشر
والتوزيع

الدهراء

تُقى أختي حبيبتى .. دعمك ليا أكبر موتور بيشدني وأنا عطلان.
ماما .. أكيد مباحش حد أد ما بحبك ما تسبنيش إلا وأنتي راضية عني
وسعيدة بيه.

بابا .. احنا رجال أعمال زي بعض بس كل واحد فينا من جيل مختلف
علشان كده دايمًا بنختلف، لولاك عمري ما كنت هوصل لأي حاجه
النهارده أو بكره أو بعد أي يوم في حياتي، عارف إنك بتشيل كثير بس
قلبك أبيض سامحني وأنت الكسبان :))

واد يا شريف يا فايز مش معني إني كتبت اسمك إن أنت شخصية ولا
حاجة، بس تشجيعك ليا ولكتابتني يجبرني أهديلك الكتاب ده مع كل
اللي بحبهم .. ماما وبابا وتقى وآية وندى ويوسف.

بدأت محكمة الجن يومها مزدحمة عن آخرها. تستمع إلى أصوات الجن والإنس في كل مكان، فالصوت في البهو الضيراني يتردد بقوة، وحركات المساجين من الجن على الأرض وفي أرجلهم السلاسل تُصدر صوتًا تقشعر له الأبدان، وعندما يجد الجن المقيد أي فرد من أسرته تجدهم يبدأون في رفع أصواتهم بطمئنته، ويقتربون منه ويحضنونه، ولكن حُرّاس البهو يمنعونهم؛ لأنهم يريدون أن يصلوا بالمسجون إلى القاعة دون أي حيلة تجعل المسجون يهرب، فرغم السلاسل الكبيرة التي تربط رجل المسجون ويديه والتي ترن وزن إنسي، فالجن لهم حيل كثيرة للهروب من هذا البهو، ورغم امتلائه بالحراس الذين يقفون أعلى العمدان التي يزيد ارتفاعها عن المائة متر تحت الأرض يستطيعون فعل ذلك أيضًا في البهو الذي هو عبارة عن مساحة كبيرة من الأرض مليئة بالعمدان الأسمنتية، وسقف ذلك البهو من النحاس الملون، والأرض التي يسير عليها الجن من برادة الحديد.

يُضاء البهو بالفانوس الأخضر الذي يشع نورًا أخضر ينير البهو كله الذي يزيد مساحته عن آلاف الأمتار، أما الفانوس فهو في منتصف البهو، بناه كيران أسمد الضيراني حفيد الضيراني الذي بنى البهو منذ سبعمئة عام، وكان الضيراني

قد بنى البهو في الأساس للعلم، فالضيراني جنُّ طيار عابِدٌ لله، كان يتنكر في جسد إنسي ويذهب ليحضر دروس ابن عطاء الله السكندري، وتعلّم على يديه كلّ علوم الدين، ثم أُعجب بمسجد السلطان حسن عندما بُني، ووجد فيه كيف تُعلم المدارس الأربعة لعلوم الدين، وأراد أن يفعل هذا في عالم الجن ويُنشئ مدارس لتعليم الجن، لكنه حُورِبَ من الأريني ملك الجن حينها وأعوانه ونفوه بعيدًا عن عالم الجن، ولكنه ذهب للشيخ ابن عطاء الله السكندري في قبره بسفح المقطم وشكى له حاله ونام على قبره، فجاءته رؤية يسأل فيها الشيخ ابن عطاء الله أنه يريد أن يُنشئ مدرسةً للدين في عالم الجن، لكنه نُفي من هناك فأخبره ابن عطاء الله في الرؤية أن يُنشئ مدرسته أولاً على الأرض قبل أن يُنشأها تحت الأرض.

قام حينها الضيراني بإنشاء مدرسته في الصحراء الشرقية، وأخذ يجمع أكبر عدد من الجن ليعلمهم علوم الدين، ثم أتته رؤية لابن عطاء الله يخبره أنه حان الوقت لينزل إلى تحت الأرض، ويتولى الراية وينشر الإسلام، كما كتب له أن ينشر بدلاً من الملوك الذين يدعون الإسلام دون أن يعرفوا عنه شيئاً. ونزل الضيراني وبدأ يحارب الأريني واستمرت الحرب خمسين عامًا، ثم انتصر الضيراني، وحكّم عالم الجن وأنشأ البهو ليُدرس فيه علوم الدين والقضاء والطب والفلك، ثم أتى حفيده كيران الذي درس الفلك وكان جنًّا طيارًا أيضًا، يسافر إلى النجوم، ويحارب الجن الذين يسترقون السمع ويحكم عليهم بالموت، وأحضر النور الذي يضيء الفانوس الأخضر من النجم الأخضر الذي يبعد آلاف الأميال

عن الأرض ولم يستطع أول الأمر أن يحضره، فهذا النجم انقسم قبل خمسمائة عام إلى جزئين وتبقى جزء صغير، ولكن حجمه كان يعادل حجم مصر كلها، ولم يستطع كيران أن يحركه معه إلى الأرض ولم يعرف ماذا يفعل مع هذا النجم، لكن الله هدى له فكرة الزجاج البلوري والذي أحضره من كوكب عطارد الذي لا يستطيع أحدٌ الدخول إليه لقربه من الشمس، ولكن كيران صنع لنفسه هو وأعوانه رداءً من الشعب المرجانية التي تنمو أسفل المحيطات عند مناطق انفجار مركز الكرة الأرضية التي يحدث بها براكين دائمة، وتظل الشعب تعيش وسط البراكين. ارتدى هو وأعوانه تلك الملابس وذهبوا إلى عطارد، وأخذوا الزجاج البلوري، وذهبوا إلى النجم الأخضر، وملأوا منه نورًا وضعوه في ذلك الزجاج، ثم عاد إلى البهو وصنع فانوسه الذي يصل ارتفاعه إلى ثلاثين مترًا، وعرضه عشرون مترًا؛ يأخذ شكلًا بيضاويًا، صنعه من النحاس المخلوط بماء الذهب، وتركه مفتوحًا لم يغلقه بزجاج. صنع فقط الهيكل الخاص به، ثم ملأه بالزجاج البلوري الذي كان يتفاوت حجمه وشكله، وكان يصعب ربطه ببعضه؛ فأخذ حينها الزجاج البلوري وفرده في كوكب الزهرة وحوله إلى كرة بيضاوية واحدة، ثم أتى إلى هيكل الفانوس وفكّه، ووضع الكرة وبداخلها النور الذي فقد بعضًا منه على كوكب الزهرة داخل الفانوس الموجود حاليًا في ذلك البهو الذي تحوّل معظمه إلى ساحة للقضاء فقط وخرجت كل المدارس منه؛ منها: من انتهى تمامًا، ومنها من ظلّ لكن البهو الضيراني الآن هو للقضاء فقط يحكم فيه قضاة ممن تعلّموا القضاء في الأرض، وقد أنشأ أسمد الضيراني مجموعة تُسمى المقتطبة يذهبون إلى العلماء والمشايخ والقضاة يصاحبونهم، ثم يُهدون لهم

الطريق؛ ليخبرونهم أنهم جنٌّ، ويطلبون منهم النزول إلى باطن الأرض وما زالت تلك المجموعة تعمل حتى الآن فضلاً عن أي مجموعة أخرى، وتم خروج عدة مجموعات أخرى؛ منها: حُرَّاس السكة، وحُرَّاس الأرض، وحراس البهو. وبدأ القضاة يأتون من الإنس ليفصلون في قضايا الجن، وإذا أذى جنِّي إنسيًا يُحَقِّق حراس الأرض في الموضوع ويقومون بالقبض على الجنِّي وحينها يحضر الجنِّي محامياً إنسيًا؛ ليدافع عنه.. فتلك هي الحالة في البهو يومئذ: جن وإنس يملأونه ذاهبين وعائدين من وإلى القاعات التي يقوم المحامون بالمرافعات أمام القضاة لتبرئة الجن من القضايا التي أسأؤوا فيها لإنسين أو لبعضهم.

لا يستطيع الإنسي السير على برادة الحديد، فصنعوا لهم ممراً أسمنتياً يسرون عليه. كانت آية الشرقاوي تسير على هذا الممر مسرعةً فهي دائماً تشتكي من المسافة بين أول البهو والقاعات، وتريد الآن أن تلحق الجلسة التي ستدافع فيها عن جابير رقيم الأشعم. جابير عليه حكمٌ غيابي، عندما مرضت أمه واقتربت ساعتها قتر المكوث بجوارها؛ لأنه لم يكن يعيش في المملكة كثيراً، قُبض عليه بعدما توفت أمه، ولم يُحضر محامٍ للدفاع عنه، فهو يعيش بائساً بعد موت والدته التي وصته بعدم العودة إلى الخروج من المملكة. دخلت آية القاعة متأخرةً وسمعت القاضي يتحدث:

- فبن المحامي إلى هيتراف عنه؟

حينها دخلت آية بسرعة وهي تنظر إلى جابير الموجود بالقفص، كان يشبه كثيراً الإنس لولا حرق في وجهه وهو صغير أفقده عيناً وجعله بعين.

واحدة، أما جلده البني المائل للاحمرار لا يفرق كثيراً عن جلد الإنسان، فالجن تختلف أشكالهم عن الإنس، ولكن منهم من يشبه قليلاً الإنس.

- أنا يا فندم حاضرة عن المتهم جابير.

نظر إليها القاضي بغير رضا، ونظر في ساعة المحكمة الفولاذية الموضوعة فوق الباب التي دخلت منه آية، اقتربت آية من المنصة وهي ترتدي روبا الأبيض ووضعت مرفقاً كبيراً كان بيدها جانباً

- حضرتك متأخرة ليه؟

- يا فندم أنا إنسية مبطرش حضرتك، والمواصلات تحت صعبيه جدا.

- شايفاني جني يعني! ما أنا زي زيك وعندي زوماتيزم وجاي قبلك بساعتين.

- ألف سلامة على حضرتك يا فندم.

- اتفضلي.

- نظر إليها جابير بغير اهتمام، ونظر إلى القاضي وأخذ يلف برأسه في كل الاتجاهات حتى استقر على جنية كبيرة في القاعة ذكرته بأمه.

- أنا بطلب من حضرتك تأجيل الجلسة حتى أقوم بدراسة القضية؛ علشان والله لسه واخداها امبارح يافندم.

- نظر إليها القاضي بغير عناية، ثم نظر إلى عدة أوراق أمامه، وقال:

- توجل إلى جلسة ٢/٧.

- بعد إذنك يا فندم أنا لسه مقعدتش مع المتهم ممكن أطلب الجلوس معاه.

ردّ القاضي بغضب:

- وأنا مالي شايفني حارس.

- آسفة يا فندم آسفة.

شَعَرَ جابير بغير الرضا، فجابير أخذ حكمًا غيابيًا بالحبس 300 عام، وعندما قُبض عليه كان من المفروض تنفيذه، لكنه يحق له إعادة الحكم طالما كان غيابيًا. ذهبت آية لتلتقي بجابير في السجن المحبوس فيه وهو سجن البحر الكبير الموجود أسفل البحر الأحمر ولا يوجد له منفذ من تحت الأرض والطريق الوحيد للخروج من خلاله هو الماء، وقفت آية على الشاطئ تلك الليلة في العين السخنة وخلفها الجبال التي تحضن البحر بارتفاع شاهق، تظهر في الظلام أشباح أكثر رعبًا من الجن، ثم أتت المعديّة السوداء وهي مركب لا يراها إنسي، سمعت آية ثلاثة تحبيطات، فخبطت بمثلهم فوجدت الأرض تُضاء تحت مياه البحر فوضعت رجلها الأولى على المياه التي أسفلها نور، ثم رفعت الرجل الأخرى لتجد نفسها واقفة على المياه، ولكنها كانت على المعديّة قالت آية:

- السلام على أهل السلام، أهل السنة والقرءان، أهل الحق والخير على أحفاد تلامذة العدنان.

فوجدت الإضاءة التي أسفلها تتحرك، فتحرّكت مع الإضاءة، وهي كالسائرة فوق المياه وسمعت الصوت الأجدع لعجوز:

- وعليكم السلام.

ثم تحرّكت مع النور حتى توقفت المياه عن الظهور تحت رجلها.

- اقعدني مكانك.

- اقعد هنا حضرتك؟

لم تكن ترى شيئًا، وأخذت تتحسس بيدها حتى وجدت شيئًا حديدًا جلست عليه، ونظرت إلى المياه في الظلام لا ترى شيئًا ولا تعلم كيف تجلس على المياه، ثم تحرّكت المعديّة فأضاء نور سيارة متحركة لها البحر من تحتها، فوجدت نفسها تجلس فوق المياه وتتحرك في الهواء فشبهت قائلة:

- اه!

- مالك؟

- مفيش حضرتك.

- انتي محامية ولا رايحة تزوري حد تعرفيه؟

- لم تكن تعرف من تكلم حينها، ولكنها ردّت:

- محامية.

- امال مالك؟ أول مرة تركبي معايا المعديّة؟

- اه حضرتك.

- علشان كده.

- بدأت تشعّر بهواء البحر في وجهها وأنها طائرة، ولولا شعورها بأرض أسفل منها لإنهارت.

- طب غمضي عنيكي

- حاضر.

- أغمضت عينها، ثم قالت:

- هو السجن بعيد؟

فلم يرد، حينها فتحت **عينها** لتجد نفسها تنزل أسفل المياه، وتتنفس بشكل طبيعي وسمعت صوت **اختراق** المعدة للمياه، لكنها لم يلمسها ماء فحاولت أن تحرك يدها في أي اتجاه فوجدت **هواءً**، ثم نظرت في المياه، فوجدت ضوءاً أحمر بعيداً لا تعرف ما مصدره ونظرت إلى أعلى، فوجدت سطح المياه فوقها، اقتربت المعدة من الضوء، فوجدته آية شعلة على عصاه مضاءة وسط المياه، وخلف الشعلة باب حديدي سمعت الصوت الأجدس وهو يقترب منها:

- البسي ده.

فنظرت، فوجدت مشعماً معلقاً في الهواء قامت من مكانها وأمسكته لتجده رداءً من البلاستيك وله (زعيرط) ارتدته بالكامل، ثم سمعت الصوت:

- الباب هيفتح، ملي رجلك من على المعدة وحطها جواه.

ثم وجدت الباب يُفتح للداخل ولا يدخله ماء، وسمعت أضواء مياه خفيفة تنزل على رأسها فسارت بوضع رجلها ناحية الباب الذي كان في نفس مستوى المعدة فوجدت مياه تصلها ولا تعلم من أين تصلها حتى دخلت بكامل جسدها بعد الباب لتجد نفسها على أرض صلبة وأمامها صفٌ طويل من الشعلات الحمراء المعلقة على جدار ناحية اليمين تنير فقط الطريق التي لا تعرف ما يوجد في يمينه أو في يساره، ثم سمعت الصوت الأجدس:

- المشمع.

فحينها خلعتته من عليها ومدت يدها ناحية المعدة، فوجدته يتحرك للخلف ثم سمعته يقول:

- خليكي ماشيه على طول.

سارت في الطريق المضاء بتلك الإضاءة الخافتة، ثم وجدت باباً يُفتح من الخلف تظهر منه إضاءة أقوى من الإضاءة المتواجدة فيها، مرّت ناحية الباب وعبرته، فوجدت نفسها داخل غرفة مضاءة بشكل جيد تظهر جدرانها خرسانية وبها ترايبزه وكروسي وعلي اليمين يوجد فتحة في الجدار يخرج منها نور، اقتربت منها لتجد الباب يُغلق من خلفها، ونظرت فيها فوجدت طبقاً به عظم، ونظرت يميناً ويساراً، ثم فوجئت بجني يجلس أمام هذا الطبق، قزماً له قرنان وثلاثة عيون وينبت الشعر في وجهه من ناحية واحدة فشعرت بخضة وعادت للوراء، بينما بدأ هو في الأكل من العظم:

- أوامري.

- جابير رقيم الأشعم، أنا المحامية بتاعته.

- وأنا أعملك أيه؟

- عندي ميعاد بالزيارة.

وهمت في أن تخرج ورقة من شنطتها.

- أنتي أول مرة ليكي هنا؟

- اه.

- طب اقعدني على الكرسي ده.

- قالت:
- هجبلك براءة.
 - براءة ايه! أنتي مبتدئة! ده أنتي المحكمة اللي جايباكي ليا.
 - مين قالك كده؟
 - امال بتدافعي عني ليه؟! أنا معيش حاجة اديها لك ولا مستنيا في
 - أخذ براءة واروح ادورلك على الذهب في الجبل؟
 - لأ.
 - امال؟
 - المحكمة هي اللي جابتني ليك اه، بس أنا قيدت نفسي في المحكمة. أنا
 - معرفش أنت مين، بس أنا عايزة طيار عملي خدمة، فأنا هطلعك
 - براءة مقابل خدمة.
 - اقتلك حماتك؟
 - لأ.
 - جوزك؟
 - لأ.
 - ابنك عنده سرطان وعايزاه يتعالج بره؟
 - الله أكبر، لأ.
 - امال؟
 - أخذت آية نفسها، ثم قالت:
 - في واحد بحبه..

- وهو هيجي حضرتك؟
- ماهو مرزوع جوه اهو.
- عادت بالنظر إلى الخلف ولم تجد شيئاً.
- مفيش حاجه حضرتك!
- هو مش باينلك؟
- ونظر ناحية الترايزه:
- ماتتيل تبالها ولا عايزهم يروقوك!
- حينها نظرت ناحية الترايزه مجددًا، فوجدت جابير ظاهرًا.
- بانلك؟
- اه بان، شكرا يافندم.
- حينها أغلق القزم الشباك بقوة، وترك آية وجابير في الغرفة وحدهم. ذهبت
- آية لتجلس أمام جابير فوجدته غير معتن بها، كان يشبه الإنس كثيرًا لولا وجود
- عين واحدة في وجهه وعدم نمو شعر له في نصف رأسه الايمن وجدته آية يجلس
- على الهواء.
- ايه ياعم زعلان مني ليه ومش عايزني اشوفك؟
- نظر جابير بعينه الواحدة إلى آية، وقال لها:
- تفتكري هتفرق؟
- طبعًا هتفرق.
- هتفرق ازاي؟! أنا كده كده وأخذ 300 سنة هتخليهم 250 يعني!
- وضعت آية شنتها على يد الكرسي وعدلت حجابها على رأسها، ثم

- انتي مكتبك فين؟
- فوق.
- منا عارف إن مكتبك فوق، فوق فين؟
- لوت آية بوزها وقالت:
- جسر السويس.
- انتي من القاهرة يعني؟
- اه.
- أصل أنتي شكلك مدي على اسكندريه اسماعيلويه، البنات هناك عقارب.
- انا أصلا من أبو النمرس.
- اه فلاحه يعني؟
- ميرسي على ذوقك.
- وايه اللي شغلك بقي في السكة الهباب دي؟!
- أنا عايزة اشتغل كده.
- محامية فوق وتحت، أنتي شكلك لسه عندك ثلاثين سنة.
- ايه ثلاثين ايه!! 23 بس.
- مش قوي كده، أنا ممكن أمشيالك 27 بس مش 23.
- 25 بصراحة.
- وماله، ايه بقي اللي مشغلك محامية فوق وتحت، ولا محامية تحت بس ايه اللي دخلك السكه دي؟

- فتح جابير عينه الوحيدة عن آخرها واقترب منها:
- وعارياز يحبني ويتجوزني أنت هتمسه، بس مس خفيف كده، وتخليه يحبني وبجي يتقدملي.
- انتي هابله يابت ماتروحي لأي دجالة تعملك عمل وتحطه في رجل كلب ميت.
- لأ أنا مليش في الحاجات دي طبعا.
- وربنا! امال ليكي في ايه؟! أنتي ممكن تطلبي من الطيار أنه يعملك أي حاجة، ايه اللي يخليكي تختاري ده يعني؟!
- بحبه أوي يا جابير والله.
- والله!
- ده شكله ايه ده؟
- هدأت قليلا، ثم قالت:
- وسيم طبعا، غسل، راجل، أسمراني.
- أسود يعني، مشهور طيب، غني؟
- لأ والله ده عيادته جنب مكتبي وعلي اده.
- دكتور ايه؟
- دكتور أسنان.
- حرك جابير يده اليمنى لأعلى ليعدل بها خصلات شعره، فرأت آية السلاسل المربوط بها ذراعه الأيمن التي لا تستطيع تحريكها بيديها الاثنتين، ورأت أصابعه السبعة، ثم سألتها:

- ستي الله يرحمها كانت بتخاوي كده، فأنا عارفة يعني السكة دي،
رفع فيه لأعلى:

- اه، هي منهم بتوع الأعمال والجن الكافر.

- ياعم بقى ماتعملش فيها بتاع، أنت محكوم عليك ب 300 سنة.

- بس مسلم.

مسلم وعملت كده ليه؟

غضب جابير من السؤال وتغيرت علامات وجهه وسكت قليلاً:

- هتطلعيني براءة ازاي بقى؟!

وضعت الشنطة على التراييزه، وأخرجت منها عدة أوراق وضعتهم على

التراييزه، ثم وجدت الجني القزم يفتح الشباك الفاصل بينهم وبينه ويتكلم وهو
واقف على التراييزه:

- سلمتي الموبيل بره؟

نظرت آية له في خوف واستغراب.

- انا ملقتش حد بره أصلاً حضرتك وبعدين مفيش شبكة هنا.

- أنتي هتحكي لي قصة حياتك، هاتي الموبيل ولو معاكي اتنين هاتيم،

ولو معاكي سجائر هاتيمها.

أخرجت الموبيل من الشنطة، ثم أخرجت علبة السجائر المالبورو الأبيض،

حينها نظر إليها جابير:

- محجبة وبتشربي سجائر؟!

رفعت حواجبها وهي تنظر إليه، وقالت:

- وفيها ايه يعني.

ثم ذهبت ناحية القزم وأخذت الموبيل والسجائر وأعطتها له، فأخذهم منها
وأغلق الشباك مسرعاً، وعادت إلى مكانها، ثم وجدته يفتح الشباك مرة أخرى.

- لو معاكي ولاعة هاتيمها.

فأخذت الولاة من الشنطة وذهبت بها إليه وأعطتها له، وقالت:

- ليه يعني؟!

لكنها لم تكمل كلامها فأغلق الشباك مسرعاً وأخرج سيجارة ووضعها في فيه،
وأخذ يدخنها ومسك الموبيل وأخذ يقلب في صورها، وقال:

يارب يبقى عندها صور ليا وهي عريانة.

عدلت آية الورق على التراييزه، وأخذت تكلم جابير وهي جالسة:

- بص هو أنت كده كده حكك ده كان غيابي فهما لازم يببالغوا فيه،

أنا بصيت في القضية لقيتها فيها ثغرات من كتاب (قانون الجن)،

وأخرجت الكتاب؛ فنظر جابير إليها:

- أنتي قرיתי الكتاب ده؟

- اه.

- قريتيه امتي؟

- قريته وخلاص.

- قريتيه امتي؟

- قريته وأنا بقرا قضيتك.

رفع جابير حاجبه الأيمن بقوة:

- أنتي كسبتي كام قضية قبل كده؟
- سكتت آية وفتحت فيها، اقترب جابير منها:
- كسبتي كام قضية قبل كده؟
- لم تنطق آية.
- خسرتي كام قضية قبل كده؟
- ظلت آية ساكتة.
- اترافعتي في كام قضية قبل كده؟
- دي أول واحدة بس..
- لم تكمل آية الكلام حتى وجدت جابير يقرب يديه من وجهها، لكن السلسلة منعتها، وقامت آية من مكانها.
- وعاملالي فيها ناصحة وأنا مختاراك، أنا قلت رجائي عطيه اللي هيدافع عني.
- قالت آية وهي واقفة:
- والله هطلعك براءة وهتشوف والله أنا في المدني وفي الجنائي شاطرة جدًا وأساتذتي في الكلية كانوا بيقلوا إن أنا ممتازة.
- أشار لها بيده وقال:
- تعالي اقعدني ماتخافيش.
- اقتربت آية وجلست أمامه.
- أنتي اترافعتي في كام قضية فوق؟
- لم تتكلم آية ولمت يديها إلى جانبها ووضعها أمام وجهها، ورجعت إلى

- الخلف حينها اختفى جابير، وأخذت تنظر إليه وتنظر في كل الاتجاهات.
- جابير، جابير هطلعك براءة والله أنا شاطرة جدًا.
- تكلم جابير وهو مختف:
- وبتقوليلي عندك 23 سنة ماهو أكيد 23 سنة علشان كده ماشغلتيش قبل كده، وأنا حمار وبسمعلك.
- 28 والله يا جابير.
- عاد جابير للظهور.
- 28 وما ترافعتيش في ولا قضية؟!
- هما مش 28 أوي هما 26.
- أعمل فيكي ايه؟! أطلب من المحكمة محامي تاني؟ مش عارف هيجبولي ولا لا، ما أنا لو هطلع براءة كان جه أي محامي تقيل اترافع عني مقابل خدمة، بس أكيد كلهم شايفين القضية خسرانة فسابوها فجييتي أنتي.
- سكتت آية فترة، ثم بكّت وظلّت تبكي مثل الأطفال الصغيرة، ونظر لها جابير ولايعرف لماذا تبكي.
- والله العظيم أنا شاطرة ومحدش بيديني فرصتي علشان أنا أذكي منهم كلهم وهم خايفين مني، أنا شاطرة والله العظيم.
- بس يا ماما.. بس يا حبيبتي.
- غضب جابير وبكل قوته أصدر صيحة في وجهها:
- بس.
- فسكتت آية.

وفتح القزم الشباك وفي يده السيجارة وأمامه التليفون المحمول يشاهد عليه
صور آية، وقال:

- في ايه بتعيطها ليه ياله؟

قال جابير في سره:

- وربنا لو ملكتك.

ثم رفع صوته وقال:

- مفيش مفيش.

فأغلق الشباك بسرعة، ثم تكلمت آية:

- اديني فرصة والله وهطلعك براءة.

- هتطلعيني براءة ازاى يا آية؟

- أول حاجة التحريات اللي اتخدت بعد الجريمة اللي أنت قتت بيها
حراس الأرض قالوا إن هما عملوا تحريات قبل البوليس مايجي،
والتحريات اللي هما عملوها مكنش ليها علاقة بتحريات البوليس
ودي عمرها ما بتحصل، ثاني حاجة الرجل اللي أنت قتلته ده كان
بيشتغل في السحر الأسود، والأعمال السفلية وحراس الأرض قالوا
إن أنت كنت بتشتغل معاه واختلفتوا فقتلته بس أنت مكنتش
بتشتغل معاه احنا هنقول ان هو كان بيحاول يجندك بجن كافر وكان
بيبعتهملك علشان يجبوك وأنت كنت بترفض، ليلتها هو كان مسير
جنه يقبضوا عليك ويجبوك عنده ولم مسكوك مكنش قد حل
غير إن أنت تقتله علشان هما يسبوك.

تالت حاجة الرجل ده شغال بقالوا كتير في السحر الأسود وحراس
الأرض سايبينه يبقى هو أكيد كان بيدفعلهم رشوى.

- كل اللي أنتي قتتبه ده محصلش.

- امال ايه اللي حصل، أنت قتلته ليه ولاهو مات ليه؟

- أنا مقتلتوش أصلاً.

- هو ايه اللي مقتلتوش ياعم هو أنا القاضي بتكذب عليه ليه؟!

- أنا مبكذبش أنا مقتلتوش فعلاً.

- امال ايه اللي حصل؟

- أنا روحت لقيته ميت.

- ياعم شغل الأفلام العربي القديم ده القاضي مصري هتقله روحت

مسكت السكينة وبعدين لقوا عليها بصماتي!

- سكينه ايه؟! أنا روحت لقيته ميت ولقيت الحراس عنده ومشيت.

- يعني الحراس اللي قاتلينه، طب أنت روحت ليه؟

- كان في مشاكل وكنت بدور على حد عنده.

- طب الحراس ليه كتبوا في الحالة إن هما راحوا لقوك هناك وبتحاول

تهرب!!

- معرفش أنا مقعدتش في المملكة من عشرين سنة إلا مع مرض أمي،

نزلت قعدت معاها وفوجئت إن علي حكم بعد ما ماتت كان وقالولي

تعالى.

- أنا لو مشيت ورا اللي أنت بتقوله ده هوصل لايه؟ التلت حراس اللي

كتبوا الحالة محدش عارف مكانهم، وأنت عليك حكم هروح أقول
للقاضي ايه هو أصلاً مفيش قدامنا إلا ورق الحالة اللي هما كاتبينه.
وأخرجت ورقة من الأوراق التي أمامها:
دخلنا إلى الشقة فوجدنا القتييل ينزف، والقاتل يحاول الحرب وعند
محاولتنا القبض عليه فشلنا؛ لأنه كان جئاً طياراً اختفى من أمامنا ولم نعرف
إلى أين ذهب.

- يعني ايه؟
- معرفش طب أنت بتفكر في ايه؟ عايز ايه من القضية؟
- عايزك تطلعيني براءة.
- طب أنا لو مكنتش ظهرت قدامك؟
- كنت ههرب.
- من هنا؟
- وهما بينقلوني أنا طيار أعرف أهرب من أي حته.
- طب قدام هي كده كده بايظه معاك، ماتسبني أقول اللي أنا محضراه.
- إن أنا قتلته؟!
- صدقني هتطلع براءة قتلته لسبب، عمر ما واحد بيشتغل في السحر
الأسود يموت ويتحكم على قاتله ب 300 سنة، ده حكم خيالي أنت
أخرك 10 سنين.
- طب لو سيادتك جبتيلى عشر سنين ما أنا مش هخلي الواد يحبك.
سرحت لثانية..

- محمد.

- هو اسمه محمد.

- اه.

سكتت لفترة، ثم قالت:

- مش مشكلة دلوقتي بس أنا مش هعرف أقول اللي أنت عايزه إن
أنت مقتلتوش وإن الحراس كذابين، القاضي هيعند معايا وهيديك
100 سنة.

- يعني هتثبتي التهمة عليا؟!

رفعت يدها لأعلى وقالت:

- ده حلي الوحيد لكده يأما مش هعرف.

- افرضي حكم عليا بالإعدام.

- خلاص خلي حد غيري يترافع.

- أنتي واثقة إن أنتي هتطلعيني براءة.

- خليها على الله.

هدأ قليلاً، ثم قال:

- ونعم بالله.

أتى ميعاد المحاكمة سريعاً ووقف جابير في القفص مُكبلاً بتلك القيود
يتحدث مع آية.

سمعت آية دقة الساعة الموجودة فوق الباب، ثم وجدت قزماً يقف بعد
الباب الذي يخرج منه القضاة يقول:
- محكمة.

حينها تركت آية جابير، وذهبت لتقف مكانها مع الجن الواقفين في انتظار
القاضي المصري الذي يحكم وحده في القضية دون مستشارين، جلس القاضي
مكانه، ثم جلس جميع من بالقاعة. جلست آية في الصف الأول ترتدي روباها
الأبيض، ثم سمعت القاضي يكلم القزم:
- نادي يا ديشان.

فنظر القزم الذي ارتدى بدلة كاملة على جلده البني المائل للون الأصفر إلى
الملف الذي يحمله في يده وقرأ أول اسم وقال بصوته العالي:
- جابير رقيم الأشعم.

حينها قامت آية من مكانها وذهبت في اتجاه المنصة وكلمت القاضي:
- آية الشرقاوي حاضرة عن المتهم.

نظر القاضي إليها من فوق لتحت، ثم قال:

- هو فين المتهم ده؟

- اتفضلي دافعي.

بدأت آية في الكلام:

- سيادة القاضي حضرات المستشارين.

فضحك القاضي وكل من بالقاعة واقترب القاضي منها، وقال:

- المستشارين دول فوق يا ماما.

- اسفه يا فندم.

- أنتي هتلبسي الجني ده حرق شكلك كده.

بدأت علامات القلق تزيد على وجه جابير.

- سيادة القاضي، إن الأحكام الغيابية يجب أن يعاد النظر فيها

بموجب المادة ٧٢ من قانون العقوبات؛ ولهذا فأنا هنا سيادتكم لأطلب

منكم إعادة النظر في الحكم الغيابي الصادر على موكلي منذ عشرين

عامًا، هذا زمن غابر يتحوّل فيه الشخص من السيء إلى الجيد وفي

عوامل أخرى تسقط فيه التهم، فنحن ياسيادة القاضي بصدد الحكم...

أوقفها القاضي قائلاً:

- خشني في الموضوع معنديش اليوم كله.

- إنني أطلب منكم التماس الرأفة والنظر جيدًا إلى حالة موكلي وإلى

الحالة التي أدانته أمام سيادتكم، فمن حزر تلك الحالة هم حراس غير

موجودين الآن، لا نستطيع أن نأتي بهم ونسألهم لماذا فعلوا هذا، لماذا

حرروا حالة يدينون فيها جنيًا قتل إنسيًا يعمل بالسحر الأسود يقتل

الناس ويعيشهم في رعب وفرع. إن موكلي هو جن طيار لا يستطيع

- في القفص يا فندم.

نظر القاضي إلى القفص ولاحظ جابير، ثم سأله:

- أنت طيار؟

فحرك جابير رأسه بالموافقة.

- ايوه يا فندم.

- أنت محكوم عليك ب 300 سنة غيابي.

فردت آية:

- ايوه يا فندم هو محكوم عليه ب 300 سنة غيابي.

فنظر القاضي إلى آية:

- أنا سألتك انتي؟!

فردت آية:

- اسفه يا فندم.

فنظر جابير إلى القاضي، وقال:

- ايوه يا فندم.

فسأله القاضي سؤالاً أربكه:

- أنت موافق على المحامية دي؟

فلم يرد جابير فالتفتت آية إليه لتجده ساكتًا، ونظرت إليه كي يتكلم؛ فتكلم

جابير بينما ينظر القاضي في الأوراق الموجودة أمامه.

- ايوه يا فندم.

نظر القاضي إلى آية، وقال:

شخص مثل هذا الساحر أن يتعامل مع مؤهلاته وقدراته، ولكنه ساحر طماع كان يريد لنفسه الثراء والقوة فجدد جنًا ثرابتًا كافرًا ليقبضوا على موكلي، وأصبحوا يتجمعون عليه بالآلاف كل همهم هو تجنيد هذا الجن الطيار المسلم من أجل أذى الناس، وهذا ما حرّمه الله على معشر الجن وذكرته كل الرسائل السماوية، وتذكر أحاديث القدامى (فيا معشر الجن لا تمسوا إنسيًا بسوء، فهو أحسن خلق الله) هكذا كانت الحكم والأقاويل، ولرفض موكلي مساس الإنسيين بسوء ظلّ هذا الساحر يتبعه ويغريه بأقاويل شيطانية بأنه سيقربه من إبليس؛ ليعطيه قوة الطيارين العظام ويخلده في الدنيا ويجعله يستطيع استراق السمع، لكنه رفض ومع رفضه زاد إصرار الساحر.

بدا على القاضي علامات النوم من كلام آية، أما جابير فكان يعيش في خوف شديد، ويعلم أن آية ليست بالشخص المناسب.

- لهذا جند جيوشه وأتى بهم في هذا اليوم، وأحضره إلى شقته، وإذا عُدت لمحضّر الشرطة المصرية.

وأخرجت ورقة من شنطتها، وذهبت بها إلى القاضي لتعطيها له..

- بممشيش بالمحاضر دي هاتيلي حالة.

- سيادتلك الحرس اللي كتبوا الحالة محدش عارف مكانهم.

- مليش دعوة.

- يا فندم كان في معركة كبيرة والجيران سمعوا أصوات كثيرة ولقوا الشقة

متكسرة وكان في دم حيض في الشقة ده جن مسلم عمره ما يطلع الحاجات دي.

مدّ القاضي يده، وأخذ الورقة من آية.

- المحضر ده بقاله عشرين سنة.

- ايوه يا فندم.

- جبتيه ازاي ده؟!

- عمي في الداخلية.

- كملي.

- إذا يا سيادة القاضي بعد كل تلك المحاولات دافع جابير عن نفسه

للخروج من تلك الأزمة مما أدى إلى موت هذا الساحر.

- مين اللي قتله يعني؟

سكتت قليلًا، وأخذت نفسها، ثم قالت:

- جابير يا فندم.

فنظر القاضي إلى جابير:

- أنت اللي قتلته يا بني بتثبت التهمة على نفسك!

حينها شعر جابير بالرعب وأخذ ينظر إلى وجه آية ولا يعرف ماذا يقول،

وتحاول آية أن تجعله يوافق على كلامها وتهز رأسها، فتكلم جابير:

- اصل هو..

- أنت اللي قتلته؟

وأخذت آية تهز في رأسها.

فنظر جابير في الأرض وقال:

- اه.

حينها عادت آية برأسها للقاضي لتكمل حديثها:

- إذا..

لكن القاضي أغلق الملف الموجود أمامه والذي به عدة أوراق أعطتها آية

له، وقال:

- الحكم بعد الإطلاع.

وقال القزم:

- محكمة.

ووقف الجميع وخرج القاضي واقتربت آية من جابير الذي كان غاضباً

بشدة، وقال:

- وربنا لو ماخذت براءة ماهسيك.

- يا جابير ماتخافش.

- هركبك ثلاثين عفريت.

- يا جابير أنت طيب وعمرك ماتعمل كده اهدى بس.

مر وقت وآية تتحدث مع جابير، ثم نادى القزم بعلو صوته:

- محكمة.

فذهبت إلى مكانها لتقف حتى يجلس القاضي، ثم تجلس هي الأخرى.

جلس القاضي الذي كان يرتدي بدلة صفراء تبعد نظر جابير عنه فلم ينظر

إليه جابير، بينما يقرأ الحكم قال القاضي:

- بعد الإطلاع على أوراق قضية الجنى الطيار جابير رقيم الأشعم، وإعادة

النظر في الحكم الصادر بتاريخ ١٦/٥/١٩٩٠ بحبس المتهم ٣٠٠ سنة.

نظر جابير ناحية آية التي تنتظر يد السيف لقطع رقبتها أو للإعفاء عنها.

- قررنا نحن القاضي شريف صلاح الخميسي بإعفاء المتهم من الحكم

الصادر عليه.

قفزت آية وسط المحكمة وهي سعيدة وأخذت تقول وهي تقفز:

- يس يس.

توقف القاضي عن القراءة، ونظر إليها وهي تقفز في المحكمة بروبها الأبيض:

- أنتي يا أبله، أحبسك كام سنة؟

- آسفة آسفة.

وكتمت ضحكتها وجلست وكانت تريد أن تنظر إلى وجه جابير لترى حجم

الابتسامة التي تعلوه وأكمل القاضي:

- والحكم عليه..

حينها سمعت آية صوت يد جابير تقبض على القضبان التي تفصله عنهم

- ب العمل الإصلاحي فوق الأرض ليعيد لإنسي فقد حياته بعد تعرضه

لمس جنى وأصبح يعيش في وحدة بسبب اضطهاد الناس له وذلك

في مدة لا تتعدى اكتمال القمر وفي جسد إنسي، وإن لم يستطع يُنفذ

عليه الحكم بالسجن ٣٠٠ سنة، وإذا هرب يُحكم عليه بالحرق.. رفعت

الجلسة.

القزم:

- محكمة.

لفت آية بوجهها ببطء ناحية جابير لترى التعابير، ووجدتها كما توقعتها تعابير غضب وامتعاض وتوعد لآية التي اقتربت منه ببطء شديد، ووقفت أمامه وقالت بصوت منخفض:

- حكم حلوا.

فرد جابير:

- هموتك.

ثم وجدت جنينًا قزمًا يمسكه من الخلف.

- يالا علشان تلبس.

التفت له جابير، وقال:

- البس.

نظر له القزم بغير اهتمام وقرف:

- تلبس البني آدم اللي هتطلع فيه، ياله قرك هيكتمل كان أسبوعين

وهتموت.

ثم نظر إلى آية:

- وأنتي واقفة عندك ليه، روجي هاتيله ورق البني آدم اللي هيطلع له

وشوفي ايه اللي فيه.

نظرت آية إلى القزم ذي الأربع أعين والجلد الأحمر والثلاثة قرون بغير فهم

وعدم رضا عما هي فيه، تحرك جابير معه، ثم نظر إليها:

- والله لمشيكي على لسانك.

- علي فكرة ماتخافش موضوع هيعدي وهتبقى كويس وهتاخذ قوتك

تاني.

ضرب بكل قوته على القضبان الحديدية؛ فأصدر شرارة في القاعة أحرقت

شنطة آية الجلدية، بينما ونَّحَه القزم وقال له:

- اخلص ياله.

ثم قالت آية وهي تحاول أن تُطفى نيران الشنطة:

- علي فكرة الشنطة دي زارا.

نظر جابير إليها وإلى القزم، وقال:

- أنا ده! أنا كنت بلف العالم في ١١ ثانية يتعمل فيه كده.

- نظرت آية إليه، وقالت:

هجيب الورق بتاع الإنسي اللي طالعنله وهقابلك، ثم نظرت إلى القزم،

وقالت:

- هو هيلبس البني آدم ده فين؟

تحرك به القزم إلى خارج القفص من باب بأخر القفص لا ترى آية إلى أين

يؤدي.

فذهبت آية إلى القزم الأصفر الذي يقول محكمة والمدعو ديشان وسألته:

- لو سمحت هو حضرتك هيلبس فين البني آدم؟

سند القزم يديه على المنصة التي يجلس عليها القاضي وقال وهو يهوي

بالورق الذي في يديه على وجهه.

- في اوضه اللبس في قاعة تسعة، اشتريه هدوم علشان البني آدم اللي

هليلسه عريان.

ظهرت على آية علامات الغضب، ثم قالت:

- طب اجبله لبس منين دلوقتي؟

فقال لها القزم:

- استني القاضي لما يطلع واسئليه.

فنظرت ناحية المنصة بخوف شديد، حينها ضحك القزم عليها وهو يغطي وجهه وعيونه بالورقة من الضحك وتركته آية وخرجت لا تعرف ماذا ستفعل، وأخذت تبحث في البهو عن مكان لشراء الملابس، لكنها لم تصل إلى أي شيء. دخل جابير إلى أوضة اللبس مكبلأ، ويسير بجواره القزم معه ورقة، عندما دخل جابير الغرفة وجدها غرفة ذات ارتفاع شاهق يصل ارتفاعها إلى ارتفاع العمدان الموجودة في البهو ومقسمة إلى قسمين يمين ويسار، كل قسم فيه ثوابيت مرصوفة بجوار بعض وفوق بعض، الصف الواحد به حوالي مائة تابوت بجوار بعضهم، والصف رأسي به أكثر من ألف تابوت فوق بعض مكتوب على الناحية اليمنى في منتصف المسافة بين السقف والأرض (إنس) بخط كبير، وعلى الناحية اليسرى في منتصف المسافة بين السقف والأرض (جن) بخط كبير. التابوت الإنسي طوله لا يتعدى مترين وعرضه وارتفاعه لا يتعدوا متراً، أما التابوت الجنى فتختلف أحجامه من تابوت طوله عشرة أمتار وعرضه وارتفاعه ثلاثة أمتار إلى تابوت في حجم تابوت الإنسي، وفي منتصف السكة بين الصفيين يوجد كرسيان فقط ولا يوجد شيء آخر في الغرفة سوى الجنيين اللذين كانا بالغرفة؛ أحدهما قزم والآخر: في جسم جابير والذي يعتبر في جسم

البنى آدمين، عندما رأى القزم الذي بالغرفة جابير ومعه القزم؛ ابتسم وقال:

- دسوس.. ازيك ياله؟

- أهلا يا اخويه، ازيك يا شفعان؟

وكان يقصد القزم، ثم سأم على الآخر:

- ازيك يا جرياص؟

- ازيك يا دسوس، جاييلنا ايه؟

اقترب دسوس وأعطاهم ورقة كان يحملها بيده، فأخذها جرياص وبدأ في

قراءتها، ثم نظر القزم إلى جابير من فوق لتحت، وقال:

- والحلو بقى جاي في ايه؟

انتهى جرياص من القراءة في الورقة وعاد إلى الخلف ناحية دولاب الإنس

وقال لجابير:

- معاك لبس؟

حينها سأل شفعان جرياص، بينما ذهب دسوس ليجلس.

- أنت هتديله ايه؟

ردّ جرياص:

- هنشوف بس هو معاه لبس ولا هيمشي عريان، في بره إنس مينفعش

يشوفوه عريان. ماترد يا عم الطيار.

تكلم جابير وهو مرغم على أمره:

- في محامية راحت تجبلي لبس.

فسأله شفعان:

- يعني نستنى ولا نلبسك البني آدم دلوقتي؟

فسأله جابير:

- يعني مفيش بني آدمين لابسين، كلهم عريانين كده!

- فضحك دسوس بعيونه الأربعة.

وردة جرياص برهق:

- لأ يا سيدي مفيش، اخلص.

اقترب شفعان من جرياص ولمس جلده وأشار له بأن ينزل فنزل برأسه

قليلاً، فقال له:

- هتديله ايه؟

- مش عليه ٣٠٠ سنة ولومجاش هيموت يبقى نديله واحد ميت.

- أنا قلت كده بردوا.

- هاتلي ورقته هاتلاقي الجن الطيار في آخر تابوت.

تحرك شفعان برجليه غير المستويتين يتأرجح على الأرض بأقدامه المفلطحة

التي لا تستطيع تثبيته وهو يتحرك حتى وصل إلى آخر تابوت، وأخرج عدة

أوراق وأحضرها، وأتى وأعطى الورقة التي بها رسم لجابير عبارة عن رسم فراغي

للجن يختلف قليلاً عن الإنس في التحام الرقبة بالكتف، فرقته قصيره قليلاً،

أما ظهره فهو أعرض قليلاً من الإنسان وساقيه أرفع من ساق الإنسان، أما باقي

الصورة فهي فراغية لا يوجد تحديد لعدد أصابع مثلاً، أعطى شفعان الورقة إلى

جرياص وكان بالدوسيه قلم معلق، أمسك جرياص الورقة واقترب من جابير

المكبل وبدأ في تفحصه والكتابة على الرسم عند الوجه رسم عيناً واحدة،

وشطب على مكان العين الأخرى، وعند الجمجمة رسم شعراً في ناحية وفي

الناحية الأخرى وضع علامة x، ثم رسم الأذنين والأنف والشفايف، وتفحص

الوجه بيده، ثم قال له:

- بيطلعك شعر في وشك؟

- لأ.

فوضع علامة x على الوجه، وأخذ يكمل الرسم حتى وصل إلى أصابع اليد،

فرسم سبع أصابع، ثم قال له:

- اقلع.

ردة جابير وهو غير فاهم.

- اقلع ايه؟

- أنت شايف نفسك لابس ايه حتة قماشة مغطي بيها الحاجة.

- طب واقلعها ليه؟!

- علشان ماتجيش - ده لو جيت يعني - تستام جشك تقول سرقنوا

حاجتي هرسمالك دلوقتي وابصمك علشان تبقى مثبتته، اقلع يا عم

ما تتكسفش.

خلع جابير القماشة، ثم رسم جرياص ما وجدته تحتها، ثم قال له:

- ادبر.

وقلب جرياص الصفحة ورسم مؤخرة جابير.

فتح الباب الحديدي الكبير بعد أن دق:

- سلاموا عليكموا.

آية وفي وجهها مؤخرة جابير، فنظرت آية بوجهها في اتجاه آخر بينما ضحك
القرمان بشدة؛ دسوس الذي يجلس على كرسي، وشفعان الواقف أسفل رجل
جابير، ثم ارتدى جابير القماشة وبدأ جرياص يرسم في الصورة الخلفية، ثم
أعطى الورقة لشفعان ليرسم الجزء السفلي من جابير، وقال لآية:

- خلاص اكيد لبس تعالي.

فدخلت آية وهي واضعة يدها التي تحمل فيها أوراقاً على وجهها، ثم أنزلتها
وكانت تحمل بيدها الأخرى جلابيه، واقتربت من جرياص وأعطته الجلابيه:

- أنا جبت اللبس اهو.

فردّ دسوس:

- استني شويه يا ماما، ايه مستعجلة على ايه؟ هو لسه دخل!

فضحك هو وشفعان عليها، ثم قال شفعان لجابير وهو يرسم جسمه:

- افتح يا بني رجلك عدل.

انتهى شفعان من الرسم، ثم أعطى الورقة إلى جرياص فقال له جرياص

- ادبهاله خليه يبصم.

فتكلمت آية:

- ثانية واحدة، هيبصم على ايه؟

فردّ دسوس:

- هيبصم على جسمه.

فقالت آية:

- طب اشوف بعد أذنك.

ومسكت آية الورقة وأخذت تتفحصها، وقال جرياص لشفعان:

- هاتلي ملف الإنس.

فذهب شفعان إلى تابوت وأحضر له أوراقاً كثيرة، وأعطاها لجرياص في يده

فأخذ يقلب فيها، ثم أخذ ورقة وأعطى شفعان الباقي، فسأله شفعان:

- هتديله ايه؟

فأراه جرياص الورقة، فضحك شفعان وقال:

- ده جامد ده، هاته ياله.

أخذ ينظر جرياص إلى توابيت الإنس، ثم طار وأخذ يمر بجوارها حتى

وصل إلى تابوت معين أخرجه وحمله في الهواء بيديه، ثم نزل به إلى الأرض

وفتح الغطاء من عليه فنظر شفعان إلى الجثة، والتفتت آية وجابير للنظر، فقال

لها جرياص:

- ماتبصيش يا أبله.

فظلت آية تنظر على الجثة العريانة وهي لإنسي في السابعة والعشرين، يوجد

علامة بوجهه ناتجة عن إصابة بسكينة في وجنته اليمنى، قمحي، عيونه سوداء،

شعره متوسط الطول، أسمر.

- قال جرياص:

- قتللك ماتبصيش انتي كده بتبصي على واقف جنبك.

فنظرت آية ناحية جابير وعندما تلاقت عيناهم شعرت بغضبه، فعادت

للخلف.

اقترب شفعان وهو يتحرك مثل البطريق:

- خلي بالك علشان رجله بتوجهه هتمشي تعرج، ابقى روح لدكتور.

ثم ضحك هو ودسوس عليه.

حينها طار جرياص وأحضر تابوتًا لجني، وأخذ رقمه من عليه بعدما وضعه

على الأرض وكتبه في الورقة المرسوم بها جابير، ثم قال له:

- نام.

جابير:

- أنا هنا؟

شفعان:

- ايوه يا عم، نام هنا.

دسوس:

- اخلص.

وضع جابير رجله داخل التابوت، ثم نام.

شفعان:

- بصمت؟

فرد جابير وهو نائم:

- لأ له.

فظهر على وجه جرياص وشفعان الضيق، وأعطاه جرياص الورقة مجددًا

بعد أن قام من التابوت وبصم بكل أصابعه الثمانية والعشرين، ثم عاد لينام في

التابوت.

حينها نزل شفعان إلى فم الشخص الذي سيدخل جابير فيه وفتحه، وأمسك

علبة بها سائل أخضر، ووضع جزءًا منها في فمه، ثم ذهب ناحية جابير وقال له:

- افتح بقلك.

جابير:

- ليه؟

- ياعم اخلص.

ففتح جابير فمه؛ فوضع له شفعان السائل فيه، وأنمض جابير عينه، ثم قال:

- أنا مدخلتش ليه؟

ثم قال جرياص:

- مستعجل على ايه مياش حاجة تبسط.

وأخرج قماشتين من جيبيه وبللهما بسائل أخرجه من زجاجة من جيبيه

الآخر وأعطى شفعان واحدة، ثم نزل بقماشته حتى فم جابير وشده كله للخلف

بقوة، وأخذ جابير المكبل بالحديد من يده ورجله يتحرك؛ ليخلص نفسه، بينما

قام شفعان بفعل نفس الحركة مع الجثة حتى أصبحت الجثة تتحرك وتزيد

الحركة فيها وتقل في جسم جابير الذي بدأ يتحول إلى جثة وانتهت حركاته

تقريبًا، وظلت الجثة تتحرك في يد شفعان حتى انتهت حركة جسم جابير،

وسأل شفعان جرياص:

- جه كله؟

وظل جرياص يشد فم جابير للخلف، بينما تشاهد آية المظهر وهي مذهلة.

حتى قال جرياص:

- اه سييه.

فترك شفعان الجثة التي دخلها جابير، وأخذ جابير يكح وهو في الجثة فقام جرياص بتغطية تابوت جابير بعد أن وضع الورق فيها ما عدا الورقة التي أتى بها دسوس، ثم طار ووضعها في مكانه، بينما أخذ جابير وهو داخل الجثة يكح بشدة، ثم قام من مكانه وهو عريان، بينما نظرت آية في الناحية الأخرى وأعطته الجلابية البني ليرتديها فأخذها منها وارتداها، وسأل:

- آيه اللي عملتوه فيا ده؟!

فأجابه شفعان:

- أنت مش داخل جثة واحد ميت.

جرياص:

- خلي بالك عمرك ما تعرف تخرج من اللي أنت فيه ده، فمتحاولش.

جابير:

- امال أنا مفروض اخرج ازاى واجي اخذ جسمي؟!

جرياص:

- هتجيلي برجلك احطلك روحك في جسمك ولو عرفت تيجي

بروحك بس من غير الجسم اللي أنت فيه...

حينها ضحك دسوس، وأكمل جرياص:

- هديك جسمك.

دسوس:

- بيجي بروحوه آيه يا عم، هيبقي روح ماشيه كده في الهوا لوحدها!

فسألت آية:

- خلاص احنا كده؟

فأجابه جرياص:

- مش تعرفوا الجثة اللي معاكوا دي آيه.

آية:

- آيه؟

جرياص وهو يقرأ من الورقة:

- مصري من المنصورة، محكوم عليه بالإعدام، هرب من السجن في

أحداث 25 يناير وراح اسكندرية اللجان الشعبية في كرموز وقفوه

ملقوش معاه بطاقة، حاول يهرب ضربوه رصاصة في رجله، وجري

ناحية البحر وغرق.

نظر إليه جرياص بعد أن فرغ من القراءة:

- شويه وهتحس إن رجلك بتوجعك لما تيجي تمشي عليها. معكش

بطاقة لو وقفت في كمين هتتاخد، وماتروحش المنصورة علشان انت

قاتل اتنين هناك.

نظر جابير وهو داخل هذا الشخص إلى آية بغضب شديد وكان يريد

قتلها، فقالت:

- خلي بالك أنت مش طيار دلوقتي فبالراحة على نفسك احنا طالعين

فوق والبلد بلدي.

ثم قال له شفعان:

- ماتحاولش تهرب لو معرفتش تنفذ المهمة علشان حراس الأرض

هيجبوك وهيلعبوا بيك ومش هيسلموك هيفضلوا يعذبوا فيك
علشان عارفين إن أنت طيار وكنت بتورهم الويل ومحدث كان
بيعرف يمسكك هيفضلوك تتمنى تنزل تحت وتقضي عقوبتك ومش
هينولالك الحق، نفذ حكمك، امشي.

وحينها تحرك جابير هو وآية ناحية الباب وبعد أول خطوتين اشتكى من
رجله وتأوه، ثم سمع صوت جرياص:

- اللي أنت فيه ده اسمه مصطفى شاهين العربي.

خرجت آية هي وجابير الذي يظهر عليه الحزن وهو في ذلك الجسم مرتدياً
تلك الجلابية، ويشعر بألم في ساقه اليمنى، ويسحبها خلفه إلى البهو، ثم ركبوا
عربة تجرها الكلاب حتى وصلوا إلى السكة، والسكة هي المدخل بين عالم الجن
والإنس، وهي موجودة في مقابر مصر القديمة الموجودة على يمين الاتوستراد
وصولاً إلى الفسطاط، ليست سكة واحدة، بل عدة سكات تصل ما بين عالم
الجن والإنس.

خرج جابير وآية من إحدى القبور أو السكك التي يحرسها حراس السكة؛
كي لا ينزل فيها الإنس بدون تصريح فالدخول بتلاوة آيات قرآنية، ثم بالتعريف
بنفسك وسبب نزولك، أما الخروج فهو بدون أي شيء. ساروا في شارع حالك
السواد، وتكلمت آية:

- أنا جبت ورق الحالة بتاع الشخص، بص يا سيدي، هو التجوز في شقة
فيها جن وكان هو ومراته في الحمام فقفل الجن عليهم الباب، وسرب

البخار بتاع السخان علشان يموتهم ويسيبوا الشقة فقعد يحاول يفتح
الباب ويخرج معرفش ويردوا يفتح الشباك لحد ما وقع هو ومراته في
الحمام لحد ما الجيران نزلولهم، المهم لحقوه وهي ماتت.

جابير:

- طب وده أنا أعمله ايه؟!

- سبني أكمل بس، معدش بيكم حد وفضل قاعد في الشقة لوحده،
الشقة اللي فيها الجن؛ فسوه أكثر وخلوه يمشي يكلم نفسه فساب
الشقة وراح قعد مع أهله وبقوا يقعدوا في جلسات مع شيوخ
ويضرب بالشبشب على راسه من الشيخ، عارف أنت القصة
الحمضانة دي وروح لدكاترة نفسيين، المهم حراس الأرض قبضوا
على الجن اللي مسوا ودلوقتي الناس بتقول عليه إن هو أهبل وأبوه
وأمه ماتوا وبيقعد يتنقل بين شقق إخواته البنات علشان معدش
بيعرف يعيش لوحده، وطبعاً محدش طايقه غير إنه له جلسة مع
معالج روحاني كل شهر يفضل يضرب فيها..

- طب وده أنا هرجعله حياته ازاي؟ أعمله ايه؟!

ونظر جابير إلى السماء.

آية:

- مكتوب في الورق إن هو معدش بيحس ولا بيضحك ولا بيعيط، لو
ضحك ضحكة من قلبه أو عيط، حياته هتتغير.

- وأنا هروح أقلهم ايه؟ ضحك، يقلولي فين، ولا لازم أجيب الحرس

يشوفوه وهو بيضحك؟

- لأ أنت الإزاة اللي أنت شربتنا في الأول دي بيبقى مكتوب علي كان
جواها عمل لو هو ضحك أو عيط تتفك منه.

- وبعدين أنزل آخذ جسمي؟

- تقريبا اه.

- طب وأنا هعرف منين؟ هروحلهم يقولولي آه اتفكت، ولا لسه استنى
شويه؟

- ما احنا أكيد هنشوف ده بعيننا يعني.

الدخان يملأ المكان ورائحة البخور تُشم من أول شارع الثلاثيني إذا لم تشم
من شارع الهرم الرئيسي، يُسمى نفسه معالج روحاني، يفهم في أمور الجن الكثير،
ويستطيع التعامل معهم بسهولة شديدة، وإخراجهم في الحال رغم أنه أتى لمنزل
شيء أخت فؤاد عشرات المرات؛ ليخرج العفريت الكائن في جسم فؤاد الذي
يجعله يفعل أشياء وهو لا يدركها. جلس بوجهه المكرمش وشعره الأبيض أمام
فؤاد الثلاثيني الذي أدركه الشباب من فترة حتى نعى له شعرًا أبيض، أمسك
يد فؤاد اليمنى، وأخذ يردد:

- الألف للإعفاء، والباء للبعد، والتاء للتنافر...

كانت الصلاة في منزل شياء بها انترية يجلس عليه فؤاد والمعالج الروحاني
المدعو الشيخ شريف، وتقف بجوراهم شياء أخت فؤاد الكبرى عند أول الصلاة
ترتدي عباءتها الكحلي وتضع اشربًا على رأسها، يتزحزح فتعيده للأمام فهي لم
تربطه، ويقف خلفها ابنها الصغير خالد وهو في أولى ابتدائي ينظر إلى الرجل
وهو يمسك يد خاله ويضحك بشدة ويكتم ضحكته فهو من المفروض ألا يكون
موجودًا في الصلاة، فأمه تمنعه عن الخروج في ذلك الوقت، لكن لهفة أمه على
أخيها الذي لا يشعر بشيء وهو ينظر في عين هذا المعالج الروحاني دون أي
تعابير، فوجهه لا يبدو عليه أي تعابير سوى التجهم جعلتها لا تري خالدًا. أما
زوج شياء سمير فهو في البلكونة التي تؤدي إلى الصلاة، يشرب سيجارة، ويشاهد

البنات السائرين في الشارع، فالشقة في الدور الأول العلوي يجب جدًا مشاهدة
الفتيات من منظر علوي لصدورهم ومؤخراتهم ولا يعاكسهم إلا إذا كانت شياء
غير موجودة في البيت. استمر خالد في الضحك على المعالج وهو واضح يده
على فمه، ثم عندما قام المعالج بوضع يده اليسرى على جبهة خاله، وقال:

- هيا هيا.

فقال خالد بعد أن أنزل يديه من على فمه:

- الظهور لعائلة الوكيل، الظهور..

ولم يكمل حتى التفتت له أمه وضربته، فدخل إلى غرفته يجري، بينما توقف

المعالج، ونظر إلى شياء بغير رضا، فقالت شياء:

- معلش يا شيخ شريف.

- مينفعش يا مدام طفل زي ده يبقى واقف في الجلسة.

منظر سمير وهو في البلكونة ودخان البخور يخرج من خلفه يجعل المارة

ينظرون إليه، نظرت فتاتان في الثانوية عائدتين من الدرس إلى الدخان وإلى

سمير الذي يرتدي الجلابية ويده السيجارة، فنظر إليهما هو الآخر، وبدأ يحرك

وجهه ويتسم فضحكوا عليه وأكملوا طريقهم.

عاد الشيخ شريف إلى الكلام الذي يقوله وهو يمسك يد فؤاد اليمنى، بينما

أحضرت له شياء كوبًا من الشاي ووضعت أمامه، فنظر إليه ولم يلتفت ولم يقل

شكرًا، فقالت شياء:

- اجبلك بببسي؟

فنظر لها المعالج:

- والله مش عايز اتقل عليكوا.

- لأ ولاتتقل ولا حاجة هجبلك بببسي.

ثم عادت إلى الداخل وتركت الشاي مكانه وندهت على خالد:

- واد ياخالد.

فحضر خالد ووقف تحت رجلها، وقال لها:

- نعم.

- انزل هات إزازه بببسي من عمك صبري على الحساب.

- وأنا كان عايز واحدة.

- لأ أنت سنانك بايظة، الدكتور قال ماتشربش بببسي.

- طب آخذ الحبة اللي بيفوروا في أول الكوباية.

فظهرت علامات الضيق على وجه شياء، وقالت:

- لأ قتللك أنت عيان امشي اتجر ياله انزل هات الإزاة.

- مش جايب إلا أما آخذ الحبة اللي فوق.

- طب انزل هات.

فأخذ يهّل ويقول:

- هيه هيه

ولبس الشبشب ونزل إلى الشارع.

انتهى المعالج الروحاني من الجلسة مع فؤاد بعد أن شرب ثلاثة شاي وإزاة

بببسي بدون الحبة اللي بيفوروا في أول الكوباية، وأخذ أربعين جنبها وخرج.

كانت الجلسات على حساب شياء، فشيء الأخت الكبرى لفؤاد وتجبه وترعاه كابنها، لكن زوجها لا يطيقه؛ لأنه في وجهة نظره مجنون، ويغلق شقته ويتنقل بين شقق إخوانه البنات، شياء ورجاء وإيمان،

لكن شياء لها كلمتها في المنزل فهي عندها حضانة ولديها دخلها من الحضانة التي يرتادها عدد كبير من الأطفال؛ لذلك لا يعترض كثيرًا على وجود فؤاد في البيت. وفؤاد كان يعمل مع والده في تصليح الساعات وبيعها، لكن وفاة والده وما حدث له أدى إلا تأجير المحل الموجود عليه اسم والده مقابل ألف جنيه، وترك الشقة التي اشتراها لنفسه وتزوج فيها؛ لأن بها جنًا.

جلس جابير في مكتب آية على كرسي جلدي يشعر بألم في رجله اليمنى لا يعرف ماذا سيفعل فيها، بينما دخلت آية إلى الحمام وأخذت تعدل في طرحتها أمام المرأة وتعديل في الكحل الذي يحيط عينها العسليتين بيديها، وتهوي على وجهها، ثم أخرجت من شنطتها المحروقة علبة كريم فتحتها ووضعت منها على وجهها، ثم فردت الكريم على وجهها وأخذت تتأمل أسنانها، وقالت وهي تنظر في المرأة:

- يارب ما احتاج للحمار اللي بره ده.

- ثم خرجت من الحمام إلى طرقة صغيرة ثم إلى الصالة التي يجلس فيها جابير على ذلك الكرسي، وبجواره الباب المفتوح وقفت آية أمام جابير، وقالت:

- ياللا علشان نروح لمحمد يشفلك رجلك.

جابير:

- محمد مين؟

آية:

- قوم بس دكتور محمد اللي جنبي.

جابير:

- مش ده دكتور أسنان:

آية:

- اه.

جابر:

- طب وهيعالج الرجل دي ازاي؟!

آية:

- هيغيرلك على الجرح ياسيدي قوم بقى.

قام جابر من مكانه وتحرك هو وآية خارج المكتب، وأغلقت آية الباب، وأخذت تمرن وجهها على الابتسامة، وقالت لجابر:

- أنت جوز بنت خالتي وحراميه طلوعوا عليك ضربوك بالرصاص وسرقوا منك كل حاجة.

دخلوا إلى الشقة فوجدوا محمد يجلس وحده في العيادة يرتدي البالطو الأبيض، يشاهد مباراة كرة قدم في التلفيزيون.

قال لها جابر بصوت ضعيف لم يجعل محمد يلتفت إليهم:

- هو ده محمد؟

- اسكت.

محمد في الأربعينات، أسمر، له خصل بيضاء قليلة في شعر رأسه الأسمر، أما في ذقنه فهي منتشرة بشدة.

التفت محمد لهما وقام من مكانه، بينما وقفت آية كأنها تلميذة في ابتدائي مبتسمة جدًا له، لا تعرف ماذا تقول استقبالهم محمد بابتسامة وقال:

- أهلاً اتفضلوا.

فأشارت آية بكسوف طالبة في إعدادي على مكتبها وقالت:

- مش عارفني أنا مكتبي اللي جنبك هنا.

- فنظر محمد إلى الباب ليلاحظ مكتبها، بينما نظر جابر إليها وهو فاتح

فه، ورد محمد:

- آه طبغا، أستاذة آية.

فضحكت آية كطالبة ثانوي ولم ترد، وظلت ساكنة وهي تنظر لمحمد، لكن جابر أيقظها بضربة خفيفة؛ فقالت آية:

- معلى احنا هنستأذنك في حاجة مصطفى جوز اختي، البلطجية طلوعوا عليه وسرقوا عربيتوا وحاجته وضربوه برصاصة.

ففتح محمد عينه عن آخرها ونظر إلى جابر الذي يقف بجوار آية، واقترب منه وطلب منه أن يجلس فجلس جابر، وطلب منه أن يريه مكان الرصاصة فرفع الجلاية؛ ليكشف له عن جرح قديم لونه أخضر، فزع محمد لرؤيته لكن آية لم تكن تنظر إلا لمحمد، سأله محمد:

- أنت خدت الرصاصة دي أمتي؟

لم يستطيع جابر الإجابة، لكن آية أخبرته أن هذا حدث من مدة، وبدأ محمد في إخراج الأدوات، وأخذ يحاول فعل أي شيء لجابر، بينما يتألم جابر وتبتسم آية لرؤية محمد.

انتهى محمد من التعامل مع رجل جابر وربطها له، وطلب منه أن يذهب لمستشفى، ورفض أن يأخذ أي مال وعادوا إلى المكتب وتركوا الباب مفتوحًا،

جلس جابير على نفس الكرسي، بينما جلست آية على مكتب في الصالة
تستطيع أن ترى منه باب عيادة محمد.

جابير:

- أنا هروح ازاي للواد ده؟

ردت آية وهي تعيد نظرها من ناحية باب الشقة إلى جابير:

- بص ياسيدي..

وفتحت الشنطة ووضعت يدها على السجائر وأخرجتها، وجدتها محروقة:

- شوف أنت عملت ايه في السجائر، المهم أنت هتبات هنا النهاردة،

وأنا هروح أنام في بيتنا.

- أنتي ساكنه فين؟

- مدينه نصر.

- أنت عايشة لوحده.

- اه وخلاص مش هتحقق معايا.

- ما براحة على نفسك .

قامت آية من مكانها ونظرت إلى جابير وهو جالس على الكرسي.

- لأ.. نخط النقط على الحروف، مبدئيًا كده أنت بني آدم مش جنني،

تاني حاجة عليك حكم بالإعدام، تالت حاجة عمي في الداخلية

ومش هكلمه

وهي تحرك إصبعها يمينًا ويسارًا:

- هكلم الجيش هقلهم إن أنت حاولت تغتصبي هيخدوك وحكم

عسكري في يومين ومش هتستني ال 14 يوم بتوعك علشان تموت،

فاهم؟

- طب والوله اللي بتحبيه ده؟

أخذت نفسها وقالت:

- والله هو ده اللي مستحملك علشانه، فايه.. اتك على عقلك وبراحة،

أنت هتنام هنا، والصبح هقلك أنا فكرت في ايه.

سمعت آية صوت باب عيادة محمد يغلق، فخرجت إلى خارج الشقة

وشاهدته وهو يمشي وأشارت له فسلم عليها من بعيد، وقال:

- لازم يروح مستشفى.

- حاضر مع السلامة يا دوكتور.

عادت إلى الشقة، نظر لها جابير وإلى علامات وجهها السعيدة واستغربها

بشدة.

لا ينام كثير من الناس وأعينهم مفتوحة، لكن فؤاد ينام وعيناه مفتوحتان، دخلت شياء الغرفة التي يرقد بها فؤاد وجلست على السرير، بينما هو نائم على ظهره ينظر إلى سقف الغرفة، أمسكت ذراعه اليمنى بيدها اليمنى وبدأت تكلمه:

- فؤاد، فؤاد، أنت صاحي يا فؤاد؟

ردّ فؤاد عليها دون أن يحرك عينيه المفتوحتين عن آخرهما:

- في ايه عايزة ايه؟

- أنت صاحي ولا نائم؟

- صاحي ولا نائم أنتي عايزة ايه؟

- طب بصلي اعدل ضهرك وبصلي.

حينها حرك فؤاد عينيه ونظر إلى شياء التي لم تكن ترتدي الاشارب، فانسدل شعرها الأسمر على وجهها الأبيض؛ ليعطيها منظراً جمالياً لا تظهر به كثيراً.

- عايزة ايه؟

- في ناس اتكلموا عايزين يأجروا الشقة.

- وأنا أعمل ايه؟

- ياعم هي مش شقتك!

- كده كده هيعرفوا إنها مسكونة وهيطنخونا مشوار لحد دار السلام
- على الفاضي.
- ياعم مايمكن ياأجروها دول عايزين ياأجروها مفروش.
- لو انتين متجوزين جداد لأ.
- لأ ده واحد مغترب.
- طالب؟
- ياعم معرفش تقريبا بيشتغل هنا.
- طب دول كموكي ازاي؟
- معرفش تقريبا سألوا في الحتة على شقة فادولهم رقمي، قوم بقي،
- وأمسكته من ذراعه بقوة وشدته كي يقوم فقام فؤاد وعدل نفسه ونظر
- في عين أخته، فقبلته على خده.
- اضحك بقي، نفسي تتضحك يالا قوم علشان تتغدى، هنقابلهم
- المغرب.
- لأ مش هخش الشقة دي بالليل.
- ياعم الشقة مفهاش حاجة احنا مش صارفينهم منها، يالا بقي، وسمير
- جاي معانا يمكن تعجبهم ويشتروها قوم يا حبيبي يالا.

أمام مستشفى (أبو الريش التخصصي) ظهرًا تقف آية ومعها جابير بعد أن قاموا بالكشف على جرحه في المستشفى، وأخبروه أنهم لن يستطيعوا إخراج الرصاصة من رجله وخيطوا له الجرح. أوقفت آية تاكسي وقالت لجابير الذي ارتدى قميص وبنطلون أحضرتهم له.

- قولوا جسر السويس.

انحنى جابير ورجله تألمه، وقال للسائق:

- جسر السويس.

فأشار له بالرفض وأكمل طريقه.

ثم أتى تاكسي آخر فأشارت آية وانحنى جابير وقال للسائق الذي رفض أيضًا واعتدل جابير ووقف بجوار آية ورجله تألمه وقال لها:

- أنا كنت بلف العالم في 11 ثانية، بطلع القمر في نص دقيقة يتعمل فيا كده!

قالت آية وهي تعدل طرحتها للخلف وتنظر في اتجاه التاكسيات:

- احمد ربنا، أنت كان عليك 300 سنة.

فنظر جابير لها وقال:

- هو أنا مش لو كنت جبت محامي كنت خدت عشر سنين ورجعت

- أهم حاجة تبهرهم، هتتعرف تطلع اللي موجودين في الشقة ولا اتعامل

أنا؟

فقال جابير بثقة:

- أكيد يعني.

- طب يقوموا بقا يطلبوا منك تعالجه، وتعدوا مع بعض، وتقولوا شويه

نكت، وترجع طيار، وتخلي محمد يتجوزني، أنا زهقت.

- ماشي بس لو ملقناش حد في الشقة؟

- تعرف تجيب حد؟

- احنا هنقابلهم امتي؟

- النهاردة المغرب.

- ملحقش طبعا أنت شايفة المواصلات عاملة ازاي.

- خلاص إن شاء الله هنلاقي.

طيار تاني..

ورفع صوته ونظر إليها بقوة:

- بدل ما اللي أنتي عاملاه فيا ده.

فنظرت له ببرود، وقالت:

- قتلتك عمي في الداخلية، ومش هكلمه هكلم الجيش اهدي.

وأشارت لتاكسي فوقف وضربت جابير في جنبه كي ينحني ويخبر السائق

فانحني، وأخبره فوافق السائق وركبوا هم الاثنان في الخلف؛ لوجود شاب في

الكرسي الأمامي؛ دخلت آية أولاً ثم دخل جابير، ثم بدأت بالكلام مع جابير،

قائلة:

- أنا كلمتهم وقتلتهم إن احنا جابرين نشوف الشقة.

- كلمتي مين؟

فنظرت آية إليه بغضب؛ كي يركز، وقالت ببطء:

- كلمت الرجل اللي أنت رايجله، كلمت أخته.

واقترب جابير من آية وتكلما بهدوء:

- هنشوف الشقة ازاي؟

- على إننا هناجرها وأنا معايا شويه بخور وحاجات لو لقينا حد ساكنها

- نطلعهم ونفهمهم إن أنت معالج روحاني...

- بس أنا مش معالج روحاني!

- ياعم أنت مش كنت بتشتغل مع واحد وفاهم الليلة.

- يعني مش قوي.

يمتلك سمير زوج شياء الذي يعمل مدرس ألماني عربية بيتلز موديل
السبعينات، وصل هو وزوجته وفؤاد في تلك العربية إلى شقة دار السلام،
أقفوا السيارة أسفل المنزل، وخرجوا منها جميعًا وأغلقوها. وهمت شياء بالصعود
هي وزوجها، لكن فؤاد لم يتحرك من مكانه؛ فعادت له شياء وهو يركن على تلك
السيارة، ووضعت يدها على رأسه وقالت له:

- يا لا.

- لأ.

- هو ايه اللي لأ يا فؤاد يا لا.

- أنا مش هطلع الشقة دي.

- يعني أنت جاي لغاية هنا وتقولي مش هطلع! طب جيت معايا ليه

من
الأول؟!!

- علشان أنتي اللي قلتيلي آجي.

حينها مَرَّ طفلان في المرحلة الابتدائية بجوارهم من الناحية الأخرى من

السيارة، وقال أحدهم للآخر:

- وله فؤاد المجنون اهو.

حينها نظرت شيئا إليه بكل غضب، واتجهت نحوه وفتحت فيها لتخرج
وابلاً من الشتام؛ فجرى الطفلان.

- ياله يالي أمك مرتبش، يا واطي يابن الواطي أنت وهو، لو أنت رجل
أقف ياله.

حينها كان يضع فؤاد يده على وجهه واتجه نحو مدخل العمارة، بينما خرج
سمير وفي فمه السيجارة، وسحب زوجته ناحية مدخل العمارة، وأخذ يهدئها
وهي تائرة حتى رن هاتفها، فهدأت قليلاً وأخرجته من الشنطة فوجدت آية على
الطرف الآخر تخبرهم أنهم وصلوا إلى العنوان.

نزلت آية من التاكسي هي وجابير، وخرجت شيئا من العمارة لاستقبالهم
وسلمت على آية، حينها خرج سمير من المدخل وتفقد كل جوارح آية، وأخذ
يتلذذ في النظر على كل جزء فيها، وقال بصوت ضعيف:

- هي دي الأجسام يابه، يالهوي.

بالفعل آية جسمها جامد فصدرها كبير ومؤخرتها كبيرة، ولكن ليست كبيرة
بفظاظة، ومع بياض وجهها وعيناها العسليتان تجعلك تريدها بشدة. دخلوا
جميعاً إلى مدخل العمارة حينها التقت عين جابير بعين من سعيده طياراً، أو
سيجعله يسجن ل ٣٠٠ عام.

سلموا جميعاً على بعض، وحركت آية رأسها لتسلم على فؤاد الذي لاحظت
أن وجهه صورة ثابتة لا تضحك ولا تحزن كأنه مربوط ببعضه!

بينما لاحظت على وجه سمير ابتسامة معاكسة وإعجاب، ولكنها لم تُعبّر أي
انتباه، واتجهوا جميعاً ناحية الشقة الموجودة في الدور الرابع، يتأخر فؤاد بشدة،

لكن ربط يد أخته شيئا على يده وسحبها له هو ما يجعله يصعد غضباً عنه.
فتح سمير القفل الموجود على الشقة، وأخرجه من مكانه، ثم بحث عن
مفتاح آخر وفتح به الباب، دخلوا جميعاً إلى الشقة ولم يدخل فؤاد إلا بعد أن
أضاء سمير نور الشقة كله.

سألت شيئا آية:

- أنتوا عازينها مفروش إن شاء الله؟

كانت الشقة مفروشة بالعفش الذي تزوج عليه فؤاد ما عدا الأشياء التي
اشترتها العروسة فقد أخذها أهلها.

ردت آية:

- اه إن شاء الله.

قال سمير في سره:

- شرشر شرشر يعني.

اقتربت آية من أذن جابير وقالت له:

- شايف حد؟

الشقة غرفتان وصالة كبيرة؛ غرفة النوم مفروشة، والغرفة الأخرى خالية،
والصالة بها انتريه وسجادة وتليفزيون، والمطبخ لا يوجد به أي شيء.

رد جابير:

- هو أنا هشوف ازاي وأنا في الجسم ده!

فنظرت له آية باستغراب وقالت:

- امال هنعرف ازاي؟!

- معرفش أنا ممكن أبدأ اطلع لو فيه، بس ما أقدرش أعرف إذا كان

فيه ولا لأ.

حينها أنطفأ نور الشقة كله فاقترب فؤاد من شياء، أما سمير فأخذ يذهب في

اتجاه آية وجابير.

فؤاد:

- في ايه؟

شياء:

- شوف كده السكينة يا سمير.

خبط سمير في آية من الخلف وعاد لرؤية السكينة حينها قالت آية، وهي

تعلم أن سمير هو الفاعل:

- لأ مش أنا اللي يتخبط فيا أنا آية الشراقوي المحامية.

فرجع سمير السكينة ومثل أنه لم يفعل شيئاً وقال:

- تفتكروا مين اللي نزل السكينة؟!

فنظرت له آية بترقب، وحينها انطفأ النور مجدداً وأغلق الباب، فأصاب

الهلوع فؤاد، حينما رفع سمير السكينة، وظل النور مقطوعاً، وأخذ يقول لأخته

وهي تمسك يده:

- أنا عايز اطلع من هنا، أنا عايز اطلع من هنا.

فقال آية:

- اهدوا يا جماعة، أستاذ مصطفى معالج روحاني وبيعرف يتعامل مع

الحاجات دي خليه يهدى، وأنت متقربش مني (تكلم سمير).

ثم أخرجت كيسة من شنطتها، ومدت يدها لتعطيها لجابير في الظلام، لكنها

لم تجده بجوارها، وأخذت شياء مُهدى أخوها وتقول له:

- ماتخافش لو خرجت من هنا هيمسوك لازم تقف جنبي.

ثم سمعوا صوت تخبيط على جدران الشقة بقوة، وكان جابير الذي يخبط

ثم قال:

- أنا جابير رقيم الأشعم جني طيار مسلم أمي من النصيين يعني عرقي

عرق أشراف، أنت أو أنتوا كنتوا كام في الشقة قدامكوا حاجة من

الاتنين، يا أما تخرجوا وتقيدوا النور وتفتحوا الباب قبل ماتخرجوا

وماتجوش هنا تاني وساعتها هسيكم، يا أما هرقمكم بتعاويد سليمان،

هدد لحد عشرة.

حينها أمسك فؤاد يد شياء بقوة، وأخذ يطلب منها أن يخرج بينما يعد جابير:

- واحد، اتنين، ثلاثة، أربعة، خمسة، ستة، سبعة، ثمانية...

هدأ قليلاً ثم قال:

- تسعة، عشرة.

حينها كانت تليفونات سمير وشيلاء وآية مضاءة وهو ما طمأن فؤاد وخطف

بصره.

خبط جابير على الجدار بقوة، ثم قال:

- خالق الخلق يا الله، يا من لا إله سواه، أأنا جني ظنّ نفسه محصناً

بإبليس لا يعلم يا الله أنك الرب والمعين والمغيث، ظنّ نفسه هو
وسيده أقوى منك.

فبدأت الأبواب تخبط، حينها فقد فؤاد وعيه تمامًا، وتوقف سمير عن محاولاته
لفتح الباب، وأكمل جابير:

- العفو والسماح يا رب الكون، نستنجد بك في هذا اليوم أن تحرق
هذا الجني حرق الكفار في النار، وتخلصنا مما لا نراه نحن الأخيار،
حينها أصبح سقف الشقة كله مشتعلًا، والنار تتساقط من السقف
على الأرض.

حملت شيئا أخيها الراقد على الأرض بجسمها، بينما فقد زوجها وعيه هو
الآخر، وكانت آية تشاهد المنظر وتمتع بقوة جابير.

أكمل جابير:

- اللهم لا تعيدهم إلى الحياة، واجعلهم حطبًا للنار، اللهم اجعلهم حطبًا
لنار، اللهم اجعلهم حطبًا للنار.

بدأت آية في إخماد النيران في الصلاة بمفرش كان موجودًا على ترايزة، بينما
دخل جابير إلى الغرف وظلّ يرّدد:

- اللهم اجعلهم حطبًا للنار، اللهم اجعلهم حطبًا للنار.

وظلّ يتنقل بين الغرف ودخل المطبخ ووقف أمام باب الحمام، وأخذ يرّدد
من بعيد:

- اللهم اجعلهم حطبًا للنار، اللهم اجعلهم حطبًا للنار.

ودخل غرفة النوم وأخذ بطانية وأعطاهها لآية، ثم دخل وأخذ أخرى حينها

عاد النور من جديد، وأخذوا يخمدوا النيران حتى انتهوا من إخمادها وفتحت
آية الشبابيك، وبدأ سمير يفوق أما شيئا فشاهدت كل شيء في خوف وهي
الآن تحاول أن تفوق أخيها وتقول له وهي سعيدة ولا تصدق أي شيء وتبكي:

- اتحرقوا اتحرقوا، قوم يا فؤاد اتحرقوا يا حبيبي والله.

وتحضنه وتفيقه، وكانت الشقة معبأة بالدخان فذهبت آية ناحية الباب،
ودفعت سمير برجلها حيث كان يجلس خلف الباب وفتحت هي الباب وتحرك
سمير ولم يقل أي شيء، وأحضرت آية كوبًا به ماء وأعطته لشيئا، فسقته لأخيها
الذي فاق، وأخذت تمشي يدها على يد أخيها وتقول:

- الحمد لله، الحمد لله، الله أكبر.

وعدلته وهو على الأرض لتجعله يسند ظهره إلى الجدار، ولاحظت حضور
جابير من الغرفة إلى الصالة، فقامت من مكانها وجريت على يديه، وأخذت
تقبلها بشدة، فأبعد جابير يديه بسرعة عنها، لكنها بكت:

- ربنا يحفظك يا سيدنا الشيخ، ربنا يزيدك يا رب، ربنا يديك يارب.
حينها ردة جابير وهو يبعدها:

- خلاص خلاص.

واعتدلت في وقفها أمام جابير، ولكنها كات تنظر إلى الأرض، وفي خوف
شديد قالت:

- مش عارفة أقولك ايه يا سيدنا الشيخ، ده احنا تعبنا أوي.

وبدأت في البكاء، فقال لها جابير:

- خلاص يا ستي خلاص.

- أنا أخويه عيان ودوخت بيه، أبوس ايدك يا شيخ.

وحينها اقتربت من يد جابير لتقبلها وأكلت:

- تشوفه.

أخذ جابير يديه إلى الخلف مسرعًا وقال:

- خلاص خلاص هشوفه هشوفه.

طبببت آية عليها وقالت لها:

- ماتخافيش هو هيعالجوا.

حينها بكت شياء بقوة، وأخذت تقول وهي تبكي وتنظر إلى آية:

- والله تعبنا، وربنا تعبنا أوي وروحنا وجينا ونفسنا نشوفه يرجع حلو

تاني.

فحضنتها آية وقالت لها:

- خلاص ماتخافيش، والله هو هيشفهاولك.

- نظر جابير إلى مصيره وهو جالس على الأرض يسند ظهره على

الجدار، ينظر إلى السقف ويتنفس بسرعة ويبدو عليه التعب وعرف

أن المهمة القادمة أصعب فهو ليس عليه أي جني ليخرجه هو مجرد

إنسان فقد حياته وعليه هو أن يعيده لها بضحكة من القلب أو ببكاء

من القلب!

جلسوا جميعًا في الصلاة بعد أن قامت شياء وساعدتها آية في كنس التراب

الناجم عن الحريق الموجود في الشقة، وشيأ حينها كانت تريد فعل أي شيء

لآية وجابي، بدأت آية في الكلام قائلة:

- أستاذ مصطفى عازب يأجر الشقة مفروشة لمدة أسبوعين، ومش

هنمضي عقود ولا أي حاجة.

فردت شياء متلهفة:

- أسبوعين بس! وليه كده ماتفضل قاعد فيها على طول يا شيخ، والله

احنا ماعايزين حاجة، ولا هناخد إيجار، أنا عايزاك بس تشوف

أخويه.

جابير وهو ينظر إلى فؤاد الذي لا تظهر أي علامات على وجهه: غضب،

أو حزن، أو أي شيء!

- عنيه يا ستي بس خليه يجي يقعد معايا.

ردت شياء بسرعة:

- ماشي موافقين، صح يا فؤاد؟

فحرك فؤاد رأسه بأنه موافق.

حينها سرقت آية نظرة لوجه سمير الذي أغمى عليه لتريه قدره الآن، فنظر

سمير بكل خوف في الأرض، بينما رفعت آية حواجبها واستمتعت بالتعالي عليه،

ثم قالت:

- خلاص يا أستاذ فؤاد حضرتك تيجي للشيخ مصطفى بكره الصبح.

فحرك فؤاد رأسه بالموافقة، وتعالأت أصوات شياء وهي تدعو للشيخ

مصطفى، وقالت:

- الله يعمر بيتك، يا رب يكرمك واللي أنت عايزة، اللي أنت عايزة.

- ما أنت لما تجوع وبطنك تاكلك، نفسك مش هتجيبك تاكل عظم
- ولا بتاع من الثاني هتلاقي نفسك عايز تاكل أكل النبي آدمين.
- هنزل أجيب أكل من الشارع.
- نظرت آية في شنطتها وفتحتها وأخرجت خمسين جنيتها، وأعطتها لجابير:
- خلي الفلوس دي معاك.
- نظر جابير إلى الفلوس وشعر بالدور الذي تقوم به آية معه.
- مش عارف أقولك ايه والله؟
- ياعم امسك أنت هتمثل.
- مدّ جابير يده وأخذ المبلغ.
- عايزين نتفق هتعمل ايه مع الوله ده.
- هكلمه كده اشوف دنيته عاملة ازاي وأحاول أعقله.
- لأ أنا مش عايزاك تبوظ الدنيا.
- أنا أبوظ الدنيا! لأ أنتي مش عارفة حاجة.
- يعني ايه؟ لو أنا سبتك لوحداك هتتعرف تتعامل؟
- وفيها ايه دي يعني؟
- هتتعرف تخليه يرجع تاني يحس؟
- أشوف هو فيه ايه الأول وبعدين أحكم.
- خلاص ماشي براحتك.

قامت آية من مكانها راحلة عن الشقة بعد توديع جابير حتى تراه مجددًا في الغد وقالت له:

فردت آية:

- لأ ياستي احنا مش هناخد حاجة.

فقال شياء:

- لأ والنبي ما ينفع هو أنا هابله.

فقال جابير:

- أنا مش هاخذ منك فلوس يا ستي خلاص.

فرغمت شياء على أمرها وقالت:

- طب أنا مش هاخذ إيجار واقعد زي ما أنت عايز تقعد.

آية:

- هما أسبوعين إن شاء الله بس.

رحلت شياء هي وأخوها وزوجها عن الشقة تاركين جابير وآية وخدمهم فيها.

تقف آية في المطبخ وجابير يجلس في الصالة.

- هتتعرف تعيش من غير تلاجة؟

جابير من الصالة:

- اه.

- طب لما أجبلك أكل هتتحطه فين؟

- في أي حتته أنا هاكل أي حاجة، أنا مش متعود على أكل النبي

آدمين ده أصلًا.

آية بعد أن خرجت من المطبخ:

- هبتي أجبلك الجلاية وأنا جايا معايا بكره.

بدأ جابير يتجول في الشقة، ينظر من البلكونة على الشارع الضيق، ثم يعود من جديد إلى الشقة قام بتشغيل التلفزيون الموجود في غرفة النوم، وذهب إلى المطبخ ليبحث عن أي شيء يأكله ولم يجد شيئًا فعاد مجددًا إلى الغرفة ليجد التلفزيون مغلقًا! شك جابير بوجود أحد آخر بالشقة فقال بصوت عالٍ:

- مش هتكلم تاني أنا جابير رقيم الأشعم.

ولم يمه كلامه حتى وجد جنينًا أقصر منه يقف بجوار التلفزيون، ولكنه ليس قزمًا، لون جلده أحمر باهت، أذناه مرتفعتان للأعلى، ويشبه الإنسان في باقي صفاته، يرتدي قطعة ملابس على خصره تغطي حتى فوق الركبة مصنوعة من الكتان، ويرتدي قطعة أخرى علوية تغطي صدره وبطنه مصنوعة من الكتان أيضًا، رآه جابير استغرب وقال:

- سونه؟

فاستغرب الجنى سونه من هيئة جابير وهو في جسم إنسان وفتح عينيه عن آخرها، حينها فتح جابير ذراعيه، فاقرب منه سونه قائلاً:

- جابير ايه اللي أنت فيه ده يا جابير؟!

وحضنا بعضنا بقوة، حينها قال جابير:

- واحشني يا بن الفقريه، أخبارك ايه ياله؟

- أنا كويس والله بس ايه اللي انت فيه ده؟!

- هكيلك هكيلك واحشني ياد ووحشاني أيامك.

جلسا معًا في الصالة، وأخذ جابير يسرد له الحكاية من أولها وشرح له كل

شيء.

سونه:

- يعني أنا دلوقتي لو اختفيت مش هتشوفني؟

- أشوفك ازاي يا حمار، أنا في بني آدم.

فاختني سونه حينها قال جابير:

- بس ممكن أحرقك.

فعاد سونه للظهور، وقال:

- لأ خلاص.

ياه ده احنا كنا بنتحاكي بيك والله، كان في ناس بتعملي حساب علشان أنا عارفك بس ايه اللي حصل في الدنيا يا جدعان!

- زمن.

- بس والله كويس إن أنت رجعت توبت تاني وسبتك من الشغل مع

البنى آدمين.

- وصية أمي ياسونه مش هعرف أخلفها.

- الله يرحمها والله كانت جنية طيبة وكانت الناس كلها بتحبها.

- الله يرحمها.

- طب أنت دلوقتي هتعمل ايه؟

- لو عرفت أرجع للبنى آدم ده حياته خلاص هرجع طيار تاني.

ابتسم سونه فرحًا وقال:

- ياه ده بيتي يوم المنى، وترجع تاني تطلع القمر، إلا أنت صحيح كنت

بتشوف الملايكه وتجري جنب الشهب؟

- وأنا صغير بس كنا بنشوفهم بيطوفوا، كانوا بيطوفوا من فوق الكعبة

لتحت العرش، أنت عارف طبعا إن الحطة دي كلها طواف؟

- ابوه ياعم أنا عامل عمرة قبل كده.

- طفت فين؟

- أقولك: طفنا، كنا بسوا جبل أحد، كنا أعلى منه، وكنا أعلى من كل

المباني بس أنا عامل عمرة من زمان.

- هما بقي كانوا بيطوفوا بره الأرض، كانوا بيبدؤوا طواف من العتمة لحد

فوق، وأنا صغير كنت بعرف اطلع العتمة، كنت بعدي من الأرض

فكنت بشوفهم، بس لما كبرت معدوش بيظهرولي.

- طب وحوار الشهب ده؟

- ده وأنا صغير طلعت وفضلت أطلع ومكنتش فاهم إن ده غلط فكان

في جنبي بيسترق فرجموه فلقيت شهاب جاي عليه فحرق عنيه وكان

هيموتني فجه ملاك شالني كان ب 11 جناح، بس الحمد لله مهما كان

غلطت لما كبرت عمري ما طلعت اسمع ولا مرة.

سونه كان يظهر عليه علامات التعجب لاستماعه كلام جابير، وقال:

- طب أنا أعملك ايه؟ أساعدك ازاى؟

- ماتقلش لحد على حكايي وماتعرفش حد إن أنا هنا وماتجبش حد

هنا.

- بس ده مش مكاني أصلاً دي شقة وفي ناس بتقعد فيها، وأنا ملقتش

مكان أبات فيه فقلت آجي أبات هنا وبعدين ملقتش حد غيرك.

- أنا حرقت كل اللي كانوا هنا، أنت تعرف حد منهم؟

- ياعم ولا يهملك.

- طب أنا مش عايز حد يجيلي هنا.

- خلاص شغل قرءان، و...

وسكت سونه ولم يكمل كلامه وقال لجابير بهدوء:

- بس أنا في حد مستنيه جايي.

- طب لما بيحني تساعدني وماتدخلش حد بعده.

- ماهو هيجي بكره.

- يعني اعمل ايه؟

- مش عارف أنا ممكن أقفل الشقة وأكتبك على الجدران بدم الجمال

- آيات محدش يشفها غيرنا فمحدش يطيق يجي، بس صاحبي ده أنا

مستنيه وخايف أعمل كده ميجيش. بص أنا قاعد لو حد جه هشوفه

وهقلك تطلعه وبكره إن شاء الله هقفلك الشقة.

ونظر سونه إلى جابير وكأنه يتحايل عليه فوافق جابير، وظلا يتحدثان ثم

نام جابير حتى أتى النهار وسمع خبط على الباب، فقام من على السرير بملابسه

التي ما زال يرتديها من الأمس وذهب ناحية باب الشقة وفتحها فوجد أمامه

فؤاد وبجواره أخته شياء التي بدأت بالكلام مسرعة حينما وجدت علامات النوم

على جابير:

- اسفه والله يا سيدنا الشيخ معرفش إن حضرتك نايم.

فرّة جابير وهو يفرك عينيه:

- لأ عادي مفيش مشكلة.

لم يلاحظ جابير الشنطة التي مع شياء؛ لأنها كانت على الأرض، وعندما طلب منهم الدخول حملتها شياء فرأها.

دخل جابير ناحية الحمام وغسل وجهه، بينما جلس فؤاد في الصالة وبدأت شياء في فرد محتويات الشنطة على الترابيزة الصغيرة الموجودة بالصالة وكان بها غداء يتكون من أرز وبطاطس ولحمة وشوربه وحمام، خرج جابير من الحمام ونظر إلى الأكل الذي يظهر تحت إضاءة اللبنة النيون ونظر إلى الساعة الموجودة في الصالة وقال:

- في حد يتغدى الساعة عشرة؟!!

فنظرت شياء هي وفؤاد إلى الساعة ثم نظرت إلى جابير، وقالت:

- لأ دي الساعة واحدة.

لكن فؤاد ظل ينظر إلى الساعة وقامت شياء من مكانها وقالت:

- أنت عايزني أقعد معاكوا ولا اخش أقف في المطبخ؟

فنظر جابير ناحية المطبخ وسمع صوتًا، فقال:

- لأ أنت تقعدني في أي مكان براحتك اتفضلي طبعًا، بس أحسن بعد

الأكل نبقى أنا وفؤاد لوحدنا.

فقال شياء:

- خلاص انزل أقعد مع أم هاني لحد ما حضرتك تخلص اتفضل كل

علشان الأكل ما يبردش، وفؤاد ماتغداش هيتغدى مع حضرتك، وأنا

واكله، الحمد لله علشان ماتقولوليش تعالي كلي.

ثم نظرت إلى فؤاد وقالت:

- عايز حاجة يا فؤاد؟

فحرك فؤاد وجهه بالرفض ولم يقل أي شيء.

ذهب جابير ناحية الأكل وجلس بجوار فؤاد، وأمنسك المعلقة وأمسك فؤاد

معلقته فنظر إليه جابير وقال:

- سمي علشان محدش ياكل معاك من أكلك.

فقال فؤاد بغير نفس:

- هتفرق؟

- والله هتفرق في حاجات عنيك مابتشوفهاش بس هي بتحصل، سمي

قول بسم الله الرحمن الرحيم.

فسمي فؤاد وسمي جابير وبدؤوا في الأكل وسمع جابير صوت خبط آخر،

فبدأ فؤاد يقلق فقال له جابير:

- ماتقلقش كمل أكل أنا جايلك.

وقام من مكانه ودخل إلى المطبخ وقال:

- اطلع.

فظهر له سونه وبيده عظمة يأكل منها ويجلس على أرض المطبخ.

فقال له جابير:

- امشي دلوقتي ياسونه علشان اللي معايا.

- طب لو حد جه هتعرف منين خليني قاعد هنا ولو حد جه هعمل
إشارة.

- طب أنت بتخبط ليه؟

- مفيش العظمة دي مليانة جلد وعازي سكينه أقشرها بيها.

- طب اقعد ساكت.

وعاد جابير للجلوس مع فؤاد الذي تظهر عليه علامات القلق، وعاد جابير

ليأكل وقال لفؤاد:

- ماتاكل ياعم ماتقلقش مفيش حاجة.

وعاد فؤاد للأكل من جديد ونظر إلى الساعة التي لا تتحرك عقاربها،

وسأله جابير:

- أنت مبتضحكش يا فؤاد؟

فنظر له فؤاد وقال:

- ازاي يعني؟

- مبتضحكش، مفيش حد بيضحكك؟

- عادي.

- آخر مرة ضحكت امتي؟

- مش فاكر عادي.

- طب تعرف تقولي نكتة؟

- لأ مش فاكر.

- عمرك شفت فيلم وعيطت؟

- اعيط ليه؟

- عادي يعني البطل مات مثلاً.

- لأ ميخلنيش اعيط.

- ايه أكثر فيلم بتحبه؟

- عادي مفيش حاجة يعني.

اعتدل جابير في جلسته وبدأ يركز مع فؤاد أكثر قليلاً، وقال له:

- ممكن تحكي لي إلى حصلك؟

- مش فاهم.

- مش أنت حصلتلك حادثة في الشقة هنا.

- اه عرفت منين؟

- بقولك معالج روحاني ياعم، ممكن تحكي لي اللي...

- لأ.

- ليه لأ أنت مش عازي تخف؟

- أنا مش عيان عشان أخف، ولو عيان أنت مش هتخفني أنا قاعد

معاك عشان أختي متعدش تعيطني لما أقولها لأ.

- طب أنت ياعم مش عيان وكل حاجة، بس أنا أعرف أخفك لو

عيان.

- ولا بتعرف تعمل أي حاجة، شغل الاشتغالات ده أنا ياما كلت منه،

والنار اللي ولعتها والكلام اللي أنت قلته هو أنا خفت بس، وأنا عارف

إن أنت اللي بتعمل ده اشتغالات.

توقف جابير عن الأكل ونظر إلى فؤاد وقال له:

- يعني لو اقنعتك دلوقتي إن أنا كويس وبعرف أعمل حاجات

هتفتحلي قلبك وتحكي لي على كل حاجة؟

نظر فؤاد إلى جابير وتوقف عن الأكل، وقال:

- هتقنعي ازاي أنا مش عايز اشتغالات وتحط ريحة في ايديك أشمها،

وأنت بتلعيلي في وشي اتخدر أنا حافظ شغل الدجالين ده كله،

فايمش لازم توجع في دماغك، أختي مش معايا، وأنت مبتعرفش

تخفف حد، وكده كده اللي أنت عايزة هتاخده متتعيش نفسك.

نظر جابير إلى فؤاد وكم بداخله إحساس بالسعادة لأن دوره سيأتي وقال

له:

- ياعم أنا مش هلمسك بس هقنحك إن أنا بعرف أعمل بجد مش

شغل دجالين.

عاد فؤاد للأكل وقال:

- لو عرفت تشغل الساعة دي هصدقك.

فنظر جابير إلى فؤاد باستغراب وسأله:

- لو خيلتك الساعة دي تشتغل هتصدقني؟

- اه.

- طب ما أنا هجبلها بطارية وأشغلها.

- ياعم معاك لبكرة هاتلها بطارية ووديها عند سعاتي بس شغلها.

- أنت عامل فيها حاجة ولا ايه؟!

- ياعم ملكش فيه مش أنت ساحر وشيخ وبتاع؟

- طب هشغلها لك بس تستحمل؟

قال فؤاد وهو يأكل:

- استحمل ايه ياعم هو أنت هتطلع عفريت يصلحها؟

- هطلع عفريت نسأله يمكن يعرف حد يصحها لنا.

- ياعم ماتفكك بقي من اللي أنت فيه ده، عفريت ايه وبتاع ايه أنت

- أخرك تطفي النور وترش اسبراي في الهوا وتولع نار وخلص.

- ماشي ياعم هوريك إن أنا بعرف أطلع عفريت بس ماتخافش.

فؤاد:

- ياعم أنا مبخافش.

ثم نادي على سونه:

- يا سونه، يا سونه.

فلم يرد سونه، فقال له فؤاد:

- كان بودي اضحك عليك، بس أنا مليش نفس قول كده يا جاماكا

يمكن بيحي.

- طب ما أنت حلو اهو.

حضر سونه ووقف أمام جابير ولم يظهر له ثم شده من كتفه كي يلتفت إليه،

ففزع جابير فنظر له فؤاد، وقال:

- وعاملي فيها شيخ ده انت بتركب الهوا ياعم.

- في ايه يا سونه أظهر ماتخافش.

فظهر سونه أمام جابير وفؤاد ففقد فؤاد وعيه وقال سونه:

- بتقولي اظهر ليه قدامو وهو جبان!

حينها خبط باب الشقة فقال جابير لسونه بينما يرقد فؤاد على الكنبه.

- اختفى أنت.

- طب أشفلك مين الأول؟

واختفى سونه، ثم عاد للظهور مجددًا وقال:

- في بت جامدة واقفة بره محجبة:

- طب اختفى أنت.

فاختفى سونه وذهب جابير ناحية الباب، ونظر من العين السحرية

فوجد آية ففتح لها الباب، فدخلت وسلمت، ثم وجدت فؤاد ينام على الكنبه،

فاتجهت ناحيته وسألت جابير:

- ماله ده نايم ولا ايه؟

- انمى عليه.

- الله يخرب بيتك عملت فيه ايه؟!

- شاف جني.

فرعقت آية:

- وجبت جن هنا ليه؟! الله يخرب بيتك.

ووضعت يدها على وجه فؤاد وحاولت إفاقته؛ ففاق فؤاد ليجد آية في وجهه

تقول له:

- قوم ماتخافش.

فقام فؤاد من على الكنبه وأراد أن يخرج من الشقة.

- أنا عايز أنزل.

فتوجه جابير إليه وقال له:

- ياعم مش أنت اللي قلتلي؟

فبعد فؤاد عنه وحاول أن يفتح الباب، لكن آية أوقفته وقالت له:

- ماتخافش ماتخافش يا فؤاد، هو بس عايز يفهمك إن الجن مبيخوفوش

- ودول عاديين زينا وممكن يخافو مننا.

- أنا عايز أنزل.

جابير:

- ياعم ماتخافش بقى طب اقعد اقعد والله وماتخاف.

آية:

- اقعد يا فؤاد ماتخافش.

فذهب فؤاد ليجلس وذهبت آية لتجلس بجواره وقالت له:

- ماتخافش خلاص بقى خد نفسك ماتخافش.

- هو ايه اللي أنا شففته ده؟

فأكلت آية بينما جلس جابير على كرسي أمامهم.

- مفيش ده عفرية صغين، بس العفارية دول في منهم طيب وفي

شرر بس الاتنين بيخافوا من النبي آدم.

فؤاد:

- والله؟

- يا عم أنت ماشفتش شركة المرعبين المحدودة كانوا بيخوفوا العيال بس هما اللي بيخافوا.

- شركة مرعبين ايه وبتاع ايه! أنا مليش دعوة أنا مش هاجي هنا تاني.

نظرت آية بضيق إلى جابير وحاولت أن تكتم غيظها، وذهبت ناحية جابير ففت أمامه وطلبت منه أن يقف وسألته بصوت منخفض:

- أنت وريته ايه؟

- عفريت تراي.

- ووريتوله له؟

- هو اللي قالي إن هو مبيخافش.

- وهو لو مبيخافش توريله عفريت ليه هو فين العفريت ده؟!

- هتلاقيه هنا في الشقة.

- طب روح اتنيل هاته ووقفه جنبك.

تحرك جابير بعيداً عن آية، بينما تحركت آية لتجلس بجوار فؤاد وقالت له:

- بص، الشيخ مصطفى عايزك تنسى الخوف ويعلمك ماتخافش خالص

من العفاريت، فاهم؟

- لأ مش فاهم هو راح فين أنا خايف وعايز أمشي، أنا عمري ماشفت

عفريت قبل كده.

- يا عم ماتخافش والله.

عاد جابير للجلوس ونظر إلى فؤاد الذي شعر بأن هناك شيئاً مريباً يحدث

وقال:

- أنا عايز أنزل.

فردت آية:

- يا عم تنزل تروح فين بس، ده أنا هعمل معاك خدمة العمر.

- هتعملي ايه؟

- هعرفك على عفريت.

- أنتي! في ايه؟

- لو عرفت عفريت هيعملك كل اللي أنت عايزة وحياتك هتبقى سهلة.

- لأ شكراً، أنا عايز أنزل.

- طب العفريت اللي أنت شفته ده كان شكله ايه؟

- شكله وحش.

حينها تحرك شباك الحمام فشعر فؤاد بالخوف فنظرت آية لجابير وكشرت

عن أنيابها، ثم عادت لفؤاد وقالت:

- بص يا فؤاد بالراحة كده، العفريت ده حاجة من الاتنين لهتعرف

عليه لاما هيمسك ويخلي حياتك وحشة، فأحسنك اتعرف عليه

دلوقتي.

- انتوا عايزني أتعرف عليه ليه؟

فقال جابير:

- علشان تعرف إن هما حاجة عادية مش زي ما أنت متصور، بص

سُمي كده وقول بسم الله الرحمن الرحيم وهو مسلم هتلاقيه حلو
وهيعجبك وبيفهم في حاجات كثير.

آية:

- ماشي يافؤاد يالله سمي وهنور بهولك.

فقال فؤاد:

- أنا عايز أمشي.

آية:

- سمي بقى ليركبك.

فقال فؤاد وهو خائف:

- بسم الله الرحمن الرحيم

قال جابير:

- يالا يا سونه.

فظهر سونه ونظر إلى فؤاد الذي يرتعش من الخوف وقال بصوت عالٍ:

- آية يا عم أنت خايف مني ليه هو أنا هعضك ماتخافش.

ارتعشت كل شعرة في جسم فؤاد لرؤية سونه الذي أكل قائلاً:

- أنت خايف ليه عايز افهم! أنا وأنت مسلمين وموحدين ربنا واتخلقنا

علشان نعبد ربنا، ينفع تخاف مني ولا أخاف منك؟!

فبدأ فؤاد يشعر بارتياح، ونظرت له آية وقالت:

- شفت الموضوع سهل ازاي.

فبدأ جسم فؤاد يهدأ ونظر سونه إلى جابير وقال له:

- أي خدمة يا به علشان تعرف إن أنا مظبطك، أنا عمري مظهر الحد،

بس علشانك أنت بس.

ردّ جابير:

- ربنا يكرمك يا معلم.

اتجه سونه ناحية فؤاد ومدّ يده وقال:

- سلم عليه، سلم عليه ماتخافش.

فد فؤاد يده لسونه وسلم عليه وقال سونه له:

- أنا اسمي سونه، أنت اسمك ايه؟

فرد فؤاد بينما تبسم آية:

- فؤاد.

- عاشت الأسامي يا فؤش.

ونظر سونه إلى آية المبتسمة وابتسم هو الآخر ومدّ يده قائلاً:

- سونه السركي.

فدت آية يدها قائلة:

- آية الشرقاوي محامية فوق وتحت.

- يعني الجمال ده بينزل عندنا؟

فسحبت آية يدها وقالت وحواجبها مرتفعة لأعلى:

- احنا هنهزر

فنادي جابير على سونه وقال له:

- تعالى يا سونه.

فعاد سونه للوقوف بجوار جابير، بينما استغربت آية موقف سونه ونظرت

إلى فؤاد وقالت له:

- شفت الموضوع سهل ازاي.

فقال فؤاد وهو يهز رأسه ويباعد نظره بين سونه وآية:

- ماشي أنا كده معليش عفريت؟

فقال سونه وقاطع آية التي بدأت في الكلام:

- عفريت آية ياعم عليا النعمة لو عليك عفريت أكله، ده أنت من

طرف

الطيبار ياعم.

- طيار مين؟

فسك جابير سونه بيديه وقال له:

- أنا هنا اسمي الشيخ مصطفى

وقالت آية وهي تنظر لسونه بترقب:

- قصده الشيخ مصطفى وأنت معلقش حاجة.

فأكمل سونه:

- اشتان صاحبي عامل حاجة حلوة، هو جابلي النهاردة، حاجة

أوجهها للواحد لو راكبة حد فيها سهم يتحرك على الأحمر لو معموله

عمل تيجي على الأزرق، فاهم؟ يعني لو معمولك عمل ولا حاجة

هنشفهولك، وأنت كويس ماتخافش ولو عوزت أي حاجة أنا خدام

يعني.

فنظرت آية إلى سونه من فوق وتحت كي يكف عن الكلام، ثم نظرت إلى

جابير، وأشارت على سونه؛ فاقترب جابير من سونه الذي يقف بجواره وقال له:

- خلاص بقي اتكل على الله.

فقال سونه بصوت منخفض:

- طب أنا مش هينفع امشي.

- طب اختني على الأقل.

فنظر سونه إلى آية وفؤاد وقال:

- طب عايزين حاجة مني يا جماعة علشان عندي مشوار، بس فرصة

- سعيدة يا فؤش، ياله سلام.

فاختني سونه، وظل واقفاً مكانه.

وتكلمت آية مع فؤاد:

- شفت الدنيا سهلة ازاي، ماتخافش من عفاريت تاني، أنت معلقش

- عفاريت ولا حاجة، أنت سليم.

- امال أنا جاي هنا أعمل ايه؟!

فنظرت آية إلى جابير ونظر إليها هو الآخر ولم يعرفوا ماذا سيقولون، فردّ

جابير:

- علشان ارجعلك حياتك.

فعاد جابير بظهره إلى الخلف، بينما أخذت آية صنية الأكل التي كانت لا

تزال موجودة أمامه إلى المطبخ، وتكلم فؤاد بينما اقترب جابير وجلس بجواره:

- أنا مراتي ماتت هترجع ازاي؟! والمحل سبته والعيال بتقول عليا إن أنا مجنون، ويخاف اقعد في شقتي، حياه ايه ياعم اللي هترجعوهالي؟!

جابر:

- يا عم أنت عاقل اهو، تخيل نفسك لو روحت بلد ثانية هتعيش وسط الناس على إنك بني آدم عادي. هي المشكلة في بصة الناس ليك هنا وهنغيرها وخلص.

عادت آية من المطبخ وقالت:

- أنا عازية أبقى أجيب سخان علشان الشاي.

وجلست على الكرسي مكان جابر، وقال جابر:

- يعني أنت كده خلاص فقدت الأمل في ربنا! ما ترجع يا عم تقعد في شقتك وتتجوز وتفتح محل وكل حاجة.

- والناس اللي بتقول عليا مجنون؟

فقال جابر:

- ليك عليا يا عم مخليش حد يقول عليك مجنون، مش علشان حاجة

- علشان أنت عاقل مش مجنون بس.

- مش هتعرف.

- ولو عرفت ترجع تعيش حياتك بشكل طبيعي؟

فنظر فؤاد إلى جابر وحرك رأسه بالموافقة.

فقال جابر:

طب نقرا الفاتحة على كده؟

فابتسم فؤاد ابتسامة سخرية تراها خارجة منه على أنها ابتسامة حزن وليس فرحا وقال:

- ماشي.

وقرؤوا هم الثلاثة الفاتحة، ثم قالوا: آمين، حينها سمعت آية صوت في أذنها يقول:

- أنا لو إنسي مكنتش سبتك.

فتلفت آية بسرعة حولها وقالت:

- في ناس ممكن تتحرق دلوقتي.

نظر جابر إلى عين فؤاد مباشرة وقال له:

- ممكن تحكي لي بقي ايه اللي حصلك؟

نظر فؤاد إلى الأرض، ثم إلى آية ولم يعرف إذا كان سيجيب على هذا السؤال أم لا، فقالت آية:

- لو عازني أمشي همشي.

فقال فؤاد:

- هي جات على قعدتك ما الناس كلها عرفت وشافت.

وسكت فؤاد قليلا، ثم بدأ يتكلم:

- عادي التجوزت وكل حاجة كانت كويسة وليلة الدخلة مراتي وهي في الحمام السخان فرقع تقرينا قعد يطلع بخار وكان في صوت عالي،

فدخلت جري عليها وحاولت أقفله ومعرفتش أخرجها علشان لو كنت خرجتها البخار كان هيجي في وشها، ومعرفتش أقفله وبصيت لقيت الباب مقفول من جوه ومحدث راح ناحيته، المهم بقى حصل اللي حصل، أنا مش عايز أتكلم في الموضوع ده.

وقام فؤاد من مكانه وتركهم وذهب في اتجاه باب الشقة، لكن جابير سار خلفه كي يوقفه وقال له:

- رايح فين بس؟ ماتتعد.

- لأ لأ مش عايز اقعد في الشقة دي.

وأصّر فؤاد على الخروج وحاول جابير منعه، لكن آية أشارت له بيدها أن يتركه؛ فتركه جابير يفتح باب الشقة وينزل منها، وبقيت آية وجابير في الشقة حينها أخبرت آية جابير بأن يلحقه فارتدى الحذاء ولحق به على السلم وقال له:

- طب استنى هنتكلم في أي حته.

توقف فؤاد عن الحركة حتى لحق به جابير وسارا معاً إلى خارج المنزل إلى الشارع، وتكلم جابير مع فؤاد:

- هو أنت كان عندك محل ايه يا فؤاد؟

- ساعات.

أنا كان بيجيلي أغلى ساعات في مصر أصلحها، كانت الساعة بتستنى بالشهر علشان تاخذ دورها.

- ياه!! طب ده لازم يرجع تاني.

أحد الأطفال كان يقف في الشارع ينظر إلى فؤاد الذي يسير ومعه جابير، ويحصر نفسه لأن يقول شيئاً لفؤاد يضايقه به، وعندما مرّ فؤاد وأعطاه ظهره قال:

- شفت مراتك عريانة يا فؤاد.

فتعصب فؤاد جدّاً وأحمرّ وجهه والتفت ناحية الصبي، بينما جرى الصبي وحاول فؤاد أن يلحقه، لكن جابير مسكه بكل قوته، وأخذ فؤاد يصرخ ويقول:

- وسع وسع هموته.

ويحاول جابير أن يمسه بكل قوة، ثم سمع جابير صوت سونه المختفي:

- أمسكه معاك؟

فنظر جابير ناحية الهواء، وأخذ يكلم سونه الذي لا يراه أحداً:

- أنت ايه اللي نزلك؟

- البت اللي فوق قالتلي انزل لحررك.

والتفت سونه الناحية الأخرى وحاول أن يمسه فؤاد المتعصب جدّاً، و شعر بأنه يمسه، فطلب منه أن يتركه وقال له وهو يكلم الهواء:

- سييه يا سونه.

انتبه الأطفال إلى جابير الذي يكلم نفسه، وأخذوا يضحكون عليه ويقولون:

- الاتنين هبل، الاتنين هبل.

جابير:

- اهدي يا فؤاد، اهدي يا فؤاد اعمل معروف.

وحينها شعر أن سونه تركه، ثم لاحظ جابير وهو يمسه فؤاد أن ملامحه

تتغير، فنظر جابير ناحية الأطفال فوجدهم يصرخون ولا يعرف لماذا يصرخون،
ثم وجد الطفل الذي شتم فؤاد يخبط رأسه في الجدار، وبدأ الأطفال في الجري
في كل اتجاه، وبدأوا يبيكون فتوقف فؤاد عن محاولة التملص من جابير، وهدأ
تمامًا ثم عاد سونه ووقف أمام فؤاد وهو مختفٍ وقال له:
- أي خدمة ياعم فؤاد، لو عوزت أي حاجة أنا خدامك.
فهدأ فؤاد تمامًا وبدأ وجهه يعود للونه الطبيعي، وأخذ جابير فؤاد وساروا في
الشارع.

سونه:

- هو انتوا رايجين فين؟

جابير:

- هو المحل بتاعك كان فين يا فؤاد؟

فؤاد:

- في غمره.

سونه:

- دي بعيدة ياعم.

فؤاد:

- هو احنا مش رايجين أصلًا، أنا هروح أعمل ايه؟

جابير:

- ياعم أنا قتلتك هنروح هو أنت دلوقتي تعرف تصلح الساعات ولا

معدتش بتعرف؟

فؤاد:

- أنا بعرف أصلح الساعات أحسن ما أنت بتعرف تتنفس.

جابير:

- طب ماصلحتناش الساعة اللي فوق ليه ياعم؟!

فؤاد:

- الساعة اللي فوق ماينفعش تتصلح.

جابير:

- ليه كده؟

فؤاد:

- علشان اللي اتعملت علشانها ماتت، فالساعة زعلت عليها ومعدتش

بتشتغل.

سونه:

- ايه ياعم أنت ممسوس ولا ايه؟! ساعة ايه اللي زعلت ولا تكنش

الساعة اللي ممسوسة!

وضحك سونه.

فقال جابير:

- اهدى ياسونه ياتمشي.

ثم بدأ يكلم فؤاد:

- طب يابه صلح أي ساعة تانية، ارجع اشتغل تاني، افتحلك محل؟

فؤاد:

- المحل كان بتاع ابويه، وعليه اسمه من وهو ادي، عمري ماعرف
اشتغل في محل ثاني.

جابر:

- طب ماتشتغل فيه ياعم، هو أنت بعته؟

فؤاد:

- أجرته سبع سنين.

جابر:

- ليه كده يا فؤاد؟

فؤاد:

- اهو بقي كان مقفول.

جابر:

- والسبع سنين دول هيخلصوا امتي؟

فؤاد:

- الاتفاق كان أما اعوز آخذ المحل في أي وقت آخده، بس لما روحت
للولة اللي أجرتهوله قالي كان خامسة.

جابر:

- طب ليه؟

فؤاد:

عيل وسخ كان بيشتغل صبي عندي، ولما أجرة صفي البضاعة اللي فيه، ولما

أختي راحتله، قالها أنا واخدة من غير بضاعة وبيجيب الإيجار شهر آه وتلاتة
لأ.

نظر جابر إلى فؤاد الذي يسير بجواره في الشارع نظرة أبطأت حركة فؤاد

كثيرًا وقال له:

- تعالى وديني المحل ده.

فوافق فؤاد وأخذه إلى المحل دون أن يعرف لماذا، ثم في الطريق سأله.

فؤاد:

- طب احنا رايمين نعمل ايه دلوقتي؟

جابر:

- أنت مش بتقول ليك إيجار متأخر؟

فؤاد:

- هو بيجيب إيجار أساسًا!

جابر:

- طيب ياعم احنا رايمين في حق، على الأقل علشان ضميري يبقى

مرتاح وأنا ببجلك حقا.

استمر فؤاد في السير ومعه جابر حتى وصلا إلى محل ساعات واجهته كبيرة

مكتوب عليه الأمير للساعات وفي الفاترينه عدة ساعات.

جابر:

- أنت أبوك كان اسمه الأمير؟

فؤاد:

- ده اسم الكلب اللي أجره، أبويه اسمه صلاح برغوت، المحطة دي كان اسمها على اسمه لو راكب أي مواصلة تقوله صلاح برغوت.
المنطقة تجارية بها عدة محلات بجوار بعضها، والطريق عمومي تسير فيه الميكروباصات والتاكسيات.

جايبير:

- طب تعالى نخش واسأله على الإيجار.

دخل فؤاد إلى المحل بصعوبة وهو يتأمل كل شبر فيه، نظر بعينه إلى الفاترينه الداخلية التي يجلس خلفها أمير ومعه صبي في الخامسة عشرة، وفوقه ساعات حائط كثيرة معلقة على الجدار، بينما امتلأت الفاترينه الداخلية بساعات اليد.

أمير في عمر فؤاد، نحيل، لونه قحبي مائل للسواد، شعره أسود ملفلف، عندما رأى فؤاد أمامه استغرب وشعر بالامتعاض، لكنه في ثانية غير علامات وجهه إلى الابتسامة وقام من مكانه مهلاً بدخول فؤاد عليه.
أمير:

- فؤاد ازيك يا ريس؟

ومدّ يده لفؤاد كي يسلم عليه، ومد فؤاد يده بحزن؛ لأنه كان يقول لفؤاد في الأول يا اسطى!

- ازيك يا أمير؟

- الحمد لله، أنت عامل ايه يا فؤاد؟

- هات كرسي ياله، ثم نظر إلى جايبير وقال له:

- أوامر يا باشا؟

فرّج جايبير:

- جاي مع فؤاد.

فنظر للخلف وقال:

- كرسيين ياله.

جلس فؤاد مع جابير، وأخذ فؤاد يتأمل كل ركن من أركان المحل.

أمير:

- وأنت عامل ايه دلوقتي خفيت ولا لسه بتحس بحاجة؟

غضب فؤاد من كلام أمير، لكنه وجد يد جابير على رجله تطلب منه الهدوء،

ورد جابير بالنيابة عنه:

- الحمد لله يا عم الرجل زي الفل اهو.

فنظر أمير إلى جابير وسأله وهو يرفع كوب الشاي إلى فمه، وينظر إلى وجه

جابير أو مصطفى الذي كان يحمل ندبة أثر إصابة بسكينة أسفل وجنته اليمنى.

- ومين بقى الأستاذ؟!

فره جابير:

- مصطفى العربي.

أمير:

- وبتشتغل ايه بقى يا باشا؟

فره جابير:

- حاوي.

فابتسم أمير بخبث وقال:

- ياه طب ماتجبلنا مليون جنيه كده.

جابير:

- لأ أنا باخد ما بديش.

حينها فهم أمير أن فؤاد سيطلب منه الإيجار، ووضع جابير يديه على رجل

فؤاد واقترب منه وقال له الإيجار، ولكن أمير رد قبل أن يسأل:

- والله أنا عارف إن أنا متأخر في الإيجار، بس زي ما أنت شايف يا

فؤاد مفيش سوق، البلد حالها واقف، وقفلنا المحل الشهر اللي فات

بتاع الثورة، واديننا بنش وداخلين في حنظل وزفت، والحالة زي ما

أنت شايف، كان بودي والله بس مفيش يا فؤاد.

فقال فؤاد وهو يحاول أن يعبر عن غضبه:

- هو أنت من امتي وأنت بتقولي يا فؤاد؟! أنت مش كنت بتقولي يا

أسطي؟!

فنظر أمير إلى الأرض، ثم رفع رأسه ونظر في وجه فؤاد وقال:

- ماشي يا اسطي ربنا يشفيك.

حينها غضب فؤاد وتحول وجهه للون الأحمر، ولكن جابير قبض على يديه

بكل قوة كي لا يفعل أي شيء، وبدأ في الكلام:

- بص ياعم أمير عليك إيجار قديم هتجيبه أول حاجة، تاني حاجة كان

في اتفاق بينك وبين الرجل ده إنه لما يعوز المحل تسييه.

وأكمل فؤاد:

- وإنك ماتنزلش اسم ابويه من على المحل.

عاد أمير بظهره إلى الخلف، بينما دخل الصبي من باب المحل ووضع كوبين

من الشاي على الفاترينه وقال:

- بيني وبينك عقد اشتكيني، هقلهم واحد ركبوا عفاريت وبيضايق
الجيران اللي حوليه وشوف مين اللي هيديك المحل.

حينها احمر وجه فؤاد تمامًا قبض جابير بقوة على يديه الاثنتين كي لا ينفعل
وقام ووقف أمامه كي لا ينظر إلى أمير وقال لفؤاد:

- يالا نطلع بره، يالا قوم ماتعملش حاجة، حقلك أنا هجهولك وأنت
عارف إن أنا هعرف.

وأخرج جابير فؤاد من المحل وخرج معه.

رحلوا جميعًا عن تلك المنطقة وعادوا إلى الشقة، وعندما دخلوا من باب
العمارة شموا رائحة بخور كثيفة تملأ المكان وصوت مقررئ. وصلوا الشقة فوجدوا
بابها مفتوحًا، ويوجد طوبه خلف الباب تسنده كي لا يغلق، ويخرج من داخل
الشقة رائحة البخور وصوت الشيخ عبد الباسط ليسمع دارالسلام كلها، دخلوا
إلى الشقة فوجدوا شيئًا تجلس وسط الدخان ومعها آية ويتحدثان معًا، عندما
رأتهن شيئًا ذهبت مسرعة ناحية أخيها تضع يدها عليه لتتحسسها، ثم سألت
جابير:

- ايه عمل ايه؟

جابير:

- ايه اللي انتوا عاملينه ده؟!؟

شيء:

- حاسينا إن هما رجعوا ثاني يا سيدنا الشيخ.

نظر جابير إلى آية التي تجلس على الكنبه ويحيطها الدخان من كل ناحية،
فوجد بيدها سيجارة مشتعلة يختلط دخانها بالبخور، ذهب جابير إليها وسألها
- ايه في ايه؟

فردت آية والسيجارة في فمها:

- مفيش حاجة الأبواب خبطت، فخافت وعملت اللي أنت شايفه، ده
أنت عملت معاه ايه؟

جلس جابير وسمع صوت سونه في أذنه:

- هي بتشرب سجائر؟

فنظر ناحية اليمين وقال:

- شوف كده في حد هنا؟

ثم نظر ناحية شيئاء التي اقتربت منه وسألته:

- طب أنت عايز فؤاد في حاجة؟

فرفع جابير يديه قائلاً:

- لأ شكرًا.

ثم نظر إلى فؤاد وقال له:

- بكره مستنيك وإن شاء الله الموضوع هيبقى خلصان.

شيء متلهفة:

- موضوع ايه؟

فعاد جابير بظهره إلى الخلف وقال:

- المحل إن شاء الله هنرجعهوله.

ففرحت شياء ورفعت رأسها لأعلى:

- ده يبقي يوم المنى لو يرجع ثاني المحل.

استغربت آية من موضوع المحل، لكنها لم تسأل جابير عنه إلا بعد نزول شياء وأخوها.

آية:

- محل ايه؟

سمع جابير صوت سونه في أذنه:

- أشتان صاحبي جه ونائم في الحمام، أصحيه؟

فقال جابير بدون أن ينظر إلى سونه:

- لأ عادي.

ثم عاد للنظر ناحية آية وقال لها:

- المحل بتاعوا في واد واخدة منه ومبيدلوش الإيجار، فأنا هرجعهوله.

قالت آية وهي غير راضية:

- أنا مش عايزة وش، لو عملت حاجة حراس الأرض مش هيسيبوك.

جابير:

- ماتخافيش.

نظرت آية في اتجاه الهواء الذي يحيط جابير، ثم قالت:

- هو سونه ده لسه هنا؟

فرد جابير:

- أه هنا.

آية بوجه رافض لوجوده:

- ماتمشيه.

جابير:

- خليه ده جني غلبان وبعدين ساعدني جامد مع الوله.

آية:

- أنا مش عايزة وجع دماغ مع العفريت ده وتعملوا حاجات سودا

تيجي على دماغني في الآخر.

حينها وجدت آية سونه يظهر من العدم ليقف أمامها هي وجابير، ولكن

بحوزته جني آخر يضع سونه يديه على كتفه، قزم ويرتدي نظارة على عينه،

له جلد أحمر باهت، وعظامه تظهر من تحت جلده، ملابسه المصنوعة من

الصوف.

رجعت آية للخلف حينما رآته وقالت:

- ايه ده؟

حينها التفت جابير إليه ثم سمع سونه يقول:

- أشتان صاحبي.

أعرفك:

- أستاذة آية الشرقاوي محامية فوق وتحت، وطبعًا ده الباشا الكبير

جابير الأشعم بس نازل في جسم بني آدم.

فحرك أشتان رأسه وقال بصوت يظهر أنه أخنف تمامًا:

- أهلا وسهلاً عاملين ايه.

فنظرت آية إلى جابير مستغربة، لكن الخنفة في صوت أشتان ومظهره جعلوا وجهها يتسم قليلاً، ونظر جابير إليه ومد يده وقال له:

- ازيك عامل ايه؟

فرد أشتان:

- الحمد لله انتوا عاملين ايه سألتكوا على فكرة وماردتوش!

جابير:

- كويسين.

سونه وهو يربط يديه بقوة على كتف أشتان الأقصر منه:

- أشتان بقي عبقرى، دماغه فظيعة، وبيخترع حاجات وهمية.

أشتان بكسوف:

- ياعم ماتقولش كده بس ياعم.

ظلت آية تبتم من الخنفة الموجودة في صوت أشتان القزم.

أكمل سونه:

- ده بقي عنده جهاز بيجييه عليك لو معمولك عمل بيجي على الأزرق

لو ممسوس بيجي على الأحمر، صح يا أشتان؟

أشتان:

- مش صح قوي.

وخباءة ظهر جهاز بيد أشتان عبارة عن زمارة عجلة موصل بأخرها خشبة،

وعليها سهم يلف مثل سهم السرعة الموجود في السيارة.

قال أشتان:

- بنقرا على المياه قرآن ونحطها من الفتحة بتاعة الزماره دي تنزل في

الجلدة المطاط اللي في آخر الزمارة دي، الجلدة فيها فتحة مفروض

تعدي المياه على الخشبة والخشبة محرومة من الناحية الثانية، بنفخ

في الناحية دي الزمارة بتزمر والسهم بيجي من الشمال لليمين، لو أنت

معلكش حاجة يفضل مكانه لو معمولك عمل يتحرك لحد أول ربع،

لو ممسوس يتحرك لحد النص، لو راكبك حد يوصل لحد الآخر.

ابتسمت آية وهي مستهجنة ما تراه، وقالت:

- ماشي برافو عليك يالا بقى روح.

فغضب أشتان جداً ودافع سونه عنه وهما واقفان أمام آية وجابير:

- روح فين ده قاعد معايا هنا.

وقال جابير وهو ينظر إلى آية بينما يشعر أشتان بالحنج:

- ياستي ملكيش دعوة بيهم دول معايا.

سونه:

- على فكرة الجهاز ده هينفعكوا جداً مع الوله، جربوا كده يا أشتان

على عمك جابير.

صوب أشتان الزمارة ناحية وجه جابير، ثم نفخ وسأله جابير:

- أنت حاطط فيها مياه؟

فحرك سونه رأسه بالموافقة بدلاً من أشتان، ثم انتهى أشتان من النفخ

وسمعا صوت الزمارة مستمراً بقوة لدرجة أصابت غيظ آية وجعلتها تقوم من

مكانها حتى استقر السهم على النهاية الأخرى وحينها قال أشتان:

- أنت في حد راكبك؟

فرد سونه:

- أنت ذكي ياله مش بقولك إن هو راكب حد.

فرغ أشتان حواجبه وقال:

- آه.

حينها همت آية بالانصراف وقالت لجابير:

- خلي بالك أنت لو ملحقتش تعمل اللي أنت طالع الأرض تعمله

هتتموت.

ثم سمعت آية صوت الزمارة ونظرت ناحيتها لتجد أشتان موجهها ناحيتها

فاستغربت بشدة حينها سمعت أشتان يقول:

- أنتي معمولك عمل.

وكان السهم موجودًا في أول ربع.

فاستغربت آية ورفعت حواجبها حتى آخرها وقالت:

- أنت أهبل ياله، أنت عايز تتحرق.

فرجع أشتان للخلف واستخبي خلف سونه الذي ظل رابطًا على كتفه،

وردًا بالنيابة عنه.

- هو عملك حاجة، هو بيقلك إن معمولك عمل، الحق عليه إنه

بيفيدك!

آية:

- عمل ايه يا هبل أنت وهو، أنت عبيط ياله أنت وهو، يالا أنا هنزل

أجبلكوا حراس الأرض.

حينها وقف جابير مكانه وقال لها:

- خلاص خلاص.

وحاول أن يمسك يدها كي يهدأها فبعدت يديه بكل قوة:

- هو ايه اللي أنا عامله في نفسي ده، شويه مجانين وقاعدة معاهم.

وتركت آية الشقة وخرجت وحاول جابير أن ينادي عليها:

- يا آية، يا آية.

فنظرت آية إلى جابير وقالت:

- أنا عملت معاك اللي أقدر عليه، وأنت بمعرفتك بقي شوف هترجع

للواد ده حياته ازاي، أنا معدش فارق معايا إن أنت تاخذ براءة من

حرق.

وخرجت آية من الشقة، وأغلقت الباب خلفها بكل قوة وكان أشتان محتبئًا

خلف جسم سونه الذي يحاول أن يربط بكل قوة على كتفه كي لا يحزن لما

حدث. عاد جابير للجلوس على الكنبه وجلس بجواره سونه وأشتان.

وبدأ سونه في الكلام:

- طب احنا هنعمل آية مع صاحبك؟

فنظر له جابير:

- صاحبي مين؟

سونه:

- ياعم الوله بتاع الساعات.
- جابير:
- اه، مش عارف، تفتكر نعمله ايه؟
- نظر إليه سونه باستغراب:
- مش مفروض نمشي الواد ده من المحل.
- أشتان:
- محل ايه؟
- سونه:
- محل كان مأجرة لواحد وعازين نطلعه منه.
- أشتان:
- يعني المحل أصلاً بتاع صاحبكم؟
- جابير:
- اه.
- سونه:
- عازين نطفشوا.
- أشتان:
- ليه ياعم ماتسرق عقد الإيجار وخلص.
- جابير:
- طب احنا مش عارفين مكانه أصلاً.
- أشتان:

- يعني هو هيكون حاظه في بطن حوت يعني! أكيد راميه في دورج الكوميدينو.
- نظر جابير إلى أشتان وقال له:
- هتعرف تجيبه يعني؟
- أشتان بثقة:
- أجبلك أمه.
- جابير:
- طب روح هاتوا دلوقتي.
- أشتان:
- هاتلي ريحته.
- جابير:
- وأنا أجبلك ريحة العقد منين؟
- أشتان:
- ريحة صاحب العقد.
- أمسك سونه يد أشتان كي ينظر إليه، فكان يجلس على يمينه وقال له:
- ياعم أنا عارف الوله وعارف مكانه.
- أشتان:
- خلاص تعالى معايا نروح نجيبه.
- فنظر سونه إلى أشتان كي يتأكد إذا كان واثقاً من نفسه أم لا، وقال:
- ولو جينا العقد كده خلاص؟

أشتان:

- ايوه يا جدعان في ايه هو في حد بيوثق عقود الإيجار!

نظر جابير إلى أشتان وقال له:

- خلاص روح هاتوا دلوقتي.

فقام أشتان من مكانه وقام سونه هو الآخر، ثم سأل سونه جابير:

- أجبلك حاجة معايا وأنا جاي؟

فسكت جابير لبرهة ليفكر وهو ينظر إلى سونه، ثم قال:

- عارف أخت الوله فؤاد اللي اسمها شياء؟

رد سونه:

- اه الوليه الرفيعة دي.

- روح قولها في ودنها تجيب العقد بتاع الملكية بتاع أخوها.

أشتان:

- طب ما نجيبه احنا.

- لأ خليها هي تجيبه بنفسها أحسن. (جابير قائلاً)

حينها اختفى أشتان وسونه من أمام جابير وتركوه وحده في الشقة يفكر في العمل المعمول لأية، وما هو هذا العمل، وكيف يساعدها في التخلص منه. استمر جابير في الحركة داخل الشقة والذهاب للبلكونه منتظرًا عودة سونه وأشتان وفجأة سمع خبط على باب الشقة، ذهب ناحية باب الشقة وفتح الباب مباشرة ليجد أمامه سيدة في منتصف الخمسينات ممتلئة القوام تداري

وزنها الزائد بعباية سوداء منحنية قليلاً ناحية الأمام، قمحية الملامح يظهر عليها العجز، وبجوارها فتاة خمرية في أواخر العشرينات، ترتدي جيبه سوداء وبلوزه بيضاء، لها عيون عسلية، لها باع طويل في الجمال! نظر جابير إليهما ولا يعرف فيما أتيا، ثم سمع صوت العجوز المنحنية:

- السلام عليكم

فرد جابير:

- عليكم السلام.

وأكلت السيدة:

- ممكن نقابل الشيخ لو سمحت؟

لم يفهم جابير فيما أتيا وبحسن نية قال لها:

- ايوه أنا.

فنظرت السيدة المنحنية إليه وقالت ويبدو عليها الضعف:

- جينالك في حاجة يا سيدنا الشيخ..

حينها التفت جابير إلى الفتاة وشعر بأن هناك عملاً معمولاً لها، أو مثل

تلك الأشياء ولم يرد جابير أن يشغل نفسه بمثل تلك الأمور فسألها:

- أوامري.

فردت السيدة:

- هو ينفع هنا على الباب.

كانت ساعة مغربية ولم يرد جابير أن يتورط في أي شيء، ولكن منظر الفتاة جعله يوافق وأدخلهم إلى داخل الشقة، وجلسوا في تلك الصالة على الكنبه هم

الاثنان بجوار بعض، وهو يجلس على كرسي أمامهم، قال جابير:

- أوامري يا ستي.

حينها وضعت السيدة يدها على بنتها كما توقع أن تكون المشكلة في بنتها،
وأردفت قائلة:

- بنتي يا سيدنا الشيخ زي ما أنت شايف بدر، روحها حلوة وطيبة
وبتنكسف من الريح وتتصلي وعارفة ربنا وبيجيلها العرسان يدقوا
بابها ويخطبوها ويسبوها، اتخطبت ست مرات وكل مرة أحسن من
اللي قبلها ونقول معلش دي حكمة ربنا، وتحب خطيبها ويسبها ومن
غير سبب! نفسه مش مرتاحة تحصله حاجة، حاجات تافهة، وأنا
معرفش في ايه! ونفسي أفرح بيها قبل ماموت، بالله عليك تشوفلنا في
ايه، وأنا والله مقتدره وهعمل أي حاجة علشانها.

نظر جابير إليها باستغراب وبدأ يستعرض موقفه في رأسه وأنه يجب عليه
ألا يفعل أي شيء لأي شخص، ثم نظر إلى الفتاة التي يبدو عليها الحزن، وقال:

- طب أنتي عرفتيني منين يا ستي؟!

فألحت عليه السيدة المنحية وقالت:

- والنبي يا شيخ ماتسألني الأسئلة دي أنا هعملك أي حاجة بس
تشوفلنا مالها أبوس ايدك.

فرجع جابير إلى الخلف ليأخذ حذره من أي شيء تفعله هذه السيدة، وبدأ
يفكر في الزمارة الخاصة بأشتان إذا وجدها من الممكن أن يكتشف ما بالفتاة،
ثم قال لها:

- طب استنى ثانية واحدة.

وخرج من الصالة ودخل إلى غرفة النوم وأخذ يبحث فيها ولم يجد أي شيء،
ثم دخل إلى المطبخ، ثم الحمام ولم يجد أي شيء، ثم إلى الغرفة الأخرى التي
كانت خالية تمامًا، نظر داخلها ثم لم يجد أي شيء وخرج منها، ثم عاد مجددًا؛
لينظر خلف الباب ودخل إلى الغرفة وأغلق الباب لينظر خلفه فوجد الباب
يُغلق وحده! ووجد يدًا تقبض بقوة على فمه وأظافر طويلة تدخل في شفثيه
ولا يستطيع الكلام وكل ما يفعله أنه يحرك رجليه ويديه؛ لكي يتخلص من تلك
القبضة، ثم فجأة وجد أمامه جنينًا يزيد طوله عن المترين والنصف، له ذيل
يتحرك خلفه، جلده أصفر تمامًا تظهر عظامه من أسفل الجلد، ومقلتا عيناه
حمراء كالنار ليس برأسه أي شعر.

نظر جابير إلى يديه فوجد حديدة كبيرة في كل معصم داخلته في الجلد
وخارجة منه تتدككه كخيط، حينها عرف أنه من حراس الأرض.
فتح الحارس فمه ليتكلم في وجه جابير وقال:

- هتلعب يبقى هتلعب بطريقتي.

وحينها وجد الحارس يقذفه من أول الغرفة إلى آخرها؛ لينزل على الجدار
ويقع على الأرض ويتألم بشدة وفتح عينيه بعد الوقعة ليجد حارسًا آخر له
نفس هيئة هذا الحارس ويختلف عنه في ملامح وجهه وامتلاكه لشعر على رأسه،
وأكل الحارس الأول قائلاً:

- عالم الجن مش لعبة مينفعش إنسي يتكلم مع جني والإنسي اللي يعمل

كده يبقى لازم يموت، عقابك دلوقتي إنك تموت.

لم يعرف جابير ماذا يقول وهو جالس على الأرض يتألم بشدة، هل يخبرهم أنه جني طيار محكوم عليه حكم، أم لا؟ أسئلة كبيرة دارت في رأس جابير، بينما يتكلم الحارس الذي أردف قائلاً وهو يقترب من جابير:

- عايز تموت ولا عايز تلعب بطريقتي؟

فنظر إليه جابير وهو مكوم على الأرض ولم يعرف ماذا يقول وماذا عليه أن يخبره الآن، وأكمل الجني:

- كل اللي هتاخده بالنص، وأنا مش هساعدك ومش هعملك حاجة غير إني هسيبك فاهم.

فنظر جابير إليه في خوف، ثم أعاد الحارس سؤاله بعدما رفع صوته وخبط يده في الجدار وقال: فاهم؟

فأجاب جابير:

- آه.

حينها اختفيا من أمامه وظل جابير على الأرض ولم يستطع القيام ليرى السيدة التي بالخارج، وظل جالساً لمدة نصف ساعة حتى قام من مكانه ولم يجدها بالخارج ولم يسمع أي صوت لإغلاق الباب، فحينها أدرك أن هذا الحارس كان تلك السيدة ونام جابير على الكنبه ليرج ظهره من الصدمة، وغفي قليلاً ثم استيقظ على صوت سونه:

- قوم يا طيار، يا طيار.

فنظر جابير إلى يمينه وهو نائم على الكنبه فوجد سونه فرحاً وبجواره أشتان يمسان عدة أوراق في أيديهم، ولم يستطيع أن يعدل نفسه على الكنبه وعندما تألم وهو يعدل ظهره شعر سونه بأن هناك شيئاً ما حدث فسأله وهو يقرب وجهه منه:

- ايه يا جابير في ايه؟

فرد جابير بعدما عدل نفسه على الكنبه ووضع يديه على مسند الكنبه، وسند ظهره لها:

- حراس الأرض جم هنا وضربوني.

فقال أشتان:

- كان شكلهم ايه؟

جابير:

- واحد كانت عنيه حرا..

فقال سونه:

- خزيم وسرقت ياه دول صاعبين أوي، عملوا فيك ايه؟

بدأ سونه يتحسس جسم جابير، فقال جابير بعد أن عدل نفسه تماماً على الكنبه وجلس عليها:

- حدفني في آخر الأوضة على الجدار، فضهري كله اتخبط فيه.

أشتان:

- ماتقلقش هبيلك لبخة سيرتو وأدهنلك بيها ضهرك ومش هيوجعك،

ثم سكت سونه واشتان وتأملا جابير حتى سألهم جابير:

- عملتوا ايه؟

فرّة سونه مسرعًا:

- اه جنبنا العقد وكان عاملوا صورة وضيعناله بطاقته ماتخافش.

وأعطوه العقد فأمسكه يتأمل فيه ثم قال:

- أنا معرفش الحراس عرفوا مكاني منين وقالولي لو هتشتغل يبقى تقسم

معانا.

سونه:

- مش أنت قولتلي إن أنت حرقت جن هنا هتلاقيهم شموا خبر.

جابير:

- بس ميعرفوش إن أنا طيار.

أشتان:

- احد ربنا، لو عرفوا كانوا موتوك، دول بيكرهوكوا أوي.

نظر سونه إلى جابير وقال له:

- دي غلطتي معلش.

جابير:

- غلطتك ليه يا بني؟!

سونه:

- نسيت أكتيلك آيات بدم الجمال مكنوش هيطيقوا بجوا الشقة، أنا

هكتبلك دلوقتي، وأنت يا أشتان ادهنلوا ظهره.

أشتان:

- ماشي هروح أجيب اللبخة وأجي.

سونه:

- وأنا هروح المدبح وأجي ولا أقعد معاك؟

عاد جابير للنوم على الكنبه، وفرد ظهره كله وقال:

- لأ لأ على ايه؟

سونه:

- طب مش عايز أي حاجة أجبهالك وأنا جاي؟

جابير:

- لأ شكرًا.

سونه:

- ماشي ياللا يا أشتان.

اختفى كل من أشتان وسونه من أمام جابير وطاروا ليحضروا تلك الأشياء،
بينما ارتاح جابير على الكنبه، وفرد ظهره مجددًا، ثم عاد سونه يحمل صفيحة
بها دماء، وظهر أمام جابير ليجده نائمًا على الكنبه، وعيناه مغلقة فلم يرد أن
يوقظه، وذهب في اتجاه الغرفة الخالية ووضع يده اليمنى كلها في الدم الموجود
في الصفيحة، وقال (بسم الله الرحمن الرحيم) وأخذ يقلبه بالست أصابع ويحرك
الدم في دوامات، وأخذ ينظر إلى جدران الغرفة المظلمة التي كانت مدهونة
باللون الأبيض، ثم أدخل يده اليسرى تحت القطعة الكتانية التي تغطي خصره،
وأخرج زجاجة بها سائل أخضر، حجمها لا يتعدى كف اليد، تشبه زجاجات

الريحة التركيب، وأفرغها في الصفيحة كلها، واستمر في التقليب كثيرًا، ثم أخرج يده من الصفيحة وهي مغطاة بكاملها بالدم، وبدأ يحركها على الجدار؛ ليكتب حرف الألف ثم اللام ثم الألف ثم التاء المربوطة؛ ليكتب لفظ الجلالة.. الله.. في مساحة حوالي متر في متر، وأخذ يدخل يده ويخرجها من الصفيحة واستمر في الكتابة حتى كتب حفيظ بجوار الله فكانت الجملة: (الله حفيظ) وكانت تظهر في الظلام، لونها فسفوري مشع عند أول الكتابة، لكن لونها انطفأ في ثوانٍ، ولم تعد تظهر وذهب حينها إلى مفتاح النور، وأضاءه فلم تظهر الكتابة، ولكنه كان لا يزال يراها، ولكنها لم تكن ترى للعين البشرية، وأراد أن يتأكد أنها مخفية، فذهب إلى الخارج، ووجد جابير ما زال نائمًا، فلم يرد أن يوقظه، وعاد مجددًا إلى تلك الغرفة، وظل يدخل يده اليمنى في الصفيحة، ويخرجها ويكتب بها على الجدار آيات قرآنية بإصبع واحد فقط، وكتب آية الكرسي كاملة على جدار، ثم ذهب إلى جدار آخر في الغرفة، وهم في الكتابة، لكنه أخرج يده من الصفيحة ونشفها في الجدار، وخرج من الغرفة إلى الصالة، وأخذ يبحث عن مصحف في كل أركان الشقة، حينها لاحظ جابير الذي استيقظ فسأله:

- بتدور على ايه؟

سونه:

- عايز مصحف.

جابير:

- عايز تكتب ايه؟

سونه:

- الجين.

جابير:

- طب هقولها لك.

سونه:

- طب علي صوتك علشان أنا بكتب جوه.

جابير:

- ماشي.

وعدل نفسه على الكنبه وهو يتألم فسأله سونه:

- ضهرك لسه واجعك؟

فقال جابير:

- اه.

سونه:

- دوقتي أشتان بيجي ويدهنهولك.

ودخل سونه إلى داخل الغرفة، ووقف أمام الجدار ويده اليمنى في

الصفيحة، يقلب بها الدماء، ثم سمع صوت جابير من الخارج:

- بسم الله الرحمن الرحيم

فبدأ يكتب سونه، ولكنه لاحظ أنه يريد ارتفاعًا؛ ليكتب من أول الجدار،

فخرج إلى الخارج وسأله جابير:

- في ايه؟

فأخبره أنه يريد كرسيًا، فأخذ واحدًا من غرفة النوم، وعاد إلى الغرفة ووقف

عليه، وبدأ يكتب من أعلى الجدار بسم الله الرحمن الرحيم، ثم قال لجابير:

- يا أبا جابير.

فقال جابير:

- "قل أوجي إلي أنه استمع نقر من الجن فقالوا إنا سمعنا قرءانا عجبا"

(الجن: ١)

وبدأ يكتب سونه حتى نفذ الدم من يديه، فوجد أن عليه أن ينزل كل مرة

إلى الصفيحة ليمد يده، فخرج مجدداً وسأله جابير:

- في إيه؟!

فأخبره أنه يريد شيئاً يضع عليه الصفيحة، فاقترح عليه جابير أن يأخذ

الترايبزه، وحينها ظهر أشتان ومعه كيس أسود ملفوف.

أشتان:

- أنا جبتلك الحاجة أهو، اقلع القميص.

فلزع جابير القميص أمامهم، فلاحظوا كدمات كبيرة في ظهره أثر الاصطدام،

فأشار له أشتان أن يجلس على الكنبه ليدهن له ظهره، وفتح أشتان الكيس،

وأخرج منه عجينة بيضاء، وأخذ يفركها بيديه، ثم نظر إلى سونه ويده الحمراء،

فسأله:

- أنت خلصت؟

فقال له أنه لم ينته بعد، وأخبره أشتان أن يكمل ولا ينتظرهم؛ لأنه سيظل

يدهن له ظهره كثيراً، فأخبره جابير أنه سيقراً السورة، بينما يدهن له أشتان ظهره،

وبالفعل أخذ جابير يقرأ السورة. انتهى سونه من الكتابات القرآنية في الشقة

كلها، ولم يكتب أي شيء في الحمام. دخل جابير لينام حتى الصبح بعدما أخبر

سونه أنه لا يرى شيئاً مما هو مكتوب، ففرح سونه لأنه استطاع إخفاء الكلام.

أتى الصباح واستيقظ جابير لا يشعر بأي ألم في ظهره أو في رجله التي دهنها

له أشتان بالأمس فالألم قد زال منها تماماً، جلس قليلاً، ثم غسل وجهه ولم يجد

شيئاً ليأكله ونظر إلى تلك الساعة في الصالة فوجدها لا تزال العاشرة ولا تتحرك

عقاربها من مكانها، فأحضر الكرسي ووقف عليه وأزلمها وأخذ يتفحصها وأخرج

البطارية ووضعها في ريموت التليفزيون، فوجدها تعمل ولم يفهم لماذا لا تعمل

الساعة ولم يعرف الساعة، ثم دق الباب فذهب وفتحه ليجد أمامه شيئاً ومعه

فؤاد تحمل شنطة في يدها ولم يعرف إذا كان حان ميعاد الغداء بعد أم لا،

لكنه نظر إلى نور الشمس الذي يضيء السلم فشعر أن الساعة لن تزيد عن

العاشرة صباحاً.

طلب منهم الدخول إلى الشقة واكتشف أن شيئاً أحضرت له إفطاراً وليس

غداء، وأن الساعة الآن الحادية عشر، جلست شيئاً لتفطر معهم وأخبرته أنها

أحضرت عقد الشقة لكي يراه ويرى ماذا سيفعل به.

تحرك جابير في جسد مصطفى كالعادة ومعه فؤاد متجهين إلى المحل، يتحرك

معه سونه وأشتان، سأل فؤاد جابير:

- هنعمل إيه؟ هنقله إيه؟

جابير:

- ياعم ملكش دعوه أنت، مش المحل ملكك والناس في المنطقة

عارفينك؟

فؤاد:

- يا عم اه بس حتى لو عارفيني! أنت هتطلع ازاى؟ هتضربه وتطلعه!

جابر:

- هضرب ايه يا بني! أنت هتروح تعمله محضر في القسم إن هو خاد

المحل منك واحتله بدون وجه حق واحنا معانا العقد.

فؤاد:

- طب ماهو معاه عقد إيجار يا عم الفاهم!

جابر:

- كان معاه عقد إيجار، كان معاه.

نظر فؤاد إلى جابر وهم صاعدين السلام الكهربائية الموجودة في المترو،

واستغرب ما يقوله ولم يفهم أي شيء.

وصلوا إلى قسم الشرطة وتم تحرير محضر من فؤاد صلاح برغوت يتهم فيه

شخصاً يدعى أمير أخذ منه محله دون وجه حق، ولا يريد أن يخرج منه.

ذهبت قوة من الشرطة مع جابر وفؤاد إلى المحل، ودخلوا على أمير الذي

كان يجلس بيده سيجارة حشيش أخفاها عندما رأى الشرطة، سأله الضابط:

- أنت أمير؟

فرد أمير وهو يتفحص جابر وفؤاد:

- ايوه أنا.

أكمل الضابط:

- أنت خدت المحل ده بالقوة من صاحبه فؤاد؟

وأشار إلى فؤاد.

فضحك أمير ضحكة سخرية وقال:

- لأ يا باشا معلش أصله تعبان شويه، أنا مأجره منه؟

أكمل الضابط:

- طب فين عقد الإيجار؟

أمير:

موجود يا باشا.

وفتح أمير درجاً موجوداً في آخر الفاترينه من أسفل، وأخذ يبحث عن

العقد لكنه لم يجده واحمر وجهه، ثم نظر إلى الضابط وقال:

- كان هنا يا باشا والله!

الضابط:

- طب تعالى معايا.

أمير:

- آجي معاك فين يا باشا واسيب المحل لمين؟! أنا مأجر المحل منه بس

هو راكبه عفريت واهبل.

وضع جابر يده على يد فؤاد لكي لا ينفعل من الكلام، ثم قال الضابط:

- هتطلع العقد ولا لأ؟ هو معاه عقد الملكية ومتوثق، طلعه وأنا اسبيك

وامشي.

أمير:

- يا باشا ما أنا ممكن أكون سايبه في البيت، ينفع تيجي عليا كده وتقولي

ياتطلع العقده ياتمشي! ده عيب يعني، ده أنا بقالي سنتين في المكان
واسأل الجيران.

الضابط:

- طب أنا هقفل المحل ده لحد ماتجيب العقده وتجيبي القسم.

أمير:

- يا باشا ماينفعش في عرف مين ده؟!!

الضابط:

- في عرف إن ده محله.

أمير:

- يا باشا حلوا يا حلوا، محله ايه ده مجنون!

الضابط:

- طب اقلل المحل واطلع علشان مش عايز اتكلم كثير.

أمير:

- يا باشا اطلع فين يرفع عليا قضية الأول وبعدين يكسبها أنا واضع يد.

نظر الضابط إلى العسكريين الموجودين خلفه وقال لهم:

- شيلوه طلعهوه بره.

دخل الاثنان العساكر خلف الفاترينه يطلبان منه أولاً بالذوق الخروج،

لكنه زعق وقال:

- انتوا هبل ولا ايه! العقده في البيت وأنا مأجر المحل منه مش هطلع.

ودفع العسكري بعيداً ثم نزل إلى الدرج الذي بحث فيه عن العقده، وأخرج

مسدساً وصوبه نحو العساكر قائلاً لهم:

- الشرطة العسكرية تيجي تطلعني، بره أنت وهو.

حينها خرج العساكر من خلف الفاترينه ببطء، ونظر له الضابط وقال:

- نزل السلاح أنت تتسجن فيها دي.

أمير:

- بره، كلكوا بره أنت ملكش ديه دلوقتي ومحدث فيكوا ليه ديه، بره ياله

أنت وهو.

كان جسد فؤاد حينها خلف جابير وهم الاثنان يقفان خلف الضابط الذي

كان على رتبة ملازم أول في منتصف العشرينات، طلب منه الضابط مجدداً أن

يخفض سلاحه، لكنه أصر على خروجهم جميعاً من المحل.

- بره ياله أنت وهو.

عاد جابير بظهره إلى خارج المحل، وعاد فؤاد أيضاً ولم تعد أجساد فؤاد

وجابير والضابط في نفس المستوى.

أخرج الضابط سلاحه وشهره في وجه أمير.. والآن هم يرفعان سلاحهما في

وجه بعض، يقول أمير له أن يخرج، بينما يطلب منه الضابط أن يخفض سلاحه.

استمر صراخ أمير الذي يأمرهم فيه بالخروج، وأضاف إليه كلمات عن أن

الشرطة ليس لها أي دور الآن، الأمر الذي أغضب الضابط ولم يتحرك للخلف

مثل فؤاد وجابير وبدأ يرفع صوته هو الآخر طالباً منه أن ينزل سلاحه، وتجمع

الناس أمام زجاج المحل؛ ليشاهدوا ما يحدث، ثم فجأة أطلق الضابط رصاصة

ناحية يد أمير لم تصبه، وجاءت في الفاترينه التي خلفه، حينها أطلق أمير

رصاصه ثم نزل ليختبأ تحت الفاترينه، أصابت الرصاصه فؤاد في منتصف بطنه تماماً، أوقعته على الأرض وحينها هلع جابير لرؤية فؤاد يصاب برصاصه ونزل إلى الأرض، وأخذ يتأمل إصابته بغير وعي، لم يتوقع أن يحدث ما حدث ولكنه بعد ثوانٍ سمع ارتطامًا كبيرًا للفاترينه التي خلف أمير تقع فوقه كلها بالساعات التي فيها، كان هذا من فعل سونه الذي أتى إلى جابير ليكلمه في أذنه بينما يتألم فؤاد ويقول له:

- ايه هتعمل ايه؟

قبض العساكر على أمير وذهب الضابط ناحيته وترك فؤاد لجابير ينظر إليه ويفتح عينيه عن آخرهما ولا يفهم أي شيء حتى سمع صوت سونه صارخًا في أذنه:

- هنعلم ايه؟

نظر جابير إلى الهواء ليكلم سونه، بينما دخل كثيرٌ من الناس إلى المحل لينظروا إلى فؤاد الذي يملأ الدم جسده وهو راقد على الأرض يتكلمون عن سيارة إسعاف ويحيطونه ويحاولون فعل أي شيء له، لكن وعي جابير كان متوقفًا عند نقطة واحدة ماذا إذا مات فؤاد! ثم سمع صوت أشتان في أذنه حط ايدك على بطنه وخلي بالك لتيجي في أيدي اعمل إن أنت بتعمله أي حاجة. وحينها وضع جابير يده على بطن فؤاد ولاحظ رصاصه تخرج من بطنه، وبدأ يحاول فعل أي شيء في بطنه وحينها كان أشتان قد أخرج الرصاصه، وبدأ في وضع عجيبة على بطنه، استغرب الناس من رؤيتها.

كان الضابط يتحدث على اللاسلكي بما حدث وطلب سيارة إسعاف، ثم فجأة وجدوا نور المحل يغلق والباب الصاج ينزل من الخارج فأصبح المكان معتمًا تمامًا، قام الناس من مكانهم متجهين ناحية النور الذي أطفأ سونه وناحية الباب الصاج الذي أغلقه وفتحوه، ثم وجدوا سيارة الإسعاف قد جاءت، فوضعوا فيها فؤاد الذي فقد وعيه وركب معه جابير الذي لا يفكر إلا بمصيره إذا مات فؤاد.

انتقلت السيارة إلى مستشفى القصر العيني ودخلت من باب الطوارئ، وحملوا فؤاد إلى غرفة العناية المركزة ولم يأذنوا لجابير أن يدخل معه، دخل الدكتور الغرفة وبدأ ينظر إلى مكان الجرح فلاحظ وجود عجيبة غريبة تغطي الجرح، فأخذ يخرجها من داخل بطن فؤاد، وبدأ يخيط الجرح، حينها سمع جابير صوت سونه في أذنه يقول له:

- ماتقلش بيخيط الجرح خلاص.

كان جابير في الطرقة التي تنتهي بباب يدخلك على باب يدخلك على العناية المركزة فلم يكن يعلم أي شيء مما يحدث بالداخل والمرضون يتحركون حوله، وضع جابير يده على فمه وقال:

- أنت عملتله ايه يا أشتان؟

ولم يأت ردًا من أشتان.

خرج الدكتور من غرفة العناية المركزة، وعندما وجد جابير أمامه خلع الكامة وسأله:

- أنت اللي جاي معاه؟

- اه سمعت.
- اية بقي اللي أنت حظيته ده؟ وايه اللي بيحصله؟
- حظيته لبخة سبرتو من اللي حظتهالك امبارح علشان توقف الجرح،
وشلت الرصاصة بايدي علشان كانت ظاهرة.
- اللبخة دي مابتتحطش جوه الجرح.
- ورفع جابير صوته وقال:
- أنت غبي!!
- فاخترت أشتان خلف سونه، وقال سونه:
- إن شاء الله هيبقى كويس.
- فحاول جابير الذي يتصبب عرقاً النظر إلى أشتان الذي يقف خلف سونه:
- هتعرف يا بني تشيل اللبخة دي ولا تعالجه؟ اللبخة دي ممكن تموته.
- ثم رفع صوته عالياً:
- حد يحط لبني آدم لبخة سبرتو في الجرح أنت أهبل!!
- سمع بعض المرضين الصوت من الخارج.
- نظر جابير الذي يتصبب عرقاً لأشتان وقال له:
- شوف هتعمل ايه، روح أسأل أي حد.
- ثم نظر إلى سونه:
- روحوا اعملوا أي حاجة، الواد ده لو مات أنا هموت.
- قال سونه محاولاً تهدئة جابير:
- ماتلقش خلاص ماتلقش، هنزل الحكيم تحت واجبله منه حاجة

- اه.
- ايه اللي أنتوا حاطيتهوله في بطنه ده؟
- لم يعرف جابير ماذا يقول ونظر إلى عين الدكتور مباشرة، كان يشعر بالخوف
ولم يجاوب لعدة ثوانٍ ثم قال:
- مش عارف.
- العجينة دي ممكن تعمله تسمم، جلده كله حصل فيه تقرحات بسببها.
- يعني هو هيخف يا دكتور ولا ايه؟
- مش عارف مش ده كان مضروب رصاصة؟
- اه يا دكتور.
- طب قولي الرصاصة راحت فين؟ وايه العجينة اللي مالیه جسمه
دي؟
- مش عارف.
- فتركه الدكتور ومشى فمشى خلفه مسرعاً:
- طب هو هيعيش ولا مش هيعيش؟
- مش عارف لما نعرف ايه اللي في بطنه الأول، وليه جلده لونه بيتغير
هو قلك؟
- ترك جابير الدكتور يمشي ولاحظ لافتة الحمام، فدخل إلى الحمام وأغلقه
على نفسه وحينها ظهر له أشتان وسونه، فبدأ يكلم أشتان غاضباً:
- أنت سمعت كلام الدكتور؟
- ردّ أشتان:

واختفيا من أمام جابير الذي خرج من الحمام بعد أن وضع على وجهه بعض الماء، فاختلط العرق بالماء وظهر كله كعرق كثيف. وجد بعض المرضين ينظرون إليه، ولكنه لم يعرهم انتباهه وذهب في اتجاه غرفة العناية المركزة، لكن إحدى الممرضات قالت له ممنوع، فعاد بظهره ليجد أمامه شيئا تضع طرحة على شعرها لا تربطها وترتدي عباية سوداء وشبشب بلاستيك يبدو على وجهها الملح، عندما رأت جابير رفعت يديها نحوه وقالت:

- عملت في اخويه ايه يا شيخ؟! عملت في اخويه ايه يا شيخ هو احنا ناقصين! هو احنا ناقصين حرام عليك.

جابير الخائف جدًا الذي يحاول استعادة توازنه:

- أنا معملتلوش حاجة.

فصوتت شيئا بعلو صوتها في المستشفى وقالت:

- اخويه اتضرب بالرصاص بسببك، وبعدين حطتله حاجة في بطنه بتموته، حطتله ايه؟

وهي تتكلم متلهفة تتقطع أنفاسها باحثة عن إجابة في وجه جابير، ثم قالت بعلو صوتها:

- حطتله ايه في بطنه؟

حينها ذهب ناحيتها ممرضتان، وحاولتا إبعادها عنه، لكنها استمرت في الصويت والتخبيط على رأسها وهم يبعدهونها وهي تقول:

- أنا عايزه اخويه تاني، ربنا ياخدكم كلكم، ربنا ياخدكم كلكم.

ثم وجد جابير أحد المرضين المذكور من خلفه، يطلب منه الخروج من المستشفى.

خرج جابير من المستشفى هائقا على وجهه لا يعرف ماذا يفعل، فكّر في الذهاب إلى آية في مكتبها، وفكّر في الهرب، وفكّر في كل شيء، وأخذ يرى صورًا لحياته كلها، ثم لم يجد مكانًا آخر يذهب إليه إلا الشقة التي يسكن بها في دار السلام.

تظن آية نفسها أنها ليست بالجمال الذي يليق بدكتور محمد، فدائمًا ما تقف أمام المرايا ترى عيوبها فقط ولا ترى ما بها من مميزات وقدرات، إذا خرجت من البيت متجهةً إلى المكتب تقف لساعاتٍ أمام المرآة، وعندما تصل إلى المكتب تدخل الحمام لتتفقد وجهها وملابسها، تصرف كثيرًا من الأموال على الملابس وأدوات التجميل بحثًا عن الأفضل.

دخلت آية إلى عيادة محمد وهي متوترة جدًا فاليوم أتت بفكرة جديدة، هي ليست جديدة ولكنها تجربها لأول مرة بعد ترددٍ وخوفٍ من أن تقوم بها. كان كالعادة يجلس في الصالة يشاهد التلفزيون على قناة نايل سبورت، وكانت تذيع إعادة مباراة الأهلي وطلائع الجيش، جلس محمد ليتابع المباراة بتركيز كأنها تذاع مباشرة!

- مساء الخير.

قالت آية.

نظر محمد إليها، ثم حرك رأسه وقام من مكانه وقال:

- مساء النور.

فعلت ما فعلته عندما أتت إليه ومعها جابير أشارت بيدها ناحية مكتبها

وقالت له:

- أنا آية المحامية إلى جنبك.

فابتسم محمد وهو يتفحص كل تلك الأنوثة وقال:

- اه ما أنا عارفك.

- أنا عايزة اعمل سناني.

- بس كده اتفضلي.

دخل إلى غرفة الكشف وأضاء النور وطلب منها أن تتفضل بالدخول، ودخلت آية وهي مكسوفة كأنها عروسة في ليلة دخلتها، أشار لها محمد على الكرسي وقال لها:

- اتفضلي.

فجلست آية على ذلك الكرسي كرسي أطباء الأسنان الذي تجلس عليه وكأنك تنام، جلست آية في خوف ووضعت شنتها على كرسي بجوار هذا الكرسي، وأخذت تتفحص محمد وهو يحرك أشياء على المكتب، ثم أتى ليجلس على الكرسي التي تضع آية شنتها عليه وقال لها وهو مبتسم:

- عايزة دي؟

فردت آية مبتسمة:

- زي ما أنت شايف.

فأخذها محمد ووضعها على مكتبه، ونظر إلى آية النائمة أمامه على هذا الكرسي، إذا كنت تريد امتلاك شخص وتخيبت كل الأوضاع التي سيكون بها هذا الشخص وآية ما ستمتلكه فيه أكثر فأعتقد أن ذلك الكرسي هو أكثر الأوضاع الذي تستطيع امتلاك الأشخاص فيها فهو أمامك نائم على ظهره، ولكن الكرسي ليس مفروودًا لآخره، فأنت وأنت جالس مكانك على الكرسي تستطيع أن تمد يديك لتصل إلى أي مكان أسهل بكثير من أي جلسة أخرى.

نظرت آية إلى يد محمد وهو يرتدي القفاز المطاطي الأبيض ثم قال لها:

- ارفعي رأسك لفوق.

فرفعت آية رأسها ناحية السقف وقال لها:

- افتحي بترك.

فنظر محمد إلى أسنانها البيضاء تمامًا، ثم قال لها:

- ايه ده صفين لولي، مال سنالك بقي؟

فبدأت آية تتكلم بدلع:

- أصلهم ساعات بيوجعوني.

نظر محمد إلى ذلك الفم المفتوح الذي يخرج أنعم الكلمات، وإلى شفايف

آية الرطبة التي لامست يديه وهو يدخلها إلى فمها وشعر بنعومة آية، وسألها:

- بيوجعوكي ازاي يعني؟

فنظرت آية إلى محمد بدلًا عن السقف في هذا الوضع التي فيه وقالت:

- معرفش بس بيوجعوني.

بدأ محمد يشعر بأن آية له، وأنها أتت تريده فبدأ يفرد سيطرته الذكورية،

ويصل بيديه إلى كل مكان في وجهها كأنه يكشف عليها، وضع يده اليمنى على

وجنتها اليمنى وتحسسها وقال لها:

- بيوجعوكي من هنا؟

فردت آية بكسوف وهي تتأمل وجه محمد:

- ساعات.

ترك محمد يديه مكانها، ثم وضع يده اليسرى على وجنتها اليسرى وقال لها:

- طب بيوجعوكي من هنا؟

آية:

- ساعات بردوا.

فنظر محمد الذي يضع كلتا يديه على وجنتيها إلى فيها المفتوح وإلى عينيها،
وتكلم كأنه يتكلم إلى فيها وقال:

- طب بيوجعوكي منين تاني؟

فنظرت آية إلى محمد وتأملت كل شيء في وجهه وأخذت نفسها وقالت:

- بيوجعوني من كل حنة.

يا بلادي يا بلادي أنا بحبك يا بلادي..

هكذا رنّ موبيل آية لينهي تلك اللحظة الدافئة التي بينها وبين محمد.
بعد محمد يديه عن وجهها وعاد إلى الخلف، بينما اعتدلت آية قليلاً وأحضر
محمد لها الشنطة، فأخذتها وأخرجت التليفون وهي على ذلك الكرسي تظهر كل
تضاريس جسدها أمام محمد واضحة كأنها عروسته في ليلة دخلتهم رغم ما ترتديه
آية من تونيك وجيبه!

ردت آية على التليفون:

- ألو.

سمعت صوتاً على الطرف الآخر يقول:

- ايوه يا أستاذة آية أنا شياء أخت فؤاد.

- ايوه يا شياء.

- والنبي لو معاكي رقم الشيخ مصطفى تخليه يرجعلنا المستشفى عشان

أنا زعلته ومكنش قصدي والله.

عدلت آية نفسها على ذلك الكرسي وجلست وقالت:

- مستشفى ايه! ايه اللي حصل؟!!

- اخويه فؤاد اتضرب رصاصة والشيخ جابه وهو عايز يشوفه دلوقتي.

وقفت آية مكانها وقالت وهي مفزوعة.

- صاصة!! ايه اللي حصل يا ستي اهدي وفهميني.

- والنبي تجيبه بس وتيجي وأنا هكيلك على كل حاجة أو قوليلي رقمه

- وأنا هكلمه.

- طيب ماشي أنا هجيبه.

هكذا قالت آية ثم نظرت ناحية الباب فوجدت فتاة في أوائل العشرينات،
شعرها الأسمر منسدلاً على وجهها، يظهر عليها أثر الرقة، تنظر في الغرفة
واستغربت آية جمالها، ثم وجدت الدكتور محمد يقوم ليسلم عليها ويقول:

- ازيك يا لمياء؟

فسلمت عليه لمياء مبتسمة؛ مما أثار غضب آية، ثم أدخلها إلى الغرفة
وأجلسها، فشعرت آية بالامتعاض أكثر وقالت له أن هناك مشواراً ضرورياً
ستقوم به، ثم ستعود إليه مجدداً ونظرت إلى الفتاة نظرة أخيرة وخرجت.

عاد جابير لارتداء الجلابيبه البني التي رآها لأول مرة تحت الأرض وهي
جلابيبه مصنوعة من قماش الدبلان، سمع جابير خبط على الباب وهو في
البلكونة فذهب ليفتح الباب وإذا به يجد آية أمامه، أدخلها إلى الشقة
وجلست على الكنبه، أول ما فعلته أن أخرجت سيجارة من العلبة المالبورو
الأبيض وأحرقتها، وبدأت في تنفيس دخانها.

ذهب جابير ليجلس بجوارها تحت الإضاءة النيون التي لا تظهر أي من
الآيات المكتوبة بدم الجمال على الحائط قالت:

- ايه اللي حصل بقى عايز افهم.

نظر إليها جابير وإلى توترها ونظرت إليه ولمحت الجرح الغائر الموجود في
وجنته وهذا لم يهدأها وجعلها تتوتر أكثر.

- مفيش، روحنا نجيبه المحل الواد ضرب رصاصة على الظابط جات
في فؤاد.

رفعت آية حواجبها حتى كادت تلمس شعرها وظهر عليها كل علامات
الاندهاش مما تسمع.

- ظابط ايه ومحل ايه! فهمني والنبي علشان أنا غبية.

- أنا عرفت أجيب عقد الإيجار بتاع المحل اللي الواد مأجرة منه، أصلاً
الواد ده كان مفروض يمشي لما فؤاد يقولوا امشي وسرق حاجات من
المحل خدنا عقد الملكية بتاع الوله وروحنا القسم بلغنا إن الواد..

فزعقت آية بعلو صوتها:

- روحتوا القسم! روحتوا القسم ازاى يا بني؟! أنت عليك حكم إعدام

ومعكش بطاقة تخش قسم برجلك!!

توقف جابير تمامًا عن الكلام ولم يستطع فتح فمه بينما تحملق آية في وجهه بكل قوة.

- ردة عليا عقلك جابك ازاي تروح قسم! أنت مالك ومال أم المحل بتاع الوله؟ أنت تتنيل تضحكه أو ترقيه علقه يعيط، تنيل يتشال عنك الحكم، وريتوا عفاريت وخليته يتضرب عليه نار أنت بتعمله ايه، بترجعه حياته ولا بتاخدها منه!!

نظر جابير إلى آية وبدأ يستجمع قواه ليتكلم:

- وأنا أعرف منين ما أنتي سايباني.

- يعني ايه أعرف منين؟!

قام جابير من مكانه وبدأ يعلو صوته هو الآخر، ولكن في ضعف شديد:

- يعني أنا جني مش بني آدم، مليش دعوة بحياتكم معرفش حاجة عنكم

لما ابقى في جسم بني آدم لازم حد يفهمني اعمل ايه، لازم حد يفهمني

أنتوا بتعملوا ايه، وأنتي سايباني، أنا طيار،..

وأشار بيديه نحو السماء وقال:

- الأرض كلها مبتكفنيش بقعد فوق في السماء.

ثم نظر بعيدًا عن آية وعاد مجددًا للنظر إليها:

- أنتي مفروض مكنتيش تسيبيني لو عايزاني اطلع براءة، بس أنتي مش

عايزة.

فعلًا صوت آية وقالت:

- مش عايزة ازاي! طبعًا عايزة وأنت عارف أنا عايزه ليه، وعايزة اد ايه.
- يعني أنت لو الواد قالك إن هو بيحبك هتيجي تساعديني ولا هتسيبيني،

فنظرت آية إلى جابير ولم تستطع الكلام، فاستغرب جابير من سكوتها:

- كنت عارف عمرك ما هتساعديني.

- الموضوع مش كده.

- لأ الموضوع كده، أهم حاجة إن الواد ده يحبك، أقولك على حاجة

نظرت آية إلى وجه جابير تترقب ماذا سيقول:

- أنتي مبتحبيش الواد ده.

ظهرت علامات الاستخفاف والرفض على وجه آية وقالت:

- بس ياله.

- والله ما بتحببيه.

فرفعت صوتها وقالت:

- بس يا بني، ايه هو أنا عجبتك وأنت في جسم النبي آدم وعايزني ليك!

أنا مش سهلة أنا أروح أجبلك حراس الأرض ولا تفرق معايا بشلم.

- عارفة ليه بقي أنا مفرقش معاكي، أنا جني ممكن مفهمش قوي في

تصرفات النبي آدمين تروح القسم يطلعه جني، حاجات معرفش

ايه الصح من الغلط فيها، بس بفهم في معايير الجن قوي، عارفة ليه

ميفرقش معاكي علشان أنتي معمولك عمل.

- بس ياله أنت والأهبل صاحبك.

- والله معمولك عمل، معمولك عمل إنك تحبي الواد ده، محدش بيحب حد كده ينزل تحت الأرض يجيب طيار علشان يخليه يجبه، إنتي عارفة يعني ايه طيار؟ عارفة اللي في ايده طيار ده بيبقى عامل ازاي؟

- ياعم متغرش في نفسك قوي كده.

- والله ماغرور، بس أنتي معمولك عمل، وعمل باين في كل حته فيك، مفكرتيش ثانية إذا كنتي فعلاً بتحبي الواد ده ولا لأ، علشان أنتي معمولك عمل ومش عارفة تفكري وأفعالك كلها متناقضة. قامت آية من مكانها وقالت:

- بس يا بني أنت ربح علشان مجبلكش الجيش ولا حراس الأرض، ورفعت شنطتها ووضعتها على كتفها ولم تأخذ عليه السجاير من على الكنية وقالت:

- شوف بقى هتحل مشكلتك ازاي مع الواد ده، أنا استعوضت ربنا فيك، وأنا خلاص اللي بيني وبين محمد قرب يتحقق. وذهبت تجاه الباب ونظرت إليه وهي عائدة وقالت له:
- مع السلامة.

وفتحت الباب وخرجت وأغلقت خلفها.

جلس جابير وحده في الشقة بينما نزلت آية، ثم وجد سونه وأشتان يظهران له. اقترب منه سونه وهو جالس على الكنية، ومدّ يده ووضعا على رجله وقال له:

- ما تزعلش يا طيار احنا مش هنسيبك.
ثم قال أشتان:

- ما تقلقش يا طيار والله كل حاجة هتبقى تمام.

- فرجع جابير عينه لينظر إلى أشتان، ثم وجد أشتان يقول له:

- الواد هيخف لوحده.

فسأله جابير:

- ازاي؟

فقال أشتان:

- أنا سألت تحت قالولي لبخة السبرتو بتطهر الجرح، بس ممكن تتعب

جئت النبي آدم شويه وميعرفش يتحرك علشان بتخشبه، بس بيبقى طبيعي.

جابير:

- يعني هو دلوقتي ايه اللي فيه؟

سونه:

- لسه جاين من عنده من المستشفى، فاق وعاز يشوفك.

جابير:

- ومش هيموت.

أشتان:

- لأ بس هيتعب شويه علشان اللبخة معمولة من نار وبعدين هيبقى

أحسن من الأول.

- هو عايز يشوفك على فكرة، سأل اختو عليك هتروحله.
- جابر يأخذ نفسه ويقول:
- هو أنا ورايا غيره لازم أروحله.

يرقد فؤاد على السرير في المستشفى ببطن عارية يظهر عليها خطوط حمراء قرمزية كثيرة تشق البطن طولاً وعرضاً، تظهر وتختفي وينظر إليها الأطباء ولا يعرفون ماذا يفعلون، فبعد أن خيطوا الجرح لا يعرفون إذا كانوا يعيدون فتحه مرة أخرى أم لا. أما فؤاد فكان لا يشعر بأي شيء، يجلس على السرير ينظر إلى أخته التي تعاود وضع يدها على بطنه، ثم ترفعها بأمر من الدكتورة وتقول:

- اللهم اشف أنت الشافي، شفاء لا يغادر سقماً. اللهم رب الناس
أذهب البأس....

ويقاطعها الأطباء دائماً ويقولون لها:

- ياستي اهدي بدل مانظلعك بره.

نظر إليها فؤاد وسألها:

- هو فين الشيخ مصطفى؟

- جاي يا حبيبي جاي والله، هو اللي هيعرف يعالجك ماتخافش.

نظر إليها أحد الأطباء مطولاً ثم قال لها:

- يا ستي..

حينها قال له طبيب آخر:

- طب تعالي سيبوه دلوقتي.

وخرجوا من الغرفة وتركوه هو وأخته التي عاودت وضع يدها على بطنه والدعاء له، ظلت تدعي وتسأله إذا كان يريد أي شيء، ولكنه لم يكن يريد شيء سوى رؤية الشيخ مصطفى الذي حضر، وعندما دخل من باب الغرفة سارعت شيماء إليه لتقبل يديه وتتأسف له:

- أنا أسفة يا سيدنا الشيخ، مكنتش اعرف إن أنت اللي انقذت حياتي.

وحيثما رفع جابير يديه بسرعة كي لا تقبلها، وقال لها:

- خلاص خلاص.

وذهب ليجلس بجوار فؤاد الذي ابتسم لرؤيته وسأله:

- ايه الأخبار دلوقتي؟

فرد فؤاد:

- الحمد لله.

- حاسس بايه؟

- مش حاسس بأي حاجة!

- معلش هو وقت وهترجع تاني.

سألت شياء متلهفة على إجابة:

- يعني هو مفيش حاجة تخففوا دلوقتي يا شيخ؟

جاوب جابير دون أن ينظر إليها وكان يتأمل الخطوط التي تشق بطن فؤاد:

- الوقت اللي هيخففوا ماتخافيش هيخف.

ثم وضع جابير يده اليمنى على بطن فؤاد، فنظرت شياء بكل تركيز على يده

وهي تتحرك على بطن فؤاد منتظرة الشفاء، لكنه بعد أن حرك يده على بطن

فؤاد قام بتغطيتها ببطانية، نظر جابير إلى شياء ثم قال لها:

- ممكن اقعد أنا وهو لوحدنا؟

ردت شياء بلهفة شديدة:

- طبعًا يا اخويه وماله.

ووضعت يدها على الباطنية التي غطت بطن أخيها وحركتها قليلًا عليها، ثم خرجت تتمم في سرها بأدعية بأن يشفي الله أباها.

اعتدل جابير في جلسته وقال:

- أنا مش عارف اللي أنا بعمله ده غلط ولا صح، بس أنا معدتش

شايف طريق تاني امشي منه.

زاد تركيز فؤاد النائم على ظهره وبدأت تتسع حدقتا عينيه:

- بص يا فؤاد أنا مش بني آدم، أنا جني زبي زبي سونه اللي أنت شفته،

- وأنا مش معاك بمزاجي، أنا معاك غضب عني.

- أنت جني ازاي يعني؟!

- أنا جني محبوس في جسم بني آدم، عليا حكم، الحكم ده إني أرجع

لبني آدم حياته اللي كان بيعيشها قبل ما يتمس بالجن، وأنت كنت

البني آدم ده، ومدتي كانت أسبوعين عدي منهم حوالي أربع أيام

لو مقدرتش بعدهم أرجعلك حياتك، أنا هيتحكم عليا ب 300 سنة

سجن.

كان فؤاد في قمة التركيز وهو يستمع إلى كلمات جابير، ثم قال بتروء

- يعني أنا لو مرجعتش أقف في المحل هيتحكم عليك بكده؟

- مش بالظبط.

- امال؟

- أنت قلبك معدش بيحس، معدتش بتضحك أو بتعيط مهما

حصل، صح؟

بدأ فؤاد يفكر ثم قال:

- مش عارف ممكن اه.

- لأ هو مش ممكن هو اه، أنت قلبك معدش بيحس كأنه ميت،

والقلب الميت ده قلب مريض.

- بس أنا خفت بجد لما شفت عفاريت.

- أي إنسان لو شاف عفريت حقيقي ممكن يموت من الخضة أنت

أغمى عليك بس ولو نزلت مملكة الجن كلها دلوقتي مش هيحصلك

حاجة.

- هي فين مملكة الجن دي؟

- تحت الأرض بس ده مش موضوعنا، أهم حاجة دلوقتي إن أنت

تعيط من قلبك أو تتضحك من قلبك، وأنا معنديش حيله اعملها

علشان كده قتللك، يمكن تعرف وتساعدي علشان لو ما ساعدتنيش

نهایتي هتبقى وحشه.

- طب أنا في ايديا ايه اعمله؟

حينها ظهر سونه من الفراغ ليقف بجوار جابير:

- ياعم اضحك أو عيط.

شعر جابير بالفرع ولكن فؤاد لم يشعر بأي شيء.

رد فؤاد:

- طب ياعم ضحكني وأنا اضحك.

اقترب سونه من جابير وقال له:

- اقله نكتة؟

جابير:

- تفكر حل مشكلتي كلها في نكتة يا سونه؟

قال فؤاد:

- أنا بصراحة كانت رجعتلي الروح تاني لما كنت هرجع أقف في المحل،

وكنت ممكن أرجع تاني مبسوط وأمشي في الشارع لوحدي ومخافش

من الناس إن هما يتريقوا عليه.

حينها ظهر أشتان من الفراغ ليقف بجوار سونه ويقول:

- أنت مش هينفع تتحرك من مكانك لمدة أسبوعين.

ارتفعت حواجب فؤاد وهو ينظر إلى أشتان القزم واستغرب نظارته لكن

شيئا لم يحدث له، وقال:

- مين ده؟

فرد سونه وهو يطوق بيده ذراع أشتان:

- ده أشتان صاحبي، حلوا بردوا ماتخافش منه.

- ياعم أنا مش خايف.

- شعر جابير بالأسى الذي هو فيه من عدم قدرة فؤاد على الحركة، وأنه

سيظل ثابتاً مكانه مدة، وأنه لن يستطيع فعل أي شيء له طيلة هذه

المدّة، ثم وجد فؤاد يتكلم وهو ينظر مباشرة إلى عينه:

- أنا عارف إن أنت أنقذت حياتي، وأنت اللي طلعتلي الرصاصة من

جتتي، والدكتره قالولي إن أنا كان مفروض أموت، أنا مديونلك
بحياتي وهعمل أي حاجة علشان اساعدك.

* * * *

مرت عدة أيام على جلوس فؤاد في المستشفى يلتفون حوله نهازا يتمنون أن
يضحك على أي شيء يحدث أو يبكي على أي شيء لكن دون جدوي، ثم تنتهي
مواعيد الزيارة فيخرجون من المستشفى ولكن سونه وأشتان يسهلون دخول
جابر للجلوس معه في فترات الليل كلما بدا القمر أقرب للاكمال شعر جابر
بالخوف. بدأ يفكر في الهرب نهائيا لأنه لم يجد من فؤاد أي فائدة فهو ساكن إذا
ضحك شعروا جميعا في نهاية الضحكة أنه يصطنع الضحك، ولو ظهرت عليه
علامات الحزن شعروا أنه يصطنع الحزن.

سأل سونه جابر وهما متجهان ناحية غرفة فؤاد:

- طب وأنت هتعمل آية يا طيار النهاردة.

- كان الظلام دامسا وهم يتحركون في جنينة المستشفى.

- أنت شايف في ايه يتعمل يعني؟

- طب الواد ده كده ما تزعلش مني مفيش فيه أمل.

- أهرب يعني ولا ايه؟

- كلم البت المحامية يمكن تعرف تعمل حاجة.

- أنت مش كنت واقف ياعم، دي خلاص رمياني في الزبالة.

تكلم أشتان:

- على فكرة ده علشان العمل اللي معمولها هي مش شايفة قدامها أي
حاجة غير الواد اللي بتحبه.

جابر:

- طب وهنعملها ايه يعني؟

أشتان:

- ياعم نجيب العمل ده ونحرقه.

التفت جابر ناحية صوت أشتان ووقف مكانه وسأله:

- أنت تعرف تجيب العمل ده؟

رد أشتان:

- أجبلك أمه أنا معايا ريحتها من علبة السجائر اللي نسيتهنا عندنا.

جابر:

- وهتجيبه في اد ايه يعني؟

سونه:

- ايه يا طيار هو أنت علشان طيار يعني يبقى بقيت الجن ميعرفوش

يعملوا حاجة! هنجبهولك ياعم.

جابر:

- طب روحوا هاتوه دلوقتي.

سونه:

- طب تعالى نطلعك اوضه الوله.

- معرفش بس وأنا والله حبيتك ونفسي أعملك أي حاجة.
- إن شاء الله هتعرف تساعدني وتساعد نفسك وترجع تاني تتجوز وتشتغل وتصلح الساعات، هو فعلاً يا فؤاد الساعة اللي في شقتك دي ما ينفعش تصلحها؟!
- أصلحها وأنا نايم كده!
- يعني هي ينفع تتصلح؟
- نفع، بس الساعة دي أحسن ماتشتغلش.
- ليه يا فؤاد؟
- الساعة دي فيها عداد من تحت لو كنت شفته.
- اللي هو أرقام كده؟
- أنا كنت عامل العداد ده، الخانات اللي كانت فيه خانة بتعد الثواني لحد ستين وتبدأ من الأول، وجنبا خانة بتعد الدقايق لحد ستين وتبدأ من الأول، وبعدين خانة بتعد الأيام حسب الشهر لو احنا في شهر عشرة مثلاً تعد 31 يوم، وشهر اتنين كل سنه بيختلف عن السنة اللي قبلها، وبعد الخانة دي خانة بتعد الشهور، وبعدين خانة بتعد السنين، فابص على العداد اقراه من الشمال لليمين مثلاً سنة وشهرين و11 يوم وعشر ساعات وخمس دقايق وأربع ثواني.
- طب ده كنت عاملة ليه؟
- علشان يحسب الأيام والشهور والسنين اللي هنعشها أنا ومراتي كل

- جابير:
- لأ أنا هعرف اطلع لوحدي.
- سونه:
- بدل ما حد يشوفك من الممرضات.
- جابير:
- يا بني ماتقلقش روح هات العمل وتعالى على هنا.
- انصرف سونه وأشتان ذاهبين إلى الشقة ليأخذوا علبة السجائر التي بها رائحة آية، ثم يبحثون في الأرض عن العمل المعمول لها، بينما ابتهج جابير لمعرفته أنه سيستطيع مساعدة آية بغض النظر عما كانت ستساعده أم لا، تحرك جابير في جنينة المستشفى إلى باب خلفي كان مكسورًا دخل منه، ثم صعد السلام حتى وصل إلى غرفة فؤاد ودخل إليها، جلس جابير على كرسي بجوار السرير بينما أغلق فؤاد التليفزيون، وعدل رأسه ناحيته.
- ايه يا معلم ازيك؟
- تمام أنت عامل ايه؟
- كويس.
- تكلم فؤاد ببطء قائلاً:
- أنا عارف إن الوقت بيعدني وأنا والله نفسي أعملك أي حاجة، بس مش عارف كل ما اجي أضحك بلاقي حاجة حايشاني.
- ايه الحاجة دي؟

مانبص للساعة نعرف احنا مع بعض بقالنا اد ايه، بس لو بصيت
للساعة هتلاقيها عدة ساعة واحدة بس، عشت معاها ساعة واحدة
مش زي ما كنا متخيلين إن العدادات كلها هتتملى ونصفرها، كنت
عامل عداد السنين لحد ستين سنة وقاتلي زوده عن كده ما ارتضش
قتلها احنا هنموت بعد ستين سنة، قاتلي لأ، كانت متخيلة إن
عمرنا طويل، بس مقعدناش مع بعض غير ساعة ولما رجعت البيت
رجعتها وفتتها على الساعة دي.

وضع جابير يده على رأس فؤاد الراقد أمامه وطبطب عليه وقال له:

- معلىش العمر لسه قدامك طويل لو هي عايشة دلوقتي هتطلب منك
تعيش حياتك وماتعملش كده في نفسك.

حاول فؤاد أن يعدل ظهره قليلاً، ونظر إلى جابير وقال له:

- هو أنت ماينفعش تخليني اشوفها؟

فرد جابير وعيناه متسعتان حتى آخرهما:

- لأ يا فؤاد ماينفعش تقول كده حرام عليك.

- أنا نفسي اشوفها اوي.

- معلىش استحمل بس ماتخشش في الأموات ربنا يرعل منك.

- هو أنت اسمك ايه اسمك الحقيقي ايه؟

استغرب جابير من السؤال وابتسم قليلاً وهو ينظر إلى فؤاد قائلاً:

- جابير رقيم الأشعم.

- عاشت الأسامي هو انتوا بتعيشوا ازاي في عالم الجن؟ الحياة شكلها

عامل ازاي؟

استطرد فؤاد يحكي لجابير عن عالم الجن، فأصاب فؤاد ذهول شديد وهو
يستمع إلى ذلك العالم الذي كان سبباً في إيدائه.

- شقتك حلوة.

هكذا قالت آية لمحمد وهي معه في شقته، بينما وضع هو يده على كتفها وهي

تأمل مرآة في الصالة وقال لها:

- أنتي أحلى من أي شقة في الدنيا.

فابتسمت آية مكسوفة من كلام محمد، ونظرت في الأرض واحمر وجهها، ثم

عادت في النظر إليه، فوضع محمد يده على وجهها وقال لها:

- ايه ده أنتي بتكسفي؟!

- معلىش بقى أصلي بتكسف منك اوي.

- مني أنا! ليه طيب؟

وأخذ يتأمل جسمها في المرآة، ثم عاد ليتأمل عينها.

- علشان.. معرفش، علشان أنت زي القمر يعني.

ونظرت نظرة مطولة إلى عينيه تكسيها الرغبة الجارحة فيها، حينها شعر محمد

أنها له تماماً، فوضع إصبعه على شفاهها المفتوحة التي يتبخر منها الهواء؛ ليجعله

يشعر بأنه أتى من منطقة شديدة السخونة.

- تشربي؟

- اشرب ايه؟

- عندي كل حاجة.

ظهر أشتان وسونه من الفراغ أمام جابير وفؤاد في المستشفى، كان سونه يحمل قماشة مثلثة الشكل تأخذ شكل السمبوكسه، لونها أحمر قرمزي، أعطاها لجابير وقال له

- ريجتها هنا، لقيتها في عيادة الدكتور.

جابير:

- ازاي في عيادة الدكتور! هو العمل ده معموله ولا معمول لها!

سونه:

- معرفش بس ريجتها وريجته هنا.

كان فؤاد يراقب الموقف ولا يفهم أي شيء، فتح جابير القماشة المبططة، وأخذ يفتح فيها ويفردها حتى أخرج منها ريشة حمامة بيضاء مكسورة ومكسوه بالدم ومكتوب عليها أشياء غير واضحة.

جابير:

- أنا مش عارف اقري اللي مكتوب.

أشتان:

- هات أما اقراه.

أخذ أشتان الجناح المكسو بالدم، وأخذ يقرأ ما هو مكتوب عليه.

أشتان:

- العمل مقلوب، العمل ده مفروض كان يتعمل للواد إنه يحب البت

بس اللي كتبه، كتبه غلط، كتب اسم الوله بالعدل واسم البنيت

بالمقلوب مفروض يبقى العكس.

جابر:

- مش هتفرق هاتوا بقى أما نحرقه.

سونه:

- طب تعالى نحرقه بره.

فؤاد:

- طب ماتحرقوه هنا، ايه اللي هيطلعكوا بره!

جابر:

- لازم العمل يتحرق في خلا عشان الدخان بتاعه مايجتمعش مع

بعضه تاني.

- أنا أصلاً مبشربش بس عشانك يعني..

قالت آية وهي تجلس على السرير ويدها كوباية ويتأملها محمد وهو واقف

بجوار تراييزه يسند ظهره عليها لم يتأمل جمالها فقط، بل أخذته عيناه إلى كل

جزء في جسدها، إلى صدرها الكبير الذي أخذ يتخيل كيف شكله، ثم لاحظت

آية تأمله لها، فرجعت بظهرها قليلاً على السرير لتجعله يستمتع في التفحص في

جسدها، ثم قال:

- أنتي فظيعة، أنا شفت كثير وقليل وما شفتش كده!

شعرت آية بالخضة لثانية لذكره نساء أخريات، لكنها تناست ما قاله

وبدأت تسترسل في النظر إليه بدون أدب.

كانت الجنينة سوداء تماماً، ظهرت النار لجابر على يمينه كان أضاءها له

سونه وعدل جسمه ليمسكها بيده اليسرى ويحرق بها العمل الموجود في يده

اليمنى، حينها ارتفع عن الأرض وشعر بمخالب قوية تمسك فيه، ثم استمع إلى

أصوات سونه وأشتان يتمتان بكلام لم يفهمه واستمع بعدها إلى صوت فهمه

وعرف أنه سمعه من قبل.

- قلتك هتلعب معايا يبقى هتلعب بطريقتي، أتكلم عربي أحسن من

كده ايه؟

كان العمل الموجود في يده اليمنى هو أهم شيء بالنسبة له وكان يحاول النظر

إليه، لكن الحارس كان يحول رأسه ناحية الأمام ليراه، ثم ظهرت عيناه الحمراء

من الفراغ وأصبحت مباشرة في وجه جابر.

- ايه مبتسمعش الكلام ليه؟

ثم سمع صوتاً آخر:

- أنت قلبك جامد اوي كده!

حينها وجد الجني الذي يمسك جابر نفسه يرجع إلى الخلف، وأفلت جابر

من يديه ووقع العمل منه، وأخذ يبحث عنه حتى سمع صوت سونه:

- اجري اجري دلوقتي.

أخذ جابر يتحسس الأرض بحثاً عن العمل وقال:

- ايه!!

لكن الحارس حك معصميه الذين يلتف حولهم الحديد وبداخلهم،

فأصدروا شرارة كبيرة في الجنينة استطاع جابر أن يرى من خلالها العمل

وأخذه وجرى، ولكنهم كانوا خلفه، وخبأة وجد نفسه معلقًا في الهواء لا يعلم من
يمسكه، ثم سمع صوت الجنى الذي يمسكه:

- معاك عفريتين ياله همرقهملك قدامك.

ثم قال:

- يا سرقط مسكتهم؟

سرقط:

- مش لاتي ياخزيم حد! اختفوا.

وكان جابير معلقًا في الهواء، وبدأ يشعر بأنه مقبوض عليه من وسطه، ثم
وجد نفسه يلف في الهواء ليكون في وجه خزيم وأضاءت عيناه الحمراء مجددًا،
ثم قال لجابير الذي يقبض على العمل بكل قوته:

- هوتك

ورفع يده ليمسك رقبة جابير.

- يالهوي أنتي جميلة اوي!

قالها محمد وهو يجلس بجوار آية على السرير ويتأمل شفاهها، ووضع يده
مجددًا على وجهها واقترب منها، وبدأت شفاهه تلمس شفاهها ووضع يده في
طرحتها كي يفكها لها، حينها وضعت آية يدها على طرحتها كي تفكها لنفسها، بينما
اقترب محمد من صدر آية بيده وقبض عليه فقالت له:

- بالراحة.

حك سرقط الحديدتين الذين تطوقان ذراعه، فأضاءت نازًا قوية، اقترب

جابير بيده اليمنى ناحية تلك النار فلامست النار الريشة فاحترقت.

حينها قال جابير:

- اللهم حررنا من الأسر، اللهم حررنا من الأسر، اللهم حررنا من الأسر.

واحترقت الريشة كلها وسقطت على الأرض حينها ضحك خزيم وسرقط

بأعلى صوتهم على جابير، بينما قرب سرقط الحديدة من وجه جابير وجعلها

تلامس وجنته اليمنى فتألم جابير بشدة.

ابتعدت آية بشفافها عن شفاهه وبكل قوتها ضربته بالقلم على وجهه

وقالت صارخة:

- أنت أهبل ياله، أنت مش عارف أنا منين؟

- وقامت من على السرير وبدأت تعدل في طرحتها، لكنه قام خلفها

وقبض عليها من الخلف بقوة، ثم خبأة وجد أمامه أشتان وسونه

يظهران من العدم فعاد على السرير وأغمى عليه، بينما تأملت هما آية، لا

تفهم شيئًا.

سونه:

- أنتي مش آية؟

آية:

- أيوه يا بني.

سونه:

- طب الحقني جابير في حراس ماسكينه وعازين يموتوه وهو نده اسمك

فجينا نجيبك.

آية:

- فين؟

أشتان:

- في جنينة المستشفى تعالي معانا واحنا هنشيلك.

فتحوا الشباك الموجود في غرفة النوم، ووقفت آية في المنتصف وعلي يمينها سونه يربط بيده على وسطها، بينما تضع هي يدها على كتفه ومن الناحية الأخرى أشتان القزم يطوقها بذراعه، لكنها لا تطول كتفه خرجوا من الشباك وطاروا في السماء. آية تطير فوق البيوت غير مستوعبة جمال المنظر من فوق، ثم قال لها أشتان:

- ماتبصيش تحت رجلك.

آية:

- أنا حاسة إني هقع.

سونه:

- ماتخافيش.

آية وهي تنظر إلى أشتان:

- أنا أسفة يا صغير أنت، مش عارفه اسمك.

سونه:

- اسمه أشتان.

آية:

- أسفة يا أشتان، أنا طلع كان معمولي عمل بجد.

وصلوا إلى جنينة المستشفى وكان جابير يتقلب على الأرض ينزف دما من

أماكن كثيرة في جسمه، نزلت آية ووقفت على رجلها وكانت في اتجاه جابير، لكن سونه قال لها:

- لسه واقفين كميهم.

فنظرت آية إلى الهواء وسرقت نظرة إلى جابير الذي يتألم، ثم عادت للنظر في الهواء وقالت:

- أنا آية الشرقاوي المحامية مسجلة في البهو الضيراني لعام 2010، يعني محامية تحت لو ماسبتوش الإنسي ده، أنا مش هسيبكم وهوديكموا في داهيه.

حينها ظهرت عين خزيم الحمراء قبل أن يظهر جسده وقال:

- ده ساحر يا شاطرة تخصصنا مينفعش نسيبه يأذي الناس، لازم نعاقبه.

آية بفزع:

- لأ حضرتك ده مش ساحر، ده جن طيار وعليه عقوبه بينفذها في جسم إنسان.

تمم سونه بسرعة:

- ماتقوليلوش.

حينها بدأ خزيم في اللف حول جسد جابير:

- أنا سمعت كده بردوا، بس مقدرتش اعرف هو فين، أنا بموت في الطيارين.

وضحك هو وسرقت ونظر على جسد جابير الذي ينزف كثيرا من الدماء

وبه عدة حروق، وقال:

- يعني كده كده جايلي في الآخر وماله شكرا يا أستاذة على المعلومة القيمة دي.

ونظر إلى الهلال الموجود في السماء، وقال:

- قالولي إنك هتبقى ملكي لما القمر يكتمل، معدش كثير.

واختفوا من أمامهم ونزلت آية مسرعة إلى جسد جابير الذي ينزف كثيرا من الدماء وأخذوه إلى داخل المستشفى؛ ليعالجوه وقاموا بتضميد جروحه وانتهى الأمر به يجلس في غرفة واحدة مع فؤاد وذلك بعد إلحاح من آية على الدكتور، وقام الدكتور بنقلهم إلى غرفة واحدة أكبر حجماً تسعهم معاً.

منظر جابير وهو نائم على السرير ويغطي جسمه كم كبير من الضمادات لتغطية الحروق والجروح يوحى بالخوف الشديد، أصاب الخوف فؤاد عندما رآهم وهم يضعونه على السرير، وأصاب الخوف أيضاً شياء عندما أتت لتجد الشيخ مصطفى في تلك الحالة، وأخذت تدعي له بالشفاء، وكان جابير أو مصطفى فاقدًا للوعي تمامًا، ولكن أشتان أحضر عددًا كبيرًا من اللبخات ليضعها حول جسمه لتخفف له آلام الحروق، فتلك اللبخات كانت متوفرة بكثرة في عالم الجن؛ لأن الحراس دائمًا ما يحرقون الجن بالنار عندما يقبضون عليهم ويستطيعون إشعال نازًا كبيرة، ويقذفون الجن بها لتصيبهم وتحرقهم وتجعلهم غير قادرين على الحركة.

فتح جابير عينًا واحدة فكانت الأخرى محروقة ومربوط عليها شاش ليغطيها ليجد أمامه آية تجلس على الكرسي المجاور لسريره، ابتسمت آية عندما فتح عينه وقالت له وهي تضع يدها على يد كانت غير مربوطة وموضوعة على بطنه:

- حمدًا لله على السلامة.

- الله يسلمك.

نظر سمير زوج شياء الواقف في آخر الغرفة إلى قبض آية على يد جابير، وحرك فمه وعينيه متهمكًا على آية، ثم قالت زوجته التي كانت تجلس على كرسي بجوار سرر أخيها ووقفت عندما سمعت آية:

- حمدًا لله على السلامة يا شيخ مصطفى.

حينها لف جابير حدقة عينه في كل الاتجاهات لتتسع حجم الغرفة وكل من فيها فشاهد سمير وشيلاء، ثم حرك رقبته ليجد فؤاد يجلس على السرير المجاور له ينظر له ويبدو أنه بدأ يحرك ظهره قليلًا:

- حمدًا لله على السلامة.

قالها فؤاد مبتسمًا:

- الله يسلمك يا فؤاد، الله يسلمك.

والأخيرة كانت لأخت فؤاد.

ثم لاحظ سمير يتكلم بعد أن نظرت له زوجته:

- حمدًا لله على السلامة يا باشا.

فتحول نظره إليه وقال:

- الله يسلمك.

اقتربت شياء منه ووقفت على حافة السرير قائلة:

- أنا عارفة إن هما كانوا كثير وأنت حرقتم كلهم، ربنا يباركك يا شيخ والله.

عاد جابير برأسه للخلف ووجد يد آية ما زالت تقبض على يديه، ونظر إلى عينها مباشرة فوجدها تقول:

- أنا آسفة علشان فهمت غلط.

- ولا يهملك، أهم حاجة أنتي حسيتي بتغيير؟

- كان شبشب والله.

- بس أنتي اللي عاملهوله؟

حرّكت رأسها بالنفي:

- لأ ما اصحابك قالولي.

ولم ترد أن تذكر أسماءهم أو الإشارة إليهم.

- ستي تقرينا اللي كانت عاملاه، مش عارفه عملته ليه يعني ياله أهو

ربنا رحمها، ميجوزش على الميت غير الرحمة.

حينها فتح الباب دون تخبيط وكان وجهها لشابٍ أسمر في منتصف الثلاثينات

وكان داخلاً إلى الغرفة، لكنه عاد خطوة وقال وهو يتفحص كل من في الغرفة:

- هي دي مش اوضه سعيد رواش؟

فردت آية وكان حينها يتفحص جابير المثلث:

- لأ.. اللي كان هنا خرج امبارح.

ظل الشاب يتفحص جابير بعينه، ثم أتى صوت سمير من الخلف:

- مش موجود في الاوضه دي باريس.

فعاد بظهره إلى الخلف قائلاً:

- خلاص ماشي.

وخطف نظرة سريعة على كل من بالغرفة وخرج، قالت آية لجابير برقة كأنها

شيء وتتحدث إلى فؤاد:

- أجبلك تاكل؟

- مش قادر.

ثم قال بصوتٍ ضعيف:

- احنا هنعمل ايه معدش إلا خمس ايام!

فنظرت إليه آية نظرة مطولة وقبضت على يده بقوة أكثر قائلة:

- ماتخافش إن شاء الله هنتحل، واديك جنبه أهو وهتفضلوا مع

بعض اليوم كله.

خبطتان على الباب، ثم تفتح ممرضة سميئة، بدلة تمرىض لونها بامبي، وبها

خطوط زرقاء تقول:

- معدش إلا ربع ساعة على ميعاد الزيارة.

كلمتها شياء وهي تشير على جابير:

- ده لسه فايق دلوقتي.

- مينفعش يا مدام دي قوانين.

وخرجت من الغرفة.

- عايزك تجيلي بعد الزيارة.

قالها جابير لآية التي ردت قائلة:

- ازاى؟

- هما هيجبوكي.

- اه اصحابك، طب هما هيظهرولي فين؟

كانت آية تقترب بفمها بشدة كي يسمعها هو فقط.

- هما هاتلاقيم هنا دلوقتي لما يظهروا هبعتملك.

- طب أجبلك حاجة معايا؟

- لأ لأ.

نظر سمير إلى آية التي تجلس على الكرسي وجسدها كله ناحية الأمام في

اتجاه جابير وأخذ يتأملها وهي تتهامس معه وقال في سره:

- عليا النعمة شرشر.

انتهى ميعاد الزيارة وخرجوا تاركين جابير وفؤاد مع بعض ينامان على

ظهرهما وينظران إلى سقف الغرفة، ثم فجأة ظهر لهم سونه وأشتان من العدم،

اقتربا هم الاثنان من جابير.

سونه:

- حمدا لله على السلامة.

أشتان:

- حمدا لله على السلامة

جابير:

- يا جدعان أنا مكنتش بحج ايه كمية (حمدا لله على السلامة) دي،

ثم لف رأسه ناحية اليمين ليرى وجه فؤاد وقال له:

- على فكرة ده كان أفيه مفروض كنت تضحك.

وابتسم فؤاد ثم عاد جابير للنظر إلى سونه وأشتان وقال لهم:

- روحوا هاتولي ايه.

أشتان:

- هو احنا لسه هنشيلها ثاني دي ثقيلة اوي.

سونه:

- ياعم هنشيلها فين هنعديها من على السور بس ياللا ياعم.

ثم نظر إلى جابير وقال له:

- عايز حاجة ثاني؟

- لأ شكرا.

اختفوا من أمام جابير وساد الهدوء لبعض لحظات، ثم بدأ فؤاد يتكلم وهو

ينظر ناحية السقف:

- أنا عارف اد ايه أنا مقصر معاك، بس أنا والله مفيش في ايديا حاجة

أعملها، أنا حاولت كتير أفرد وشي وأضحك، وحاولت افكر أي حاجة

ضحكتني وبلاقي حياتي وظروفي في وشي بتقولي هتضحك على ايه،

بتربط قلبي وتخليني ما احسش، وكل ما افكر أعيط افكرهم وهما

بيقولولي عيط لما مراقي ماتت، عيط علشان الحزن ميتكتمش جواك

ومتعرفش تخرجه بعد كده تعرف إن أنا مرحتش دفنت مراقي ولا

خدت عزاه! كنت نايم نفس النومه اللي نايمها دي، عارف لولا

إن أنت طلعتلي في حياتي أنا مكنتش استحملت النومه دي تاني،
مكنتش كلت وشربت لحد مامت.

كان جابير ينظر إليه بصعوبة شديدة وهو يلف رقبتة ناحيته:

- حرام عليك يا فؤاد ماتقلش كده وتموت كافر علشان ايه يعني! يا
فؤاد أنا نفسي أساعدك مش علشان أساعد نفسي بس، والله نفسي
ترجع تاني كويس أنا كنت بستهون باللي الجن بيعملوه في الإنس، بس
معرفش إن هو بيسيب علامات كبيرة قوي كده.

- أنت عمرك اذيت إنسي يا جابير؟

- والله لأ، أنا كنت الحمد لله بساعد الإنس، وكنت بجيب الأعمال
اللي محدش بيعرف يجيبها.

- امال أنت ليه محكوم عليك؟

- ظلم، بس يعني ربنا بيحاسبني.

- بيحاسبك على ايه؟

- أنا مقتلتش الحاوي.

- الحاوي مين؟

- الإنسي اللي متهمني فيه، بس أنا كنت بشتغل مع واحد تاني واحنا
عندنا حرام نظهر لإنسي أو نديله قدراتنا بأي حال من الأحوال واللي
بيعمل كده بس الجن الكافر اللي بيعبد الشيطان، ودول بياخدوا
مقابل ظهورهم كفر، اللي بيطلعهم وبيخلوه يعمل حاجات كافرة
علشان يرضوا اللي هما بيعبدوه.

- طب ما أنت مسلم، ليه عملت كده؟!!

- أنا كنت بشتغل مع شيخ اسمه العلمي العلمي، ده كان بيفك الأعمال
اللي عملها الحاوي.

- اللي أنت متهم فيه؟

- اه بس العلمي قتل الحاوي، والحاوي ده الحراس كانوا بياخدوا منه
حاجات فاتهموني فيه.

- سؤال بقى والنبي، ايه بقى الحاجات دي اللي بتروح وتيجي بينكم؟
يعني أنت بتقبض ايه مثلاً؟

- بص، عالم الجن زي عالم الإنس في أكل وشرب، ودول مش ببلاش
في بيوت بتتبني تحت الأرض، في ناس بتشتغل في الفلك، في الطب
بتاخذ حق مابتعمله الجن بيدفعوا وياخدوا.

- ايه بقى بيدفعوا وياخدوا ايه؟

- عملة تديها لجني ينزل يشتري لنفسه بيت تحت الأرض، يجيب
عظم.

- أنتوا بتاكلوا عظم، طب والعظم ده بفلوس؟

- اه بس ما اسمهاش فلوس اسمها اعم.

- اعم!

- لأ.. اكسرها قول بعد الألف ياء ايعم.

- ودي مصنوعة من ايه دي؟!!

- ذهب شفاف جواه نار مابتطفيش.

- ودي بتساوي ايه دي؟

- بتساوي الحاجات اللي بتشترها، العضم، النار اللي بيتبني بيها احنا

- بنبني من النار لازم أي بيت أي حاجة النار تبقى من مكوناتها،

- تساوي العلاج، اللبخة، الدوا اللي هتشره، تساوي حاجات كثير.

- طب ما الحاجات دي ممكن تجيبها من عندنا وبسعر رخيص

- أوتأخدها ببلاش. بص، مفيش حاجة ببلاش علشان العضم ده أنت

- متخيله رخيص هومش العضم كله بيقتي عضم جمائس وخرقان ده

- ببلاش أصلاً العفريت الترابي بيطلع يعيش على الأرض علشان

- ياكل عضم من ده ببلاش بس في عضم صقر، عضم نسر، عضم النعام،

- في عظام أسود دا أعلى عضم متوفر، في حاجات تانية مش موجودة

- أنت

- ماتسمعش عنها.

- عظم تنين مثلاً.

- مشكلتك إن أنت بتقفي وما بتضحكش، في عظم نورس تسمع عنه؟

- اه.

- ده أعلى أكل العضم، وفي الروث مخلفات الحيوانات.

- ايه القرف ده!

- ياعم ماتعملناش فيها من جاردن سيبي بقي، أنت كنت عايش في

دار السلام.

- روث يا جابير!

- ياعم أنا مباككوش بس بيتاكل.

- طب اللي أنت كنت بتشتغل معاه ده كان بيديك بقي ايعم؟

- اه.

- وده حرام؟

- ممنوع، مينفعش جني يشتغل مع الإنس، أنا طيار مثلاً أروح أجيب

- عضم صقر وابعه واكسب، بس أنا استسهلت إن أنا أجيب أعمال،

- وربنا بيعاقبني أهو.

- طب والرجل اللي أنت كنت شغال معاه ده لسه صاحبه؟

- العلمي لأ، الله يرحمه ميت من مدة.

- فُتح باب الغرفة ووجدوا آية تدخل، ثم يغلق الباب وحده وظهر سونه

- وأشتان في الغرفة.

- سونه:

- جنبها لك اهيه ياعم.

- ابتم جابير لرؤية آية التي جلست بعد أن سلمت عليهم، ووضعت

- الكرسي في المنتصف بين السريرين ليكون وجهها مقابلاً لهما جابير على يمينها

- وفؤاد على يسارها، أما سونه وأشتان فكانوا يقفوا خلفها.

- نظرت آية إلى فؤاد وقالت له:

- ايه مش ناوي تضحك؟ لو مضحككش أنا هاكلك علقه وأنت

مربوط كده مخليك ما تبطلش عياط.

ابتسامه فؤاد دائمة غير معبرة ولا تعبر عن أي سعادة خلفها.

سونه:

- والله كان زماني قمت بيه من زمان.

- آية وهي تضع يدها في شنتها لتخرج الموبيل:

- طيب.

ثم أخرجت الموبيل ونظرت إلى فؤاد الذي يحدق في وجهها بقوة جعلتها ترتبك وتعدل من طرحتها وتوتر قليلاً، لكنها نظرت في الموبيل مسرعة وقالت:

- بص، شوية نكت بقي لو ما ضحككش هعورك.

- ذهب أشتان وسونه ناحية فؤاد وجابير ليقفوا بجوارهم كي يروا آية التي

ستقرأ نكتها لفؤاد، لكنها كانت تشعر بتوتر لنظرات فؤاد لها، وكانت

تباعد بين النظر له وبين النظر للموبيل.

- اسمع دي:

بيقولك العالم كله بيعمل ثورات، ولبنان بتعمل استار اكاديمي.

ثم نظرت إلى فؤاد بعد النكتة، ووجدته يبتسم بمجاملة دون ضحك وتركيزه

الأكبر مع وجهها مما جعلها تعدل الطرح مجددًا.

سونه:

- آية كلي النكتة.

آية:

- أكمل ايه يا بني خلصت.

أشتان:

- طب دي فيها ايه بيضحك؟!

آية:

- طب ماتوجعلناش في دماغنا في غيرها اسمع دي.

لاحظ جابير النائم على السرير توتر آية الزائد مع تركيز فؤاد عليها ونظر إليها

ونظر إلى فؤاد، ثم قالت:

- حسني مبارك هي مفروض إنها اتعملت قبل الثورة ماتخلص

جابير:

- اخلصي

آية:

- اهدي.

ثم أكملت:

- حسني مبارك بيكلم أحمد شفيق قاله: حولت الفلوس كلها بره؟ قاله:

حصل ياريس. وبعث الأراضي؟ حصل ياريس. وهربت المجوهرات؟

حصل ياريس. قاله طب ودي المسامين السعودية والمسيحين امريكا

واقفل وتعالى.

عندما انتهت من النكتة رفعت رأسها لترى تعابير وجه فؤاد ولاحظت أنه

يبتسم ابتسامه متصنعة، لكنه ما زال يتأمل ملاحظها بدقة.

سونه:

- على فكرة نكتك كلها حمضانه.

قال فؤاد وهو ينظر إلى آية:

- اقولك أنا نكتة؟

فحركت آية رأسها بالموافقة، ووجه جابير نظره إليه وقال فؤاد:

- كان في واحد عنده ديك كل يوم الصبح الساعة 7 يصحيه، ويقولوا

كوكو كوكو، فجيء يوم الديك ماصحاش صاحبه، فقام صاحبه واخده

للساعاتي وقاله عايزك تصلحلي الديك ده علشان ماصحانيش النهاردة،

فالسعاتي قال الرجل ده مجنون ولا ايه، وقام واخده منه وقاله ماشي

وبعدين دبجه وكله وخاد العضم بتاعه ربطه وعلقه قدامه، كل لما

يجيله صاحب الديك الساعاتي يشاور على العضم، ويقولو والله فكه

وشغال فيه اهو.

ضحكوا جميعًا ولم يتبق إلا فؤاد مبتسمًا، ينظر إلى وجه آية التي ظلت تضع

يدها على طرحتها وتنزلها لتعدلها.

جابير:

- مابتضحكش ليه ياعم، طب أعملك ايه طيب؟

نظرت إليه آية وقالت:

- احنا لازم نضربه علشان يعيط ونريح دماغنا.

فقال لها فؤاد:

- أنت شبه شياأ أختي.

فرفعت آية حواجبها مستغربة تستعرض جمالها الفائق وجسمها الرياضي

أمام جمال شياأ الباهت ونحافتها الشديدة، وقالت:

- ازاي يعني مش حاسة بكده!

أكمل فؤاد:

- مش عارف بس عندي إحساس بكدا.

جابير:

- ياعم هو أنت بتحس! أنت مابتحسش.

فنظرت آية إليه وهي تبرق كي يتوقف، وكان جابير يتكلم على سبيل المزاح،

لكن الكلام أصاب شيئًا في فؤاد الذي قال:

- ياعم أنا أعمل ايه يعني هو بايدي.

سونه:

مش قصده يافؤش، الطيار بهزر معاك.

لف جابير رقبته بقوة كي ينظر إلى فؤاد:

- اوعى تزعل.

فؤاد:

- لأ ياعم أنا أزعل من ايه بس، أنا والله ما في حاجة بايدي.

آية:

- ولا في حاجة في ايدينا ياعم، كل حاجة بايد ربنا.

استمر الحديث بينهم، يبحثون عن أي شيء يضحك فؤاد أو يُبكيه، ولكن

دون أي أمل، ولكن النظرات التي جمعت بين فؤاد وآية كانت مسار اهتمام

لكل الجالسين، فسونه وأشتان استغربوا الكسوف الذي يظهر على وجه تلك

المحامية التي تعمل فوق وتحت، وجابير شعر ولو ببصيص أمل أنه من الممكن

أن يعود قلب فؤاد يشعر من جديد على يد آية. أما آية فلم تعرف ما حدث لها. لماذا ارتابت من نظرات فؤاد رغم أنها لم ترى شيء فيه قبل اليوم وكانت قابلته عدة مرات، ولكن ما حدث لآية من نظرات طبيعية من فؤاد لم يقصد بها أي شيء هو أنها بدأت ترى رجالاً آخرين في الحياة، فعيناها لم تكن ترى في الحياة سوى رجل واحد هو محمد، أما الآن فتحرر قلبها وفكرها من الأسر التي كانت واقعة فيه، وأصبحت ترى رجالاً وأصبحت تشعر بالكسوف من نظرات الرجال التي تتابعها كما تشعر كل الفتيات، تحررت آية من أسرها وتبقى فؤاد الذي لا يعلم كيف سيعود من جديد للحياة، وكيف سيزال الغشاء من حول قلبه ليجعله يعيش إنساناً طبيعياً كما كان من قبل.

بوابة المستشفى الحديدية تودي بك إلى جنيحة ثم إلى مبنى المستشفى الداخلي، لا تستطيع المرور من البوابة الحديدية الأمامية؛ لأن بها أفراد أمن يسألونك إلى أين أنت ذاهب، وإذا لم تكن دكتور أو عامل بالمستشفى أو لم تكن في ميعاد الزيارة لن تستطيع الدخول بسهولة، ولكن ميكروباص مرّ كالطلقة من ذلك الباب جعل عمال الأمن يبعدون بسرعة من الباب خوفاً من أن يصابوا إذا اصطدم بهم، وصل حتى الباب الداخلي من المستشفى ونزل منه سبعة أشخاص يحملون بنادق آلية ومسدسات، أطلقوا النيران في الهواء فدوى لها صوتاً رهيباً أبعث كل من في المستشفى من أمامهم، اختفى كل الأشخاص تماماً وأصبح مدخل المستشفى كالعراء، دخلوا إلى الاستقبال وذهب أولهم إلى ذلك المكتب الرخامي الموجود في الاستقبال الذي من المفروض أن يجد خلفه أي شخص، وظل يقول وهو يخبط بيده عليه:

- فبين مصطفى العربي؟ فبين مصطفى العربي؟
- داخل غرفة مصطفى لم يستمعوا إلا لأصوات الرصاص المنتشر في الهواء، ولم يفهموا أي شيء، وطلبت آية من سونه أن يذهب ليعرف ما يوجد بالخارج وكان بالخارج هذا الشخص ما زال يهلل:

- فبين مصطفى العربي؟
- حتى نظر إلى شخص خلفه وقال له:

- هو قالك لقاء في اوضه كام؟

فرد عليه:

- مايه وواحد، متين وواحد، مائة، مائة واحد وعشرين، مش فاكر.
وأطلق الأول النار في سقف المستشفى ليتلف عددًا كبيرًا من المصابيح
وأخذ يصيح:

- انتوا يا عالم ياوسخه فين العربي؟

عاد سونه إلى الغرفة وأخبرهم بما يحدث في الخارج، وطلب منهم أن يقوموا
من سريرهم ليرحلوا، وجدوا صعوبة في ذلك، ولكنهم جعلوهم يقفوا بالعافية، آية
وأشتان يسندون فؤاد، وسونه يسند جابير.

بدأ السبعة أشخاص بتفتيش غرف المستشفى، يُكْتَبِرُونَ باب الغرف
بأرجلهم، ويدخلون إلى داخلها ليصيحوا في الناس ويسألوا عن مصطفى العربي.

- لازم نطلع من الشباك.

قالت آية.

حينها بدأوا بفتح الشباك، وقرروا أن يخرجوا، جابير أولاً، وأتي أشتان
وسونه ليقفوا بجواره، بينما كانت آية تمسك فؤاد وحدها، وقام سونه وأشتان
بحمل جابير ونزلوا به من شباك الغرفة الذي يؤدي إلى الجنيينة الأمامية التي
فيها الميكروباص، وتركوه في الجنيينة ووضعوه على الأرض بجوار الميكروباص،
ثم عادوا وأخذوا فؤاد وأنزلوه بجواره، حينها فتح أحد الأشخاص الغرفة ليجد
آية وحيدة تقف بجوار الشباك فتش الغرفة بعينه بحثًا عن مصطفى، ثم نظر إليها
وهي تنظر من الشباك فشك في شيء فذهب ناحية الشباك ونظر منه ليجد

خبط عند باب المستشفى نتيجة اصطدام ميكروباص به وهو داخل إليها،
وكان أول ما لاحظته ثم نظر تحت فوجد جابير وبجواره فؤاد بجوار الميكروباص.
أشار بالرشاش ناحيتهم وحاول ضرب نار، لكن آية أبعدت يده بقوة
فأصاب الرصاص الميكروباص، حينها ضربها هذا الشخص بيده على وجهها
وأبعدها عنه، ثم قال بصوت عالٍ:

- العربي هنا هو.

دخل عليه ثلاثة أشخاص ووجهوا أسلحتهم من الشباك، لكنهم وجدوا
الميكروباص الآخر يأتي ليقف بجوار فؤاد وجابير ونزل منه أربع أشخاص،
سحبوا جابير داخل الميكروباص وفتحوا عليهم النار ووجدت آية أحد
الأشخاص الواقفين في الغرفة معها يقع على الأرض من طلقات النار وتكومت
في ركن من الغرفة تبكي بشدة خائفة. واستمرت الطلقات النارية بين أربعة
من تحت يضربون النار على شباك غرفة جابير فدخل الواقفون بالشباك إلى
الغرفة لينتظروا قليلًا، ثم يعاودون الضرب من جديد، حينها قال أحدهم وهو
يشير على آية التي تبكي بشدة:

- البت دي معاهم.

ثم أتتهم الطلقات من تحت مجددًا لينبطحوا جميعًا على الأرض، بينما ذهب
أحدهم ليمسك بآية وجد نور الغرفة والطريقة المؤدية إليها ينطفئ، ولم يروا آية وهي
تظير في هواء الغرفة وتخرج من الباب، كان سونه وأشتان يحملونها وحاولوا
الخروج خلفها، لكن طلقات نارية جعلتهم ينبطحون جميعًا مجددًا.

نزل سونه وأشتان بآية حتى الجنيينة وأمسكوها من الجنب وجروا بها،

فجرت بسرعتهم حتى وصلت إلى باب الميكروباص وحينها قال جابير أنها معهم فأركبوها الميكروباص بجوار فؤاد على الكنبة الأخيرة التي ينام عليها، بينما ينام فؤاد على الكنبة التي تسبقها.

ركب الأربعة أشخاص الميكروباص بينما تحرك مسرعًا إلى الخارج ووجد جابير أحد الأشخاص يحضنه.

- مصطفى! أنت عايش! مصطفى! أنا قلت اخويه ماماتش، قتلهم الرجاله ما بتموتش.

وأخذ ينظر في عين جابير الواحدة غير المربوطة باحثًا بداخلها عن حنانه له، فاستغرب أخوه بشدة وقال له:

- أنا شاهين أخوك ياله، أنت نستني!

وأمسكه بيديه من كتفه بينما يتحرك الميكروباص بسرعة شديدة:

- نسيت أخوك شاهين!

وجابير لا يعرف ما يفعل، وفؤاد في الكنبة الخلفية يحاول بشدة أن يقوم من مكانه ليرى الموقف، وآية كانت توشك على الكلام، ولكن جابير حضن شاهين في لحظة وقال له:

- لأ.. أزيك يا اخويه؟

وحينها حضنه شاهين بقوة وأخذ يضربه على كتفه.

- مين اللي عمل فيك كده ياله؟ هموته هموتهم كلهم، مصطفى العربي مايتعملش فيه كده.

تحرك الميكروباص بسرعة جنونية وسط تركيز شديد لشاهين وباقي أصدقائه

في الطريق خوفًا من أي هجوم محتمل من الخلف ومن أي كمين يقابلهم ويجد معهم أسلحة حتى وصل إلى الطريق السريع، وحينها هدا جميع من بالميكروباص ماعدا السائق. أخذ شاهين يتوّد إلى أخيه ويسأله عن حاله وما حدث له، ثم وجد آية تقول له:

- هو تعبان دلوقتي، أحسن تسيبه.

فنظر إليها شاهين:

- طب وحضرتك مين؟ متعرفتش، أنتي دكتورة؟

حاول جابير حينها أن يحرك رأسه ليرتفع لأعلى؛ ليقول أي شيء وسط صمت آية، ثم قال:

- لأ دي معانا.

فقال شاهين وهو يباعد نظره بين آية وبين أخيه:

- طب وحضرتك مين يعني؟

فوجد فؤاد يتحرك بتعب شديد حتى عدل ظهره ونظر إلى مصطفى قائلاً:

- دي مراتي.

نظرت آية إلى فؤاد باستغراب جعل شاهين يشك، لكنها نظرت بعيدًا عن فؤاد؛ كي تبعد الشك عنها، ثم قال جابير وهو نائم:

- كنا قاعدين مع بعض في نفس الاوضه.

شاهين:

- طب نوديهم فين دول؟

فقالت آية مسرعة:

- وأصحاب مش هينفع نسيب مصطفى.

فنظر لها شاهين وحرك رأسه لأسفل:

- تنوروا يا أستاذة.

وصل الميكروباص إلى المنصورة بعد رحلة شاقّة استمرت لأكثر من ساعتين لولا وجود أشتان في الميكروباص واستخدامه للبخة في تسكين الآلام لما استطاع جابير وفؤاد أن يحملا تلك الرحلة. توقف الميكروباص أمام بيت قديم في أحد الأزقة القروية، ونزل منه شاهين شاهين العربي الأخ الأصغر لمصطفى أولاً، ثم نزل بعده باقي الرجال وبدأوا في مساعدة جابير وفؤاد على الدخول إلى داخل المنزل الذي كان في شارع عرضه لا يزيد عن ستة أمتار وكان مدخله بسلام عالية أتعبت جابير وفؤاد عند صعودها، ثم بوابة حديدية ومدخل واسع به كنبه خشبية قديمة، تجلس عليها سيدة عجوز ترتدي الأسود، من فوقها لمبة نورها أحمر، عندما التفتت ناحية جابير الذي دخل المنزل ومصطفى يعكزه، نظر جابير لها ومن الوهلة الأولى لمقلتها البيضاء اللتين لا تتحركان من مكانهما عرف أنها عمياء، لم يكن يعرف من هي وشعر بالخوف الشديد، ولكنها عندما اقتربت منهم دوى صوت شاهين:

- ابنك عايش يامه، مصطفى اهو يامه.

وكان جسد مصطفى مغلفاً بالأربطة الطبية، لكنها لم تكن تراه. اقتربت منه وهو في شدة الخوف وسمعها تقول مصطفى، وعندما وصلت إليه وهي تتعكز على الهواء وضعت يدها على جسمه وبدأت تتحسسه، ثم اقتربت بأنفها وأخذت تشم في ريحته وحصنته بقوة، وأخذت تقول بصوت مليء بالبكاء:

- كنت عازفه إنك عايش يا ضنايا.

وأخذت تقبل فيه، وتشم رائحته، وبدأ يحضنها كي لا ينكشف موقفه ومن

خلفه آية وفؤاد يشاهدان الموقف مستغربين تماماً.

فالأم الباكية لا تحضن ابنها؛ لأن ابنها مات وسيموت بعد أقل من أربعة

أيام مجدداً.

أخذت العجوز تشم رائحة ابنها وهي تبكي، نظر فؤاد إلى آية التي تسنده

وواقفة عن يمينه، فوجدها تبكي هي الأخرى.

قالت الأم:

- مين اللي عمل فيك كده يا بني؟ مين اللي عورك كده؟

ردّ شاهين بسرعة شديدة:

- هسلخهم كلهم مش مصطفى العربي اللي يتعمل فيه كده.

تحرك جابير متسنداً على أخيه وعلى أمه التي ما زالت تحضنته وتشم رائحته.

كان يتحرك بصعوبة شديدة بسبب الجروح المنتشرة في باطن قدمه وفي باقي

جسده كله. تحركوا إلى الغرف، جابير أخذوه إلى غرفة ووضعوه على السرير

وجلست أمه بجواره تتحسس كل جزء في جسده، وفؤاد آية أعطوهم غرفة

وحدهم بعد أن أغلقوها عليهم، ظهر لهم سونه وأشتان:

سونه:

- هنعمل ايه؟

كان فؤاد نائماً تماماً على السرير الوحيد الموجود بالغرفة، وكان يوجد كنبه

أخرى جلست عليها آية:

آية:

- العمل عمل ربنا.

أستان:

- على فكرة أمه دي كان نظرها ضعيف ولما اتحكم عليه بالإعدام فضلت تعيط عليه لحد ما اتعمت.

فؤاد:

- هو اتحكم عليه إعدام في ايه؟ شكلهم يعني طيبين!

آية:

- الناس كلها بتبان طيبة من بره.

ثم سكتت قليلاً وقالت:

- بكره نعرف.

ناموا جميعاً، وأتى النهار فتح جابير عينه في الغرفة التي ينام فيها فرأى نوراً يتسلل من خلف فتحة في الشباك، أضاء له وجه أم مصطفى التي تنام على الكرسي المجاور لسريره وتضع يدها على السرير.

عدل جابير نفسه بصعوبة على السرير وجعل ظهره لشباك السرير فشعرت الأم بحركته، فقالت وهي تحرك رأسها يساراً وتتحسس السرير بيدها:

- أنت صحيت يا مصطفى؟

ردّ عليها جابير بنفس الاسم الذي سمع شاهين يناديها به قائلاً:

- ايوه يامه

- اعملك تفطر يا عين امك؟

كان جابير يتأملها بينما تضع يدها على وجهه وجسده لتأمله هي الأخرى:

- مش دلوقتي.

- طب اجبلك تشرب يا حبيبي ولا اجبلك سيجاره من اخوك؟

- لأ شكراً.. أنا عايز اشوف الناس اللي جم معايا بس لو كانوا صحيوا.

- هناديهم لهم يا عين امك.

وقامت بصعوبة وهي تتحسس السرير والجدار الموجود بقرب السرير

لتذهب ناحية الباب، شعر جابير بضيق بالغ من تعبها وهي تتحرك ومن تعبها

على ابنها المفقود الذي من المفروض أن يحل محله.

استيقظت آية النائمة على الكنبه بعدما استمعت إلى وقع أقدام خارج
الغرفة وفتاة تتحدث إلى سيدة كبيرة، شعرت بأنه صوت الأم التي رأتها بالأمس
وكانت الفتاة تناديه بيامه أيضًا، ذهبت في اتجاه فؤاد النائم على السرير الذي لا
يفصله عن الكنبه إلا خطوتان، وجدته فاتحًا عينيه موجهاً نظره ناحية السقف
فشكت أنه مستيقظ، انتظرت منه أن ينظر إليها بعدما تحركت لكنه لم ينظر،
حرّكت يدها أمام عينه فلم تتحرك مقلته فجلست على السرير بجواره وبدأت
في وضع يدها على كتفه لتحركه وقالت له:

- فؤاد فؤاد.

وانتظرت قليلاً وظلّت تتابع مقلتيه الثابتتين، وأكملت قائلة:

- فؤاد.

فوجدته يرد عليها دون أن تتحرك مقلتيه في أي اتجاه.

- ايوه يا آية.

فركزت بشدة مع مقلتي عينيه الثابتتين وقالت:

- اصحى، أنت صاحي أصلاً؟

رفع فؤاد يده ليضعها على عينه، ثم رفعها من على عينه لتجده آية ينظر
إليها قائلاً:

- أنا دلوقتي صاحي عايراني اصحى ليه؟

- علشان نشوف هنعمل ايه.

صوت خبط على الباب ثم صوت الأم:

- يالي هنا.

فحاول فؤاد أن يعدل ظهره ويقوم من على السرير لكنه وجد صعوبة، فحرك

رأسه قليلاً للأمام لينظر إلى الباب، ثم وجد آية تقوم من مكانها وذهبت في اتجاه

الباب لتجد أمامها أم مصطفى العمياء.

قالت آية:

- ايوه يا حاجة.

- صباح الخير يا بنتي.

- صباح النور.

- لو انتوا صاحيين مصطفى عايز يشوفكم.

- حاضر يا حاجة.

عادت آية إلى الغرفة بعد أن أغلقت الباب وظلت تنادي على سونه

وأشتان حتى استيقظا، كان أحدهما تحت السرير والآخر في الدولاب وسندوا

فؤاد جميعاً وأخذوه حتى غرفة جابير.

جعلوا فؤاد ينام بجواره على السرير ففؤاد يشعر بإعياء شديد وألم في بطنه إذا

وقف، جلست آية على الكرسي التي جلست عليه الأم ووقف أشتان وسونه

يراقبون الباب.

آية:

- هنعمل ايه؟ هنمشي ازاي من هنا؟

جابير:

- هنمشي ليه؟

آية:

- هو ايه اللي هنمشي ليه! علشان مانموتش.

فؤاد:

- احنا لو طلعتنا بره هنموت.

آية:

- ولو فضلنا هنا ما جابير هيموت متبقي أقل من ثلاث ايام وبعدين

هيبقى خلاص.

جابير:

- طب هو أنا لو طلعت من هنا هعيش ازاي ما الحرس مش هيسبونني؟

نظرت آية إلى فؤاد وقالت:

- هو أنت مش ناوي تعمل أي حاجة؟

فؤاد:

- أعمل ايه؟

رفعت آية صوتها قليلاً وقالت:

- جابير بيموت قدامك تعمل أي حاجة تساعده.

جابير:

- خلاص يا آية.

كان فؤاد في شدة الحرج.

- لأمش خلاص أنت لازم تساعده وتعمل أي حاجة، حرك مشاعرك، اتصرف واضحك أو عيط لو معملتش كده هيفضل محبوس في الجسم ده والحرس هيجوا يجبوه ومش هيسبوه يعيش.
- نظر سونه إلى فؤاد ثم إلى جابير وقال:

- أنت لو مش هتعرف تفك السحر اللي عليك ده وروحك تبقى حرة من الجسد ده لازم تنزل تحت قبل ما مدتك تنتهي علشان هما مش هيسبوك تنزل تحت.

نظرت آية مجددًا إلى فؤاد الذي يفصلها جابير عنه قائلة:

- حاول يا فؤاد هيموت ومش هنعرف نخرج من هنا، حتى علشان ينزل تحت لازم تحرره.

فؤاد:

- هو أنا لو عملت كده هيعرف يخرج من اللي هو فيه ده وينزل تحت؟
- أشتان:

- لأ طبعًا.. لازم ينزل بالإنسي ده ويدو هلهم وياخد جنته.

جابير:

- الست دي ما صدقت لقيت ابنها هناخده منها!!

نظرت آية إليه وهي في قمة الغضب وعيناها متسعتان عن آخرهما:

- ايه فيه ايه! أنت كان الست دي ايه وبتاع ايه، وأنت مالك أنت بيهم! هتفضل قاعد هنا! ما الحرس كده كده هيعرفوا مكانك ويجيبوك

جابير:

- افرضي معرفوش وأنا كده كده لو نزلت تحت هاخذ 300 سنة، طب مافضل في النبي آدم ده وخلاص.

نظرت آية إلى فؤاد غاضبة، ثم عادت إلى جابير بنفس الوجه:

- لو نزلت تحت هترافع عنك تاني واحكي للقاضي اللي حصلك، وانك خدت جسم إنسان محكوم عليه بالإعدام والناس كلها كانت بتطارذك وإن أنت فعلاً مقتلتش الرجل، وهو هيخفلك الحكم لعشر سنين مش هتعرف تستحمل عشر سنين أنت ايه يعني.

نظر إليها جابير بغير رضا قائلاً:

- طب ماجبتليش ليه من الأول عشر سنين؟! سكتت آية وكان السؤال صفعها على وجهها وأخذت نفسها وقالت:
- علشان أنا كان معمولي عمل ومكنتش شايفة غير مصلحة نفسي، عايز تعاريني كان!

سكت جابير وحول نظره عنها.

أشتان:

- اداام كده ومفيش أمل يبقى أحسن حاجة إن أنت تنزل تحت من دلوقتي وتسلم نفسك وهي تيجي تترافع عنك وتاخذ عشر سنين. سونه وهو ينظر إلى فؤاد:

- أو إنك تضحك أو تعيط أو تحس باللي احنا فيه ده على الأقل.

سكت فؤاد قليلاً وقال وهو ينظر إلى الأمام:

- أو مكنتوش طلعتولي ليلة دخلتي وموتولي مراتي.

نظرت إليه آية بغضبٍ ورفعت صوتها ورفعت حواجبها لأعلى:

- هو حد في اللي قاعدين دول كان طلعلك؟!!

وضع جابير يديه لتبعد آية عن الاقتراب من فؤاد وقال:

- بس يا آية.

خبط باب الغرفة وفتح وكان أشتان وسونه ظاهرين أمام من فتح الباب،

فاختفيا بسرعة شديدة وخشي الآخرون أن يكون من فتح الباب رآهم لكنهم

وجدوا الأم تدخل إلى الغرفة:

- يا مصطفى أنا عملت الفطار، هتفطروا مع مصطفى ولا هتفطروا

لوحدم؟

فردت آية:

- هتفطر كلنا مع بعض.

الأم:

- طيب بالخنا.

ثم بدأت تتحسس الباب لتخرج من الغرفة.

آية وهي تنظر إلى جابير:

- احنا لازم نخرج من هنا في أقرب وقت، فاهم؟

جابير:

- ازاي دي نامت مكانك امبارح!

آية:

- بالليل لما كلهم يناموا.

قال سونه وهو مختفٍ:

- ممكن نطلع من الشباك ده.

آية:

- هتعرفوا تشيلونا احنا الثلاثة؟

أشتان وهو مختفٍ أيضاً:

- هجيب عربية وأحطها في حطة قريبة من هنا وناخدكوا واحد واحد

لحد العربية ونمشي كلنا.

جابير:

- امتي امتي؟

نظرت آية إلى جابير وقالت:

- بالليل لما يناموا هنجيلك هنا ونمشي كلنا.

* * * *

مر أول نهار عليهم، عرفوا فيه كل شيء عن مصطفى الذي صدم أحد أفراد

عائلة المسيري زوجته وهي تحمل ابنته بعربية فماتوا فدخل برشاش إلى على

العائلة كلها وهي في البيت، قتل منهم اثنين وأصاب الباقين إصابات بالغة فخكم

عليه بالإعدام والآن تلك العائلة تريد أن تنال منه.

اتصلت آية بشيء وطمأنتها على أخيها وأخبرتها أنهم مختبؤون وسيظهرون

بعد مدة، وحذر كل الأشخاص آية وفؤاد بعدم الخروج الآن حتى يدبر لهم طريقة للخروج بها من الحي.

وجدت آية أن عدم معرفة جابير بأسماء الأشخاص سيسبب مشكلة، فأخبرت أخيه وأمه أنه فاقد للذاكرة ويحاول التماشي معهم كي لا يخرجهم، لكنه في الأصل لا يتذكر أي شخص وذلك سهل على جابير الإحراج الذي يقع فيه لعدم معرفته لأفراد عائلته، ولكنهم بدأوا يحكون له كل شيء كي يتذكروهم من جديد.

أتى الليل الثاني وجلست آية وحدها في الغرفة مع فؤاد بينما ذهب سونه وأشتان ليدبروا سيارة.

جلست آية على الكنب لتعطي وجهها لفؤاد النائم على السرير.

آية:

- أنت بجدي يا فؤاد مش عارف تضحك أو تعيط؟

نظر لها فؤاد وقال:

- ساعات أسهل حاجة بنعملها بتبقى مستحيلة لبعض الناس.

آية:

- طب ماتحاول، اتعب شوية، فكر في أي حاجة ضحككتك، أي حاجة

عيطتك.

نظر فؤاد إلى السقف وقال:

- هو أنتي متخيلة إن أنا مش عايز ابقي كويس! ولا أنا من جوايا نفسي

الناس تفضل تقول عليا إن أنا أهبل!

آية:

- امال ايه اللي مانعك؟

فؤاد:

- معرفش.

ثم نظر إليها في عينها وقال:

- معنديش حاجة اقولهالك والله!

* * * *

كانت تتحسس كل جزء في جسده بيديها وهي تجلس على الكرسي المقابل له بينما يتأملها وهي تفعل ذلك.

- يعني أنت مش فاكرني يا ضنايا؟ مش فاكر امك؟!

استمر جابير في التحديق فيها، ثم بدأ يتذكر أمه الجنية التي لا تتشابه إطلاقاً مع تلك السيدة، فأمه لون جلدها أحمر تماماً لا تغطي الكثير منه مثلاً تغطي تلك السيدة جلدها، لكنها كانت تُذكره بأمه التي تركها طويلاً وعاد ليراها فقط قبل أن تموت وشعر بأنه مقصر في حقها وبكى عليها بعدما ماتت.

رد عليها جابير:

- معلش أصل اللي حصلي كثير اوي يامه.

- تقوم تنسى امك يا عين امك!

- معلش يا امه.

وضعت يدها على عينه الواحدة لتتحسسها فتذكر أمه وهي تتحسس عينه

الواحدة وهو صغير بعدما فقد الأخرى وتقول له أنها أجمل وأقوى عين في الدنيا وتطيب جراحه على فقدان عينه وتقول له أنه من الممكن أن يستعيدها عندما يكبر.

قالت الأم:

- نفسي ارجع اشوف تاني علشان اشوف عنيك يا ضنايا، عنيك اللي كانت بتشوفني وأنا في آخر الدنيا قبل أي حد.

قال جابير حينها في سره:

- لو رجعت طيار تاني هرجعك تشوفي بعينيكي، بس لو رجعتك تشوفي مش هتشوفي ابنك علشان أنا مش هبقى موجود.

ثم ردة عليها قائلاً:

- لو خفيت يامه هخذك لأكبر دكاترة يعالجوكي.

- إن شاء الله هتخف، بس مش هتعرف تخرج بره علشان الحكم اللي

عليك يا بني، خليك جنبي هنا وماتسبنيش ربنا يكرمك.

أخذ جابير يتأملها كثيراً بعد هذا الطلب، ثم وجد سونه يظهر أمامه ويشير له بيده، فأشار جابير على يد الأم الموضوعه على جسده، وأشار برأسه يمينا ويساراً رافضاً. استمر الليل في التقدم واستمر سونه في العودة له وكان جابير يشير له دائماً بالرفض؛ لأن يد السيدة كانت لا تفارق جسده ثم عاد في آخر الليل وحاولوا أن يحركوا يد السيدة من عليه، لكنها استيقظت وظلت تضع يدها على ابنها، وانتهت الليلة دون أن يستطيعوا الخروج.

أتي النهار الثاني وبدأ توتر آية يزداد لضيق الوقت وعدم قدرتهم على الخروج

بالأمس، تحدثت آية إلى أم مصطفى وطلبت منها أن تنام لترتاح بدلاً من النوم على كرسي بجوار ابنها، لكنها أخبرتها أنها لا تترتاح إلا هكذا، ودار بينهما حديثٌ طويلٌ سألت فيه أم مصطفى آية عن الطريقة التي تعرفت عليه فيها هي وزوجها، وكانت تقصد فؤاد وبدأت آية في اختلاق الحكايات وأخبرتها أنه كان يجلس مع زوجها في نفس الغرفة، ووجدوه فاقد للذاكرة فتعرفوا عليه وبدأوا يساعده وشكرتها أم مصطفى كثيراً على ما فعلته.

ذهبت آية إلى جابير وأخبرته بأنه لا مفر من الخروج الليلة مهما حدث، وعليه أن يخرج دون أن يعير أي انتباه لما خلفه، وأتى الليل ووجد جابير أم مصطفى بجواره تُذكره بأمه التي قصر في حقها يخشى أن يتركها ويهرب. فُتح الشباك الموجود في الغرفة فعرف أنه سونه، ثم فجأة وجد خزيم يجلس أمامه على السرير فارتعش خوفاً ونظر إلى السيدة، وعدل ظهره وأشار لخزيم بالخروج من الغرفة، ثم وجد خزيم يتحرك في الهواء ويقترب من أذنه ليتكلم فيها قائلاً:

- أنا عرفت أنت مين يا أشعم.

فنظر له جابير في عينيه الحمراء المفتوحتين عن آخرهما بكل قوة، ولم يستطيع أن ينطق ببنت شفة، وفجأة فُتح الباب بسرعة وكانت آية جاءت بعد أن أخبرها سونه، نظرت آية مباشرة إلى خزيم، بينما قالت أم مصطفى وهي تتحسس ابنها:

- في ايه؟

أشارت آية بيدها إلى خزيم وأخبرته بالخروج من المكان.

تكلم خزيم في أذن جابير قائلاً:

- أنا سمعت عنك كثير بس ماتخيلتش إن انا اللي همسكك، معدلكش كثير، بكرة زي دلوقتي هتبقى بتاعي وهجيب كل الحرس اللي حرقتم وهما بييجروا وراك علشان يتشفوا فيك.

أشارت آية بيدها مجددًا إلى خزيم ليخرج من الغرفة، بينما قالت أم مصطفى:
- يا مصطفى، أنت صحيت؟

حينها اختفى خزيم وذهبت آية لتغلق الشباك خلفه، وسمعت جابير يقول:
- ايوه يا امه أنا صاحي.

- أجبلك حاجة يا ضنايا؟

- لأ يامه شكرا.

كانت آية حينها تقف على الطرف الآخر من السرير تراقب جابير وهو يتحدث إلى أم مصطفى التي تضع يدها على يديه، ثم رفعت آية يديها في الهواء، وأخذت تشير إلى جابير برأسها بأنها تريد إجابة، ثم أشارت ناحية الشباك بيديها بأنها تريد الخروج من هنا، فأشار جابير على يد أم مصطفى التي تحتضن يديه وحرك رأسه هو الآخر كأنه يبحث عن إجابة.

قالت أم مصطفى:

- هو الشباك مفتوح ولا مقفول يا مصطفى؟

وقامت من مكانها تتحسس السرير لكي تذهب ناحيتها فقال جابير مسرعًا
- مقفول، مقفول يامه.

فعدت مجددًا للجلوس مكانها بينما تنظر آية إلى جابير بكل قوة، ثم ذهبت إلى الناحية الأخرى من السرير واقتربت من أذنه وقالت له:

- النهاردة هخليهم يجوا يشيلوك، النهاردة.
قالت أم مصطفى:

- بتقول حاجة يا مصطفى؟

نظر إليها وقال:

- لأ يامه.

ثم عاد بالنظر إلى آية وأشار برأسه بالموافقة فتسحبت آية وخرجت من الغرفة وأغلقت الباب:

- هي ايه يا مصطفى أصوات القفل والفتح دي، فيه حاجة يا حبيبو؟
- لأ يامه.

- طب أنت ما بتمش ليه يا ضنايا؟ ايه اللي قلقك؟
نظر إليها جابير وقال:

- مفيش يامه.

فقبضت بيدها اليمنى على يده اليمنى وقالت:

- ماتسبنيش تاني يا بني والنبي.

فنظر إليها مصطفى وقال:

- حاضر.

* * * *

فتحت آية شباك الغرفة وقالت لسونه:

- ودونا احنا الأول عند العربية وسيبونا فيها وبعدين ارجعوا هاتوه

ماشي؟

سونه:

- حاضر.

آية:

- لو مارضاش بچي شدوه غصب عنه.

سونه:

- خلاص ماشي هنودي مين الأول؟

آية:

- ودوني أنا الأول وبعدين تعالوا هاتوا فؤاد علشان أعرف ادخله في

العربية.

أشتان:

- ماشي.

كانت آية تقف في منتصف الطريق بين السرير والكنبة، فتحت ذراعها

وأتى سونه في ناحية اليمين وأشتان في اليسار ورفعوها عاليًا وقالت وهي خارجة

من الغرفة لفؤاد:

- ماتقلقش هيجولك دلوقتي.

* * * *

- فاكر أخوك حسين يا مصطفى؟

قالت أم مصطفى.

استغربها مصطفى ولم يعرف ماذا يقول فأكلت قائلة:

- هو أنت فاقد الذاكرة اوي كده؟

- معلش يامه.

- ولا يهملك يا عين امك.

- فكريني بيه والنبي.

أكلت الأم كلامها:

- أخوك حسين كان تحتك بسنة، الله يرحمه. مات وانتوا في ثانوي لما

رحتوا رحلة راس البر مع المدرسة وغرق.

وبدأت في البكاء ومسحت دموعها بكم جلبابها.

- كنتوا روح واحدة. فضلت تعيط شهر بعد ما مات.

ظهر سونه وأشتان على يسار جابير

سونه في أذن جابير.

- ياللا

التفت جابير إليه ثم إلى أم مصطفى التي تبكي. ثم عاد إلى سونه قائلاً:

- مش هينفع.

فرجع سونه حاجبه قائلاً

- هتيجي بالهداوة لاما هنشذك

فتح أشتان الشباك فأصعبه الهواء وهو يفتحه. فأصدر صوتًا جعل أم

مصطفى تقوم من مكانها قائلة:

- هو ايه حكاية الشباك ده؟!

وبدأت تتحسس السرير.

نظر سونه إلى جابير قائلاً:

- ياللا، لاما هتيجي بالعافية.

جابير:

- مش جاي.

نظر سونه إلى أشتان فذهب أشتان الناحية الأخرى من السرير وقاموا برفع

جابير من على السرير فأخذ يقاوم بشدة مما أصدر صوتاً.

فعدت أم مصطفى إلى السرير:

- ايه يا مصطفى في ايه؟!

وأخذت تتحسس السرير فلم تجده عليه وأخذت تنادي:

- يا مصطفى، أنت روحت فين يا مصطفى؟ يا مصطفى.

وتحركت بسرعة تجاه الناحية الأخرى من السرير، فاصطدمت برجل السرير

فوقعت على الأرض وأخذت تنادي على مصطفى.

عندما خرج جابير من الشباك معهم بدأ يصرخ فيهم وهو في الهواء.

- رجعوني رجعوني.

وبدأ يحاول أن يفلت منهم، لكنهم أحكوا قبضتهم عليه حتى أوصلوه

للسيارة، وأنزلوه أمامها فوجدته آية متعصباً، فنظرت له بينما هو مسنود على

سونه وأشتان وقالت:

- أنت عايز ايه؟ عايز تموت!

جابير:

- رجعوني.

آية:

- بقولك ايه أنا مش ناقصة جنان، الواد ده كده كده ميت، لو رجعت

هتتعد مع ابنها يوم وهيموت علشان الحراس هيجوا يموتوك ولو

خادوك منها ممكن يشرحوا جنتك في البيت عايز ايه، بص في السماء.

نظر جابير إلى السماء فوجد القمر قارب الاكتمال تماماً:

أكملت آية:

- معدلكش إلا بكرة وبعدين هيجوا ياخدوك، عايز تقضي آخر يوم

عندها نرجعك.

لم ينطق جابير ببنت شفة ودخل إلى السيارة التي قادها سونه وأشتان،

وآية تجلس بجوارهم في الأمام، بينما يجلس جابير في الخلف متحاملاً على آلامه.

وبجواره فؤاد هو الآخر يضع يده على بطنه التي يشعر بأن فيها نازاً.

جابير:

- مكنش مفروض امشي.

نظر إليه فؤاد قائلاً:

- لو فضلت هنا هتموت.

نظر إليه جابير نظرة مطولة يشكيه فيها فؤاد لنفسه فهو السبب في كل هذا.

شعر فؤاد بأن تلك نظرة تأنيب، فرد قائلاً:

- ياعم أنا مش بايديا حاجة والله، أنا نفسي أساعدك، ربنا يعلم أنا

استجاءتلك اد ايه بس اعمل.

كانت السيارة تلف من ملف ثم انهالت الطلقات النارية على السيارة، فزاد الجن سرعتها بينما انبطح الجميع بصعوبة في تلك السيارة الصغيرة، واستمروا في الجري بالسيارة وطلقات النار تأتي بقوة من خلفهم وتصيب السيارة، ثم فجأة شعروا بأن الطلقات لم تعد تصيب السيارة مع أنهم يستمعون إليها ومضاعفة، استمرت السيارة في الحركة حتى ابتعدوا تمامًا عن إطلاق النار ونظرت آية بعينها إلى الكنب الخلفية فوجدت فؤاد ملقن بقوة ناحية اليسار فاقدًا توازنه، فسألته:

- في ايه؟

فأخبرها:

- بطني، ألم فظيع.

- جاتلك حاجة فيه.

- لأ.

ثم نظرت ناحية جابير الذي يجلس بشكل معتدل على الكرسي وينظر ناحيتها فسألته:

- في حاجة؟

فلم يرد.

ثم وجدت سونه يظهر من خلفه بعد توقف السيارة يتلاحم جسده في جسد جابير، أنزل سونه رأس جابير للأمام فوجدوا فيها رصاصة من الخلف والدم ينزل منه، أصابهم جميعا الهلع لرؤية ذلك المنظر، وبدأت آية تنادي عليه:

- جابير جابير.

كان يفقد الوعي.

ونظر إليه فؤاد ووضع يده على رأسه مكان الرصاصة وسأله وهو ينظر له مباشرة في عينه:

- يا جابير، جابير في ايه؟ جابير ردّ عليا.

نظر جابير إلى فؤاد نظرة أخيرة، ثم أغلقت عيناه، فأخذ فؤاد يصرخ وهو ينادي عليه:

- يا جابير جابير.

فتح سونه وأشتان الباب وحاولوا إخراجه من الباب وأخرجوه، وخرجت آية تحمله معهم ثم وضعوه على الأرض، وحاول أشتان إخراج الرصاصة، ففشل، بينما ينظر فؤاد إليه في خوف شديد.

ثم قال أشتان:

- مش عارف اطلع الرصاصة.

آية بسرعة:

- طب ودوه أي مستشفى.

سونه:

- طب مانزله تحت وخلص.

صرخت آية:

- ودوا في أي حطة اخلصوا ولا اعملولوا انتوا أي حاجة.

نظرت أمامها بينما يرفع سونه وأشتان جابير فوجدت إطلاق نار في الهواء، ثم وجدت شاهين يجري مسرعًا حاملًا سلاحه، وذهب في اتجاه أخيه ومسكه

بيديه الاثنين، وأخذ ينادي عليه:

- يا مصطفي مصطفي علمتوا ايه في الوله؟! طلعتوه بره ليه؟!

ثم نظر ناحيه آية بينما أمسك مصطفي اثنين آخران ولطم آية بقوة على وجهها:

- انتوا مش مصدقين إن احنا أهله يا ولاد الكلب، طلعتوا بره ليه قلنالكم ولاد المسيري هيقتلوه.

ثم توجه بنظرة إلى جابير الذي فقد الوعي تمامًا والذي يحمله الرجال على أكتافهم، ثم نظر إلى فؤاد الذي اقترب منهم وهم بضربه هو الآخر، لكن الدموع التي كانت تملأ عين فؤاد منعتة من أن يضربه. حمل الرجال جابير حتى المنزل بينما جلس فؤاد على الأرض، وأخذ يبكي وهو يسند ظهره على السيارة ويقول:

- أنا بعيط أهو خلوه يعيش بقى، أنا بعيط أهو.

وأخذ يبكي وآية بجواره وظل يقول:

- أنا بعيط أهو.

ثم سمع صوت شاهين من بعيد:

- هموتكوا كلكم يا مسيريه يا ولاد الكلب.

وطبظبت آية على فؤاد الذي يبكي بشدة على فراق جابير، ونظر لها فؤاد وإلى سونه وأشتان وأخذ يقول:

- أنا بعيط أهو خلوه يعيش بقى، أنا بعيط أهو.

وضعوا جثة مصطفي في الدور الأرضي وبدأوا في تخطيط الجرع وتعريته كي يغسلوه، ونزلت أمه إلى الكتبة التي يضعونها عليها كي تتحسس جسده وهو

عريان أمامها وظلت تبكي كثيرًا وهي تتحسس بيدها جسد ابنها العاري وتقول:

- يا مصطفي، يا مصطفي، سبتني ليه يا مصطفي؟!

ثم فجأة شعرت بألم شديد في عينها فتأوهت فنظر إليها أحد الأشخاص وقال لها:

- في حاجة يا حاجة؟

فدعكت بيدها عينها ثم رفعت يدها عن عينها فرأت ابنها فأخذت تبكي.

- يا مصطفي أنا شفتك يا مصطفي أنا رجعت اشوف تاني يا مصطفي،

وأخذت تنظر على كل شبر في جسده وتقبله، ودخل عليها شاهين فاستغرب من أنها عادت ترى من جديد.

كان فؤاد لا يزال يُسند ظهره على السيارة ويبكي بعد مرور ساعات، وكانت

آية لا تزال بجواره تتطبذب عليه، ثم سمع صوتًا يقول:

- ياعم أنا كنت عايز منك دمعة واحدة مش العياط ده كله.

انتفضت آية لسماع صوت جابير وأخذت تهلل:

- جابير جابير أنت فين.

فتوقف فؤاد عن البكاء وظهر أمامهم جابير يجلس على الأرض بجسد الجني

وينظر إلى فؤاد الخائف من جسده، فقال له جابير:

- ماتخافش أنا صاحبك بس في جسم تاني.

فؤاد:

- أنت لسه عايش ازاي؟!

جابر:

- أنت عيظت قبل ما مصطفي يموت فبقيت حر ولما جسم مصطفي،

مات أنا روحي ماماتش علشان روحي حرة، فرجعت بروحي بس

وخذت جسمي، واديني قدامك اهو.

قامت آية من مكانها واحتضنت جابر بكل قوة:

ثم ظهرت سيارة أخرى خرج منها سونه فنظر إلى جابر:

- يا طيار أنت رجعت يا طيار؟

وذهب سونه إليه واحتضنه بكل قوته وهكذا أشتان، ثم نظر جابر إلى فؤاد

الساند على السيارة وقال له:

- ايه مش عايز تحضني ولا ايه؟

فتحرك فؤاد ببطء ليحضن جابر، لكنه وجد نفسه في حضن جابر وطير

في السماء ونظرت لهم آية وسونه وأشتان وهم واقفان على الأرض وكانا في شدة

السعادة، ثم نظرت آية إلى أشتان وقالت له، بينما اختفي جابر وفؤاد:

- هو أنت لسه معاك الزمارة بتاعتك بتاعة الأعمال دي؟

أشتان:

- مش اتريقتي عليها!

آية:

- خلاص بقي بطل رزالت.

أشتان:

- اه معايا.

آية:

- طب ماتشوفني كده معمولي عمل ولا حاجة.

سونه:

- ليه؟

آية:

- اصلي حاسة إن فؤاد ده طيب شويه وعسل يعني.

فضحك عليها سونه وأشتان.

شَعَرَ جابير بغير الرضا، فجابير أخذ
حكماً غيابياً بالحبس ٣٠٠ عام،
وعندما قبض عليه كان من المفروض
تنفيذه، لكن يحق له المطالبة
بإعادة المحاكمة طالما كانت غيابياً.
ذهبت إليه لتلتقي بجابير في
السجن - سجن البحر الكبير
الموجود أسفل البحر الأحمر -
ولا يوجد له منفذ من تحت الأرض،
وطريق الخروج الوحيد.. هو الماء.

محمد زيدان



Designed by: Sarah Seliman